



'O' Kime Doyee Prograamee Shiritte Kooriceena'o

(Tochoo, Kuxoyee Maachi Kaayo, Kuchi Maaci Kaayo, Shuunee Bekkiyoo, Ariyee Shuunoonaa Duubona)



Topphiyee Federaale Repebiiikee Taatee
Doyee Ministeero



Qa'ab Shooddeena'o, Shiisheena'onaa
Maccena'ochi Woraafe Taatee Doyee Beerro



'O' Kime Doyee Prograamee Shiritte Kooriceena'o

(Tochoo, Kuxoyee Maachi Kaayo, Kuchi Maaci Kaayo,
Shuunee Bekkiyoo, Ariyee Shuunoonaa Duubona)

Qannayitina'ona Ciinnii Tachitina'o

Dn. Hawaaz H/yesuusi
Dn. Maatebe Alamayi
Gn. Maakkelech Gideyi
Dn. Aali Amenti
Dn. Daaynaachew Mellesi
Gn. Netsaannet Ayeni
Dn. Muligeeta Gaabbis
Gn. Yoodiit Mekketi
Dn. Mesifin Teferi
Dn. Debere Abidiisi
Dn. Abera Mehaari

Biichitina'ona Mashaamiitina'o

Dn. Desta Genemi
Dn. Hayile Gibi

Qoppetina'o

Dn. Tesfaye W/yohaannisi
Dn. Akliilu Alemi



Topphiyee Federaale Repebiiikee Taatee
Doyee Ministeero



Qa'ab Shooddeena'o, Shiisheena'ona
Macceena'ochi Woraafe Taatee Doyee Beeroo

Galleto

Hin kooricee qannayooch ariyoonaa tuneba faayinaasoonaa deggitina'ona'o Aagetee Baanko, Yuuniseefo, Seev z Childreeno, Raayit tu pileeyo Adiivi, Kotebe meetropaalitaane Yunversitinaa Benishaangul gumuuze Woraafee Taatee Doyee beeroone. Eb galletooch boono shigoo giyaani wodde koceena'ona qelli asheena'ona hin dooyee shafiro shuunooch heechemmoch kuxiyaani degoon immiteete. Ebichi Doyee minisiteero galletehe.

© Topphiye Federaalaawee Demokiraasee Ripebiiike

Doyee Minisiteeroo

1nne dukko, 2010 M.N



Topphiye Federaalaawee Demokiraasee Ripebiiike
Doyee Minisiteeroo

ISBN: 978-99944-2-849-6

Kichoo

Kooricoo 1: Tochoo.....	vii
Kooricoo 2: Kuxoyee Maachi Kaayo.....	33
Kooricoo 3: Shuunee Bekkiyoo	67
Kooricoo 4: Ariyee Shuuno	101
Kooricoo 5: Kuchi Maaci Kaayo.....	123
Kooricoo 6: Duubbo.....	147

Gimo

Hin Koorico shiritte baribare kooricee baqqeena'on yechitone. Eboshiyoo tochoo, kuxoyee maachi kaayo, kuchi maaci kaayo, shuunee bekkoyoo, Ariyee shuunoonaa duuboonane. Eb inde kooreena'o dojjechi yaaboon shuunooch heechiyoch getaa dojjechina'o dojjiyeeemmi doyee baqqoon biriyoch qannitina'one. Ebich dojjechina'o boono dojjee yaaboon yeshiyoon hini kooricee daggooch beeti inde sheqqee doyee-dojjee shuuraree gommina'on gaacho bonoshich qaawihee.

'O' Kime Doyee Prograamee



Kooricoo 1: Tochoo



Kichoo Hee'o

Gimo	x
Tocha Shaahe Kooroo , 1- Bi Qelloon Arichiyoo	1
Tocha Shaahe Kooroo – 2 - Kitaamitoon Arichiyoo	1
Tocha Shaahe Kooroo – 3 -Achee Xallittinoon Quyo	2
Tocha Shaahe Kooroo – 4 - Gutte licceena'o	3
Tocha Shaahe Kooroo 5- Keemetinaa Kallitina	4
Tocha Shaahe Kooroo – 6 - Shaahi Kaayo	5
Tocha Shaahe Kooroo – 7 -Kubbi Cooxina'ochi linjoo	6
Tocha Shaahe Kooroo – 8- Genne Aaxxooginaa bo Giiyeena'ona	7
Tocha Shaahe Kooroo – 9 - Kechi Gijjeena'onaa boono Bushiisheena'o	8
Tocha Shaahe Kooroo – 10 Gaannechich Doyee Kechi Kiino	9
Tocha Shaahe Kooroo – 11- Kashechonaa Kashaalli Mooyina'o	10
Tocha Shaahe Kooroo – 12- Biiyoon Deewiibeeti Kashingixeena'och Aashe Xaa'oo Aalloonee.....	12
Tocha Shaahe Kooroo – 13- Aabboogichi Kaayo	13
Tocha Shaahe Kooroo – 14 -liwee Qoppechinochi Boyo	14
Tocha Shaahe Kooroo – 15 - Keejje Shaaceti Emmisheena'o	15
Tocha Shaahe Kooroo – 16- Gabaabi Shunniibeeti Bechee Bungoo	16
Tocha Shaahe Kooroo -17- "Biree Indee"	17
Tocha Shaahe Kooroo -18- Kaachi Qiiceena'on Woraqatoоче Shuuno	18
Tocha Shaahe Kooroo -19- Imirikkinaa bi qelli Xallittino	19
Tocha Shaahe Kooroo -20 – Gaawoogichi Kullaareena'o	20
Tocha Shaahe Kooroo 21- Mawooginaa bi Giyeena'o	21
Tocha Shaahe Kooroo - 22 –Shunnetinaa bi Nuucheena'ona	22
Tocha Shaahe Kooroo -23 – Heeyeexi Shuunoo	23
Tocha Shaahe Kooroo 24 – Indee Boyo.....	24
Tocha Shaahe Kooroo – Daaddee Bechoo	26
Tocha Shaahe Kooroo 26 – Tuushoo Koni Beete	27
Tocha Shaahe Kooroo- 27-Ageneena'onaa Gooree Shaddeyoo	28
Tocha Shaahe Kooroo - 28–Qeeccechi Abexo.....	29
Tocha Shaahe Kooroo 29 – Giish Ceelle Baakkee	30

Gimo

Hin tochee koorico nallefeena'och qanniti gamini tocha shaahee kooreena'onaa kiineena'on yechite. Eb koorico nallefeena'o shabaatteexi doyee kaallooch boono doyiti inde shalligeena'on uumiyooch qannito tunemmona ellee hakkoon, tocheena'on wochi getti hakkoon, echee hakkoon, tochooch woyee tocha shaahee kooreena'o dagg beeti toch-asheena'on bariyon, qiiceena'on, gijjeena'on bar bariyoonaa ariyoonon uumiyooch deggeemmone.

Tochoon woyee tocha shaahe kooreena'on itti gididiyoye aaf eb kooreena'o dagg beeti inde miheena'onaa, mihee shuyeena'onon nallefeena'o bar bariyon xiishibit. Aree hillooch tocheena'on woyee tocha shaahe kooreena'on nallefeena'och itti qaaroon oogich getit.

Aroochee shemmee waayiiibit. Tochoon woyee tacha shaahe kooreena'on itti gididiyoye aafi nallefeena'o eb koorooche woyee tochooche kechiti echeena'on boono wochiyeemmoch tuniibit. Ebiyee gubb nallefeena'o gidideti mooyina'on xibiyee iiqoon uumiyooch bare boono doyit woyee boono ariimmi mooyina'ona yeshiiyee boyebit.. Gamini gooroo ittich danegaata nallefeena'o boono ariibeeti bare tochoon boono gididiyeemmoch tuniibit.

Hin koorico ihaatiyee echeena'onaa boyeena'on yechite. Eb ihaatiyee echeena'onaa boyeena'on timooch gididitina'o tunetoch dojjechina'o boono kitaamitee hinnoommona woyee doyechina'o iiqqoona yeshii tachoona woyee shaddi'i gaacho hakkiyeete.

1^{ne} Shabaattoo



Tocha Shaahe Kooroo , 1- Bi Qelloon Arichiyoo

Nallefeena'och hanaach itti dojjiiyeemmi inde shalligoon yechiibit. Dabbimmi tocha shaahe kooroo nallefeena'o boono qelloon arichiyoonaa uumiyooch hakkiyeemmina'one getaa qannitane. Ebich, nallefeena'och hiniyee desh beeti kooroon shemmee waayiichi dabbimmi echeena'on gidiibit.

Ta shigo Mallechi getteehe. Ta eeno shirrittee natoone. Ta nihoo shigo Qocciti tunemmona ta indee shigo wotta Arengi getteehe. Gutte maneena'o taach beeteete. Boono shigo Keemetinaa Alubbinane. Ta shunnaabeeti maayo muuzoone. Taan imirikkiibeeti mooyo asho miica woyee kaaya ciinoone. Qaxereena'o daggooche moceroon shunnooye. Taan shixxiibeeti mooyo ashoona kaaroonne.

lihaatiye echeena'o.

1. Mallechi niheenonaa indeenoch shigo koni koni getteehe?
2. Mallechi eeno ambichoone?
3. Mallechi shunnaabeet mooyo amoone? Bi shixaabeeti mooyooche
4. Mallechich ambiche maneena'o beteete? Koni koni getteehete?

Boyo:

Nallefeena'och, Mallechi biin arichiichi, nallefeena'o ubbe kaalloon kechi asheena'o shigoon, boono shunniibeeti mooyina'on ariyeemmoch kupphi boyebit. Mallechi getteti gommoona boonoshiyo gettemmooch tuniibit.

2^{ne} Shabaattoo



Tocha Shaahe Kooroo – 2 - Kitaamitoon Arichiyoo

Nallefeena'o! hiniyee desh geddetoommon ikke bushe bi kitaamiton aabicha bi arichiitogaata doyyiyeemmo noone. Ebich kupphe ellebot.

Ta shigo Mallechi getteehe. Ta beemi xaa'oo Gimbe dubbiiyooch tunemmona ta gafoo wotta Agelli xuggoochiye. Eb ta beemi gafooch kaayoch gaacceemmi maceccikkimmi mocere gamini gaddo beete. No beemi kechi masheroo wotta oogooge buritikaane bechoo guudditone. Aabo tunemmi goorooch michi yiirooch kotee kaayo taan emirikkiye. No kexo daacheeto sheekkoona tunemmona kelletoonaa mallee kelloona mixoochee shuunetone.

lihaatiye echeena'o.

1. Mallechi gafoo ama getteehe?
2. Mallechi kexo daacheeto amoonane?
3. Mallechi beeti kelletoonaa tuneba mallee kelloona amooche shuuneetone?

lihaatiye gubb nallefeena'on dabbimmi gommona boyebit.

Boyo:

Mallechi aabicha bi kitaamiton arichiito gaata ciinnitote? Beellee toone? Ittoshiyoo itto kitaamitonaa kexonon ubbe aaboon ariibot, archiibot.

3^{ne} Shabaattoo



Tocha Shaaha Kooroo – 3 -Achee Xallittinon Quyo

Hanaach Almaaz getteyaabeeti Tigisti nuucheechi achee xallittinee quyee hinnoon beqqimmi kooroon shemme waayiyeemmi ittine. Ebich, hiniyee desh koteti Almaaz achee quyee toommooch qanniti kooroon nallefeena'och shemme waayiichi aree hillooch beeti echeena'on ihaatiibit.

Almaaz Tigistichi nuucheena'o daggooche ikkeene. Almaaz dooyee kexooch bi hammaabeeto aafoon macha'a, qelloon kaacca'a tuneemoona ubbe kaalloon Almaaz bi aafoon saamunoona bi machaabeeto tunetooch bi aafoonaa muddoona xalloone. Almaaz bi qelloon kaaccaa baunddoon cucha'a dooyee kexooch hammahan. Maadd maaddoona bi gashoon hiddiyan, Maayoon maachaa bi kookkoon gucahaan. Ebich, Almaaz gasho ubbe goorooch naccoone. Ebiyee wotta Almaaz bi gashee daggooch echeti maayoon xallaayaabeeti tunetoch bi gashoon biyaa ariyaachen .

Almaaz ubbi goorooch xalleene. Ebich, Tigistinaa bare bi nuucheena'o Almaazin shunniyeete. Ikke aaboon Almaazichi dojjechino ahee xallittinee quyo immi doyee shimboon dojjiibee "Almaazichoommon itto aafoon, kishoon, qelloon macheebot iyone. Qelloon machechi kaacot, itto gashoon xallayibot, itto kookkon gucebot. Almaazichoommon itto xallegaata iiwoo tuneemmo ittoshine" bo geta Almaaz imirihan.

Iihaatiyee echeena'o.

1. Alimaaz bi qelloon aabicha yechaane?
2. Alimaaz dojjechino Almaazin ama iyone?
3. Almaaz bi ache xallittinon quyooch am amee qiiceena'on gaachaane?

Tookk koteti iihaatiyee echeena'o toommooch wochoon daamiichi dabbimmi boyon nallefeena'och boyebit..

Boyo:

Ebich, itto iiwiittinon quyoonaa mallet - gaawoo tunoyich ubbee goorooch itto aafoon, muddoon, qelloonaa gashee xallittinon quyebot.

4^{ne} Shabaattoo



Tocha Shaahe Kooroo – 4 - Gutte licceena'o

Nallefeena'och, gutte iicceena'o immi tocha shaahe kooroon gididiyeemmi ittine. Ebich, nallefeena'o hanaach gutte iicceena'o immi tochoon doyiyeemmo noone geti kotiichi , shemmeeshon gaawichi boono elleemmoch getit. Arooye gubb hiniyee desh kotteti tocha shaahe kooroon shemmee waayiibit.

Wonnanee wone, Ikke aangechoonaa ikke dallee iicceena'o beeheete getteehe. Angechi iiccoo balagerooch beehe. Dalloo wotta katamooch beehe. Yoochi goorooch dalle iiccoo bi indee manee bushoon echooch baalagerooch hammiye. Dalle iiccoo balagerooch bi shaggimmona aangechi balageree iiccoo imiri'i "ta shunechi ta xiboochoo neeniyee ta quyaabeeto waama diggoona waatine" getona, imiroona iibbihee.

Yaachich maaddoona aangechi iiccoo shiichi tii'i shaawi manjeemmi michi aafoon dallee iiccooch kiciye. Dalle iiccoo bi kataamee beemon shalligiibee aangechi iiccoo kupphe shuunoon shuunee bi beemoon worganehe.

Aree hillooch gutte xibee iicceena'o yeshee kataamooch kechiyeete. Kataamoocha angechi iiccoo kataame dagg beeti ogooge gofeena'onaa eleektriikee bekkeena'on ciinni worganehe. Wodde cookee qaaroon waayei bi ariyaano tunetoch kaameelee kilaaksoona keqqiyee.

Angechi iiccoo "hini ooge kataamooch ta beemooye wotte ta kexooch ta hamigaata gaawa iye. Yaachich maaddoona dallee kataame iiccoo angechi balaagaree iiccoon ceeggi waayeebe ta xiboochoo ta kataame iiccoo ta tunetoch balaagaree beemo taan womiyee, ne balaagaree iiccoo ne tunetoch kataamee beemo neechoo mawoone. Ebich "ubbe goorooch andiree mooyina'o herechoona beemo doyiyaahaa giisheche gooroon iriiteyoo echeyaanoone. Inde mooyo doyoona ariyooch qiiccoone." gettii boye'i kojjee ceeni qiicon immii bi xaa'och balagarooch wochi daachimmone wone. Angechi iiccoo biich icheti qiiccooch oogichi gallete'i hammiye wone.

Iihaatiye echeena'o

1. Balagaree iiccoo kataamooch hammi am amee iriteena'on ciinniye?
2. Kataamee iiccoo balagerooch hammi am amee iriteena'on ciinniye?
3. Kataamee iiccoo balagaree iiccoon amoon boye'i bi xaa'ooch wochiye?
4. Kataamee iiccoo balagaree iiccoon amoone immi wochiye?

Tookk koteti ihaatiyee echeena'och wochoon imiichi dabbimmi boyoon nallefeena'och gididiibit.

Boyo:

Nallefeena'och ikke andiree mooyon doyo kettoo tune qayon digeniibit. Inde mooyoo herechoonaa wochi wochi shuunee doyoonaane.

5^{ne} Shabaattoo



Tocha Shaahe Kooroo 5- Keemetinaa Kallitina

Hanaach doyoon nallefeena'och Keemetinaa Kallitina immi tocha shaahe kooroon gididiyeemmi ittine. Ebich, nallefeena'o hanaach Keemetinaa Kallitina immi tocha shaahee kooroon

doyiyeemmo noone getit. Arooyee gubb shemmeshoon gaawichi boono elleemmo getiichii hiniyee desh koteti tocha shaahe kooroon shemme waayiibit.

Keemetinaa Kallitina ikke gafooch beeti shunechi nuucheena'one. Doyee kexooche wotte'i kashe goorooch kuwaasoon tookki'i kaachiyeete. Kuwaasoon kaachi wotte'i boonoch icheti magi shuunoon echee'i shuuneeheete. Ikke goorooch kuwaasee kaayoch boono beeta boono kuwaaso keexeehe. Ebina kuwaasoon keexxeeto neene,....., neene ii'i kaareeheete. Eb goorooch Keemetich niheenonaa Kallitich niheenona shaggi'i kaachi goorooch kaachi qiiceena'o keexo, tiisho, aalloonaa duuboonon hakkimmo tunoon arichi'i ebiyee gubb boono kaareyaachemmo boye'i shuniiheete. Ebiyee gubb Keemetinaa Kallitina nuuchittinoona kaareyaanoon tookki yagiteete getteehe.

Iihaatiye echeena'o

1. Kallitinaa Keemetinaa amoomi nuucheena'one ?
2. Kallitinaa Keemetina amoonane boono kaareto?
3. Kallitinaa Keemetina aabichi shuneehete?

Tookk koteti ihaatiyee echeena'och wochoon imiichi dabbimmi boyon nallefeena'och boyebit.

Boyo:

Kaachi goorooch kaachi qiiceena'o keexoon, tiishoon, aalloon hakkiyeete. Ebich nallefeena'o eb naboona kaaro qaawiyaahee, ittoshiyo eboommi nabeena'ona kaareyaahote. .

6^{ne} Shabaattoo



Tocha Shaahe Kooroo – 6 - Shaahi Kaayo

Hanaach nallefeena'och Keemetinaa Kallitina immi tocha shaahe kooroon 5ne shabaatteexon wochii giddiyoona aree hillooch tocha shaahee koorooch beeti toch-asheena'on shaahiyoona kaachemmo noone. Ebin shuuniyoch dabbimmi gommoona boyebit.

- Keemetinaa Kallitinaimmi kooroon wochi giddiyoo.
- Eb koorooch beeti tocashena'on nallefeena'on echetaa bar bariibeeta .
- Bari bare tochasheena'ochi shigoona nallefeena'och shigoon imo, (Keemeti, Kalliti, Keemeti niheeno , Jemaali niheeno).

- Toch-asheena'o tune bekkiyeemmi woyee kaachemmi nallefeena'on bari bari'i kuwaasoon immi kaachiyoo.
- Aree hillooch nallefeena'on kaalli kaalloona toch-asheena'on keribee kachiyoo

7^{ne} Shabaattoo



Tocha Shaahe Kooroo – 7 -Kubbi Cooxina'ochi Iinjoo

Nallefeena'och" kubbi cooxina'ochi injoo" immi tocha shaahe kooroon gididiyeemmi ittine. Ebich, hanaach cooxina'ochi injoo immi tocha shaahe kooroon doyiyeemmo noone getiich nallefeena'och hiniyee desh beeti tocha shaahe kooroon shemme waayiibit.

Daaheroo, boqqelloonaa okeroona boono daneti mooyon tatoona qoodee mamoch mashaami'i dabbooch hammiyeete wone. Boono mashaamitoommon guuphoona xiixoon yechiyeete. Arooche dabbee boono daneton tato qoodeyooch injooch koteheete. Daaheroo beshoon taanee daammeemmo taanee getona shalligoon gididihe. "Ikkinnoo ta wuroo tunetoch, guttinnoo kubbi cooxina'och taato ta tunetoch, keejjinnoo kuppho ta tunetoch" iye. Aree hillooch " ebin mashaamaanoo beegaata bulleshiyee tagetteemmo iye."

Boonoshiyoo ga'oonaa "doono daahereenote dabbooch no keyiyooaba tatoonanee no qoodeyeemmo iyaa mashaamito no toone? No mashaamiti gommona tatoon qoodeebone" iyete. "Eb tuno qayigaata ebiyee gubb ittina tookka'a dabbooch keyaachone, no nuuchittino echeebe" iyete.

Ciiroocha daaheroo bi shalligoon shaddi'i batti bat bi mashaamiti gommona tatoon qoodee'i maatheete wone. Tookkiinnoo nuuche'i beeheete getteehe.

Iihaatiyee Echeena'o

1. Dabbooch hammiti kubbi cooxina'o aabooshine?
2. Boono daggooch daneti kaaro amoone?
3. Boono daggooch daneti mashaamee iritoon amoona biichiyeete?

Tookk koteti iihaatiyee echeena'och wochoon daamiichi dabbimmi boyon nallefeena'och boyebit.

Boyo:

Mashaamee qayon ihaateyoona biisho qaawiihe. Guuphi naayina'o guuphi daggooch beeti iritoon elleyoonaa iibaareyoona biisho qaawiihe.

8^{ne} Shabaattoo**Tocha Shaahe Kooroo – 8- Genne Aaxxoginaa bo Giiyeena'ona**

Nallefeena'och, hanaach, genne Aaxxoginaa bo giiyeena'ona immi tocha shaahe kooroon giddeemmi ittine. Ebich, nallefeena'och hanaach Aaxxoginaa bo giiyeena'ona immi tocha shaahe kooroon doyyeemmo noone geti kotiichi hiniyee desh koteti tocha shaahe kooroon shemmee waayiibit.

Genne Aaxxoginaa bo giiyeena'ona ikki ikke gooroch kataamooye maach hammi ciixe wottebeetina'one wone. Ebich boono gaacheebeeto Doono Manooyeeri kaameelooniye. Doono Manooyeeri ciixe wottee gooroch bo kaameelee qindiroon ceechii'l uuchee bo giyeena'ona awuuddee bo bushiisheena'onon ikkoch yiixiyeena'o ciixe boono wotteemmmoch tuniibeetina'one wone. Ciixee wotte xaa'ooch boono hammimmi aaboon arooch xum kexooch wotteheete.

Genne Aaxxoginaa bo giyeena'ona doono Manooyeeriin oogich galletteheete.

Genne Aaxxogichi gafee asheena'o boono shuunoon shittiyooch bari bare transporte shaaheena'on gaacheheete. Genne Aaxxoginaa bo giyeena'one. Doono Manooyeeriichi kaameeloon gaachemmoona boono gafooch beeti bar bare asheena'o wotta hareshoon, kuroonaa biceree transportoon gaacheheete. Qiiccoon caanooch kuree gaarin gaacheheete.

Ihaatiyee echeena'o

1. Genne Aaxxoginaa bo giiyeena'ona kataamooye maach amooyich hamiyeete?
2. Genne Aaxxoginaa bo giiyeena'ona kataamooye maach amoonane boono hammito?
3. Genne Aaxxoginaa bo giiyeena'ona kataamooye maach ambiche'i hamiyeete?
4. Genne Aaxxogi gafooch beeti asheena'o transportooch amoon gaacheheete?
5. Itto gafooch beeti nallefeena'o gaacheebeeti transportee shaahoo am amoone? Ciixee wottooch aabekki hammi arihoote?

Tookk koteti ihaatiyee echeena'oo toommooch wochoon daammiichi dabbimmi boyon nallefeena'och boyebit.

Boyo:

Bushiisheena'oo, beqqitote toone? Bar Bare and gooroonaa wone gooree transporteenaa'on gaachei ikke xaa'och bare xaa'och ashoono tuneba qiicon daamoo hakkeehe.

9^{ne} Shabaattoo



Tocha Shaahe Kooroo – 9 - Kechi Gijjeena'ona boono Bushiisheena'oo

Hanaach “kechi gijjeena'ona boono bushiisheena'ona” immi tocha shaahe kooroo giddeemmone. Ebich, nallefeena'och hanaach kechi gijjeena'ona boono bushiisheena'oo immi tocha shaahe kooroon doyiyeemmo noone getichi hiniyee desh koteti tocha shaahe kooroon shemmee waayiibit.

Addeelli geteebeeti doyecho beetone wone. Ikke goorooch bi dojjechi Addeellin “itto kexooch am shaahe gijjeena'oo beeteete?” iya echaan. Addeelliyoo “kunaanoo, maco, miimo, baakkoo, gattoo getona” wochiyee. Dojjechinoo “boono meetooche? “ii'i echoon giddihoone. “Ikke kullaaroonaa gutte bushiisheena'oo, uuchee miimina'oo, gutee gatteena'oo, shiriittee baakkeena'oo” ii'i wochiyee. Beello Addeelli! boono meetoono gaawicha'a ariinne? iyan. Dojjechino galletetaa Addeelli imiriyee.

Dojjechino dabbiiyoona bar bare gijjeena'ochi shichoon kichii bekkiihee ebiiche kechi gijjeena'oo tunetina'on taach gettemmo? iyone . Nallefeena'oo shichoon ciinni'i imiriyee. And kechi gijjeena'oo dagg beeto boonoshich shaahiyoone. Kaalli kaalloona boono kotooche ti'i hammi kishoon bekkiihee kechi gijjeena'oo tunetina'on bekkiiheete. Shichee maac beeti kechi gijjeena'on haddi'i boono meeton gettiyeete. Dojjechino nallefeena'oo beelloo tune'i kechi gijjeena'on boono baribariitoch imiriyone. Doyechina'oo daggooche Addeelli nuuchee tunetin Shunniti dojjechi ikke echoon echoone? “Eb kechi gijjeena'ochi bushiisheena'oo ama getteeheete?” ii'i echoone. “Gaawee echoone” iyaacha ikki ikke kechi gijjeena'oo bushiisheena'on dabbimmi gommooona biriihan.

- Kunaanee bushoo kano getteehe.
- Macee bushoo gaggeroo getteehe.
- Baakkee busho nooro getteehe.
- Miinj bushoo maamo getteehe iya'a giddiihan.

“Nallefeena’ot, itto kechi gijjeena’o woddittinoonaa shaahoonon xiishii ariyoo ittoshiwaane qaaweehe. Ebich ubbe aabon itto kexooch beeti gijjee shaahoonaa woddittinoon bar bariibot, shiimeebot” iya’a gooree doyon ciichitone .

Iihaatiyee echeena’o

1. Dojjechino, Addeellin ama ii’i echoone?
2. Addelich kexooch ambiche kechi gijjeena’o beeteete?
3. Dojjechino shichoon xejji’i amoon bekkiihone?
4. Addeelli nuuchen dojjechino ama ii’i echoone?
5. Dojjechino kechi gijjeena’ochi bushisheena’on am am ii’i nallefeena’och dojjiyone?

Tookk koteti ihaatiyee echeena’ochi wocheena’on daammiichi dabbimmon boyebit.

Boyo:

Kechi gijjeena’o mamooch, shuunoonaa kechi qiddoonoch gaaccibeetina’o tunetoch boono maayon imona shiimee yesho qawiihee. Digenetote nallefeena’ot?

10^{ne} Shabaattoo



Tocha Shaahe Kooroo – 10 Gaannechich Doyee Kechi Kiino

Nallefeena’och, “ gaannechichi doyee kechi kiino “immi tocha shaahe kooroon giddiyeemmi ittine. Ebich, nallefeena’och hanaach Gaannechichi doyee kechi kiino immi tocha shaahee kooroon doiyemmo noone getiichi hiniyee desh koteti tocha shaahe kooroon shemmee waayiibit.

Gaannechi 6 natti bushoo tunemmona shuuraaree iritechone. Gaannechi shuuraaree iritoo bi shiijjee goorooch shaggito tunemmoona, xaa’ooche xaa’och bi shuuraaree beeto bi indeeno degonaane. Gaannechi indee bari bare iiwee beerooch bo daammeetaa gaannechi neexee hamo hakkaache.

Gaannechi ubbe goorooch maaddoon bi kechi ga’ooch kotee bi beeta bi gafooch beeti nallefeena’o doyee kexooch hamma bekkeheete. Aroochee Gaannechi “ta aakkaane doyee kexooch ta hamaano? ii’i shalligiye. Ikke goorooch bi indeenon echeehe. Yaachich Gaannechi

indee dooyee kexooch Gaannechin daammahan. Gaannechi indee Gaannechi doyon bi qaawon birriya'a doyyon bi hakkiyeemmogaata echahan.

Doyee kechi wulleenoo Gaannechi doyo bi hakkoon xiishii'i Gaannechi indech gettiyone. Gaannechi dooyee kexoochen bi wottemmonoo tuneba dooyee kexoochena bi guudeemmi transportoonaa kuchi maac bi koteemmi tate kotoon aabicha bi shuuniyoo hakkiimogaata dooyee kechi wulleenoo Gaannechi indeech boyehone. Doyee kechi wulleeno Gaanechich dooyee kechi maac iriteeyaanon bi shuuraareemmoch gaddoon tachiihone. Eb boyoona, Gaannechi xaa'ooche xaa'och bi guuddeemmi transportoonaa kuchi maac bi gaacheemmi kotoon dane'i imiroona doyon kottite.

Iihaatiye Echeena'o

1. Gaannechi xaa'ooche xaa'ooch amoona shuuraarehe?
2. Gaannechi nallefeena'o dooyee kexooch hamma ciinni amoon shalligiye?
3. Gaannechi indeenon dooyee kechi wulleeno amo boyoone?
4. Doyee kexo Gaanechich amoone shuuneehe?

Tookk koteti ihaatiyee echeena'ochi toomooch wochoon daammon dabbimmon nallefeena'och boyebit.

Boyo:

Nallefeena'ot! Gaannechichoommon achoon miixeeti bushiisheena'o dooyee kexooch iriteeyaanon boono shuuraareemmooch transportoonaa kuchi maaci tate kotoon boono daneemmooch dego imo qaawiihee.

11^{ne} Shabaattoo



Tocha Shaahe Kooroo – 11- Kashechonaa Kashaalli Mooyina'o

Nallefeena'och, hanaach "kashechonaa kashaalli mooyina'o" immi tocha shaahe kooroon gididiyeemmi ittine. Ebich hanaach kashechonaa kashaalli mooyina'o immi tocha shaahee kooroon doyyeemmo noone getiichi hiniyee desh koteti tocha shaahe kooroon shemmee waayiibit.

Ikke goorooch Qoccitich dojjechino "doyoon uumiyooch kitaamitooch beeti xaa'oon yaach qayemmo noonee" iyone. Ebin waaye'i Qoccitinaa bi nuucheena'o imiriyeete. Qaye goorooba

maaddoona kexooche kechi dooyee kexooch hammiyeete. Arooche Qoccitinaa bi nuucheena'oo dojjechinona tookkii ciixee wotte xaa'ooch shaggiyeete. Arooch ciinooch maceccikkimmi becheena'on, kafee shaaheena'on , xaqqoon, showee shaaheena'on, qacoon ciinniyeete.

Boono ciinniti mooyina'ona oogichi imiriyeete. Qoccitinaa bi nuucheena'ona “eb no ciinnaabeeti mooyina'oo ubba ama geta ceekkeheete?” ii'i boono dojjechinon echeheete. Dojjechinoo “eb itto ciinniti mooyina'oo kashechona kashaalli mooyina'oo geta gutta qoodeeheete. Kashechina'oo getteebeetina'oo daggoochee shaahiyooch kechi gijjeena'oo, becheena'onaa, kafeena'onon ceego hakkeehe. Kashaalli mooyina'oo getteebeetina'oo daggoochee xaqqoo, aaco, showoonaa shaahimmina'oo tuneheete getone. Dojjechino daakkoona kashechina'oo tunebeeta kashaalli mooyina'oo ashi bushiisheena'och meeti gaacoon immibeetina'oo tunetoch shiimo qaawiihee” getona nallefeena'on boyoone.

Qocciti ciiroocha “eb michi aafeena'on, xaqqeena'on, bechee bungoon maci kaayoona? ii'i dojjechinon echehe. Dojjechinoo “michi aafoonaa xaqqoonon daami kaayot. Bechee bungoon kuxxaahoote” getona nallefeena'on boyoone. Arooche Qoccitinaa bi nuucheena'oo 10 mich afeena'onaa 10 xaqqeena'on kici yechi boono dojjechinona tookkii dooyee kexooch wotteheete.

Iihaatiyee echeena'oo

1. Qoccitinaa bi nuucheena'ona doyyoon uumiyooch qayee xaa'ooch konna tookkii hammiyeete?
2. Kashechi mooyina'oo aabooshine? Kashaallena'ooche?
3. Becheena'on aakka shiimo qaawiihe?
4. Qoccitinaa bi nuucheena'ona doyyoon uumiyooch qayee xaa'ooche amoon yechi wotteheete?
5. Kashechi mooyina'oo ashi bushishooch amee gommona gacciyeete?
6. Kashaalli mooyina'on amooyich quyo qaawiihe?

Tookk koteti iihaatiyee echeena'ochi wochoon daammiichi dabbimmon boyebit.

Boyo:

Nallefeena'ot, beeggiitote! Itto kitaamitooch beeti kashechina'onaa kashaalli mooyina'oo ashi bushooch meeti gaacoon immibeetina'one. Ebich, shiimo qaawiihee.

12^{ne} Shabaattoo



Tocha Shaahe Kooroo – 12- Biiyoon Deewiibeeti Kashingixeena'och Aashe Xaa'oo Aalloonee

Nallefeena'och, “biiyoon deewiibeeti kashingixeena'och aashe xaa'oo” aalloonee immi tocha shaahe kooroon hanaach gididiyeemmi ittine. Ebich, nallefeena'och hanaach biiyoon deewiibeeti kashingixeena'och aashe xaa'oo aalloonee immi tocha shaahee kooroon doyiyeemmo noone getiichi hiniyee desh koteti tocha shaahe kooroon shemmee waayiibit.

Biiyoon deewiibeeti kashingixoonaa bi nuucheena'ona Manooyeeri kexooch hammiyeete wone. Mandereeti xaa'eena'o, butto, yagiti guudoo, dooyi dabbee tippet xaa'eena'o, o'ee xaa'eena'o kashingixeena'onaa bi nuucheena'och aashee xaa'oo tuneteete.

Nallefeena'o kisho macho qayigaata maayoona tookki nallefeena'o kookkoona, maacooch gii'i nallefeena'on biiyooch duppiyeete. .

Manooyeerinaa bi kechi asheena'ona boono haggiti kexooch giiheete wone. Eb kechi gatooch (maayi kachiyee xaa'ooch) oqqiti maayee toommooch yaammo gongite. Manooyeeri bi muddoon yechiyee. “li'f,...,ii'f” shaaqiyee iye. Manooyeerinaa bi nuucheena'o maayi qiiceena'on machi, kechi guudoonaa boono kitaamitoon xallayiyee. Ebinoo boono kitaamitoona boono kechi maaco xallete.

Biiyoon deewiibeeti kashingixoo, yaammonaa dooyidabbeena'ona “iriito aalla wotte woyeemmoo noone iyeete. Hanaachiyee gubb xallayaachemmone” iibe wocci hammiyeete.

Manooyeerinaa bi kechi asheena'onaa bi nuucheena'o boono xallayiti kexoon, daaddee becheena'onaa maayi kexon wotte ciinniyeete. “And nooch xallee kexo beete” iyeete Manooyeerinaa bi nuucheena'oa. “Ubbe goorooch xallee beemooch ubbe goorooch no kitaamitoon xallayii quyo noon qaawiihee iyeete. Eb aallegaata kashingixeena'onaa bi nuucheena'on wottee woyemmina'one” iyeete Manooyeeri indeeno .

Manooyeeri bi nuucheena'onaa kechi asheena'ona boono beemi kitaamitoonaa kexonoon xallayii bekkii'i kitaamitee asheena'on boono dojjitoch gafoo ubba xalloo tunehee wonee. Ebiyee gubb biiyoon deewiibeeti kashingixoonaa bi nuucheena'och aashee xaa'oo aallehe. Bi kitaamitoon xallayaani yeexere ashoon boono daneyaaha nallefeena'o ga'ooch shagaacheete.

Iihaatiyee echeena'o

1. Manooyeeri nuucheena'o aakka bi kexooch waaheete?
2. Kashingixeena'o ashi maacooch boono giibeeto aabichiniye?

3. Kashigixeenaa'ona bi nuucheena'ona Manooyee kexoon aakka duppi kechiyeete?

Tookk koteti ihaatiyee echeena'o toomooch wochoon daammiichi dabbimmi boyon nallefeena'och giddiibit.

Boyo:

Nallefeena'ot beeggitote! No achoon xallayaa no yeshiigaata no kitaamitoonaa kexonon no xallayigaata kashigixeenaa'ona bi nuucheena'o shaahiyoocha yaammo, dooyidabbeena'o beetaacheete, biiyon nooch deewaacheete. Ebich iiwoo tunehon.

13^{ne} Shabaattoo



Tocha Shaahe Kooroo – 13- Aabboogichi Kaayo

Nallefeena'och “Aabboogichi Kaayo” immi tocha shaahe kooroon hanaach giddiyeemmi ittine. Ebich, nallefeena'och hanaach Aabboogichi kaayo immi tocha shaahee kooroon doyiyeemmo noone getichi hiniyee desh koteti tocha shaahe kooroon shemmee waayiibit.

Aabboogi wodde goorooch bushiisheena'ona tookkaa kaayon shunnaan. Aabboogi baatee kuwaasee kaayoonaa woconon shuunnaabeeti busheene. Bi dojjechino, “Aabboogi beellee busheene” iibee kupphihone. Tunebaani Aabboogi kaachaabeeto bi qelloon quyiyaanooniye. Ebich ikke goorooch woccaa diha'a bi getaa bi qanne baatoo tiishehe.

Bi baatoonaa kishoona hucete. Bi muddoonaa noonoonaa damete. Bi qelloo quttete. Bi kishoonaa baatoonaa shuuroon qajjiteete. Bi aafu baach amoonona tuneyaache. Aabboogich shunneemmi kaayoonaa wocoona neexete. Tunebani Aabboogich indeenonaa niheenona biin kitaamitooch beeti iivee aadooch daamaa daweyee gaacoon daneten. Ebinoo Aabboogich baatoonaa bi bar bare ache qeppeena'o wodiyeete. Aabboogiyoo arooyee gubb nibboona meqqeqqaabee kaayoochoo tuneba wocooch giyahan.

Ihaatiyee echeena'o

1. Shemmeeti tochoo amoon bekkiihe?
2. Aabboogin kupphiibeetino kone? Ama ii'i ?
3. Aabboogi genjee goorooch aakka baatee kuwaasoon Kaayo qajjaane?
4. Aabboogi ahee qeppeena'oochee tiisheeto amoone?
5. Nibboonaa ariyoona no kaayo qayigaata amo tunoone?

Tookk koteti ihaatiyee echeena'ochi wocheena'on daammiichi dabbimmon boyebit.

Boyo:

Nallefeena'ot waayetote toone! No nibboonaa ariyoona no kaayo qayigaata hayibe toommooch diho hakkiyoon. Ebich nibboonaa ariyoona kaayo noon qawiihee.

14^{ne} Shabaattoo



Tocha Shaahe Kooroo – 14 -liwee Qoppechinochi Boyo

Nallefeena'och hanaach "liwee qoppechinochi boyo" immi tocha shaahe kooroon gididiyeemmi ittine. Ebich, nallefeena'och hanaach iiwee qoppechinochi boyo immi tocha shaahee kooroon doyiyeemmo noone getiichi hiniyee desh koteti tocha shaahe kooroon shemme waayiibit.

Arengi ikke goorooch doyee kexooche wotta'a kechi maac ikke bilqaaxoon ciinnahan. Aree hilloch hin amoone? iya'a qechaa napphaa beeggahan. Giishechee goorooye gubb Arengi maacoon biyyahan. Ebich indeeno kaatee Arengin iiwee aadooch daammiyoone.

liwee qoppechino phiree beeggi'i Arengi biich tuneyaani attoon gaachetan iyone. Arooche Arengich wodiyeemmi attoon immiyone. Arengi indeenochoo attoon itti kotiyeemmo nallefeena'o shagaani xaa'ochiye getona boyoone. Aree hilloochoo Arengi biich icheyaani atteena'onaa bar bare mooyina'ona bi nappheyaachemmo boyoone. Boonoshiyoo kexooch wotteheete. Ebinoo Arengi maacee biiyo qajjiyee.

Ihaatiyee echeena'o

1. Arengi doyee kexooche wotta'a kechi maac amoone ciinnaane?
2. Arengi kechi maac daneti mooyo amoone?
3. Arengi maaco biiyeto amoyichiye?
4. Arengi bi maacoon biyyaa amooch hammaane?

Boyo:

Ariitote nallefeena'ot! Shiitina'o kotiit mooyoon echeeyaanon yesho woyee napphoo qaawiyaaache.

15^{ne} Shabaattoo**Tocha Shaahe Kooroo – 15 - Keejje Shaaceti Emmisheena'o**

Hanaach nallefeena'och “keejjee shaaceti emmisheena'o” immi tochoon gididiyeemmi ittine. Ebich, nallefeena'och hanaach keejjee shaaceti emmisheena'o immi tochoon doyiyeemmo noone getiichi hiniyee desh koteti tochoon shemmee waayiibit.

Wonnee goorooch keejjee shaaceti emmisheena'o beeheetee wone. Eb keejje emmisheena'o boono ooggittinoona bar bariyeete. Ikkoo oogeto, ikkoo daggi tato, ikkoo wotta giishechoonee wone. Eb keejje emmisheena'o aache beqachi beeti mocoon ciinniyeete wone. Aaco ya'echo tunetoch yaa'oona aacon kimiyeete mocoon mamoch qaawiyeeete wone. Tunebani ya'ee dechiich beeti aachi aayon shattiyeete.

Genje goorooye gubb ikke giishi emmisho ya'oona aacooye beqaach kimono qaawiye. Arooche ya'oona sha'ee beshee bi beeta “kone ya'ona sha'ee beeto beeto? maayemmo taane!” iye aachi aayo. “Yeericha get taan maayaahit. Ta qaabbe manoo waabeetone. Aroo tayee aangechoone, oogetone.” iye giishi emmisho. Aachi aayoo “inde'aa ...beshoon hakkihine ” iye. Ebina giishi emmisho besheeta ciinniti dagge qaabbe emmishoo aacon kimma ya'ooch kechiye. Wotta “kone ya'oona sha'ee beeto ? maayemmo taane!” iye aachi aayoo. “Yeericha get taan maayaahiit. Ta qaabbee manoo waabeetone. Aroo tayee beshe ooge aangechonee ” iye dagge emmisho. Aachi aayoo “gaawiyee ...beshoo hakkihine ” iye. Ebina dagge emmishoo besheeta ciinniti oogee qaabbe emmisho ya'oona aacon kimma ya'ooch kechiye.

Arooche “kone ya'oona sha'ee beeto ? maayemmo taane!” iye aachi aayo. Ooge qaabbee emmishoo “eke taan yesh bekkiyeemmo taane” ii'i miichehe. Aachi aayoo ooge emmisho miicheeta waayeebee womii giddehe. Ebina ippeeti bulliyee qaabbee emmisho aach aayon genjee bi qaroonaa kochii aacooch geddiye. Ebina qaabbee emmisho iiwoona aacon kimmiyee wone. Ebiyee gubb aachi aayo shatti'i yaa'e dechiiche aallehe. Keejje shaaceti emmisheena'o shataanoon ya'oon beshei mocoon maci'i maabe tookki'i beheete wone.

Iihaatiyee echeena'o

1. Emmisheena'ochi meeto ambichoone?
2. Ya'ee dechichi kotechii emmisheena'on shatiito amoone?
3. Keejje emmisheena'o ya'oon kimoch qaawito amooyichiye?

Boyo:

Nallefeena'o ikke shuunoon boono shuunooyee aaf boono toomooch shaggemmi hayiboon shalligoo boonoshin qaawiihe. Ebiyee baroo bari bare yaweena'on gaachoon hayibooche wodoo hakkeeh.



Tocha Shaahe Kooroo – 16- Gabaabi Shunniibeeti Bechee Bungoo

Hanaach nallefeena'och Gabaabi shunnimmi bechee bungoo immi tocha shaahee kooroon gididiyeemmi ittine. Ebich, nallefeena'och hanaach Gabaabi shunnimmi bechee bungoo immi tochoon doyiyeemmo noone getiichi nallefeena'och hiniyee desh koteti tocha shaahee kooroon shemmee waayii bit.

Gabaabi beellee doyechone. Ubbe goorooch maadda daaddee Gabaabi daaddoochee mamoch gaaccimmi becheena'oochee ajaagaaroo, shaanonaa kaarootoonaa beete. Bare becheena'ooche wotta ceelle, keelleeshoonaa moceree qaxerechi bechee bungeena'o Gabaabichi daaddee bechee xaa'ooch beeteete. Eb bechee bungeena'ooche Gabaabi shunniibeeto ikke keellesho bacciti moceree bechee bungooniyee. Areyoo bi bechitine. Gabaabi shiimeebeeti qoodooch kaata dicceten.

Ikke goorooba bi doyitoommon Gabaabi bechee xaa'och maadda kechi hammiyee. Bi shunnimmi becheechi bungoo qaxero shadde'i buneeno tune danehee. Ebinoo ayiniye. Aacon daakki bi uchiitaa shoollitan. Ebich bechee xaa'och hamon neechiyee. Ebin ciinnitti Gabaabi niheeno "ta bushoocho ne shunnaabeeti bechee bungen ariiho. Tunebaani eb bechee bungee meeti aacon qaawaane tunetooch yoochi amiyoo besho qaawiihe. Neyoo gibenoona kuxaanoon dabbi shiimo neen qaawiihe" ii'i boyone.

Ebich ikke maaddoon Gabaabin bi aabbi bechee xaa'och beechi "Gabaabo kaate wobe" ii'i ceeggiyone. Gabaabiyoo wocciibee hammiye. Bi niheeno bechee wottaa kochi beekihoone. Gabaabiyoo ta bechee bungeene ? ii'i worganehee. Ebinoo imirii becheena'on aaco uchoonaa shiimoonon kottiyee. Bi shunniibeeti becheeyoo wocha'a bungiyaan.

Iihaatiyee echeena'o

1. Gababi becheena'ooche mamoch gaacciibeetina'o aaboshine?
2. Gabaabichi bechee bungee kaata bi dicceto amoochiyee?
3. Gabaabi shunnibeeti bechee bungee qaxeroo amoon shaahiye ?
4. Gabaabi ayinito amoochiyee?
5. Gabaabi niheeno Gabaabin ama ii'i boyoone?

Tookk koteti iihaatiyee echeena'ochi wochoon daamiichi dabbimmon nallefeena'och boyebit.

Boyo:

Nallefeena'o gibeenoon kuxaanon kupphee boono shuuneegeata gaawee daachoon daneheete. Ikke mooyon gibeenoon kottii herechegaata gawee daachooch shakkihee.

16^{ne} Shabaattoo



Tocha Shaahee Kooroo -17- "Biree Indee"

"B"hi "Biree Indee" getaa ceekahan

Bullee bi bushiisheena'o boono shaahoo bari baroone. Aree bi bushiisheena'on bar bariyooch iritiyaachen."B"ch 5che bushiisheena'o beeteete. Boono qecaa qecoo bar baroone. Eb" B"chi bushiisheena' E,U,I,A,O getaa ceekkeheete.

Indee "B" hi bullinona tiqqahan, ikka kaalloch"Be" hi getona, guttinooch wotta"Bu"getona keejjinooch "Bi" getona awuddinooch "Ba" getona uuchinooch"Bo"getona bi uuche bushiisheena'on bulla tiqqahan.

Boono indee boono malleteena'ochi barittinoon bullinona ariihan.Bi bushiisheena'o tunebeetani boon qaaroo kechimmona bar bareena'one .Boono aalli qaaroo keyaache .Indee "B" bullinona tatoona shunnahan boono kichiibeeti qaaroon emiriyan. Bullinona shiimahan..

Iihaatiyee echeena'o

1. Indee getteeti biree aabin?
2. Biree "B" bi bushiisheena'on aabichaa barihaane?
3. "B" chi bushiisheena'o abicheena'one?
4. "B" hi bushiisheena'och gaaco amoone?

Boyo:

"B" baach tuniyaanoon bullee shemmeebeeti bireena'o qaaroon boono kiciibeeto shemmiibeeti bireena'o beegaata baachiye. Boonoshin tatoona gaachoo qayigaata qaaroo keyaache.

17^{ne} Shabaattoo



Tocha Shaahe Kooroo -18- Kaachi Qiiceena'on Woraqatoоче Shuuno

Nallefeena'och hanaach wotta "Kaachi qiiceena'on woraqatoочee shuuno "immi tocha shaahe shuunoon shuuniyeemmo noone getiti.

Ittiyoo nallefeena'och woraqatoочee bar bare shuuneena'o aabichaa shuuneebeeto gaata biriyeemmi ittine.

Mawoogina tookkii doyiibeeti nallefeena'o daggoochee Gaaweti ikkoone. Mawooginaa Gaawetina giyeena'one. Gaaweti kaayon shunniye. Gaaweti Awuroppilaanoon woraqatoочee shuunehe. Awuroppilaanoon shuunee tukki bi awuremmona yoobbiye. Mawoogina bare bi nuucheena'o Gaawetina tookkii kaayon shunniyeete. Woraqatoочee Awuroppilaanoon qecoona shaahii shuunoona kiroona cuchii wocona ayeree toommooch aabichii bi yoobbiibeeto gaata ciinona woriganeheete. Gaaweti woraqatoon qodona bar bare qeceena'on shuunoo aabichaa hakkeebeeto gaata bullee gafee bushiisheena'och dojjiye.

Iihaatiyee echeena'o

1. Kaayon shunniibeeti Mawoogich nuuchoo koni getteehe?
2. Mawooginaa bi nuucheena'ona kaachiibeet kaayo amo getteehe?
3. Mawoogi boono kaachiibeeti mooyo amochee shuuneetone?

Boyo:

Gaaweti, Mawooginaa bi nuucheena'ona woraqatoоче baribare kaacheemmi mooyina'on shuune'i kaachiyeete. Ittoshiyoo Gaawetinaa Mawoogi nuucheena'ochoomon woraqatoona bar bare kaacheemmi mooyina'on qannayoona kaayot.

19^{ne} Shabaattoo**Tocha Shaahee Kooroo -19- Imirikkinaa bi qelli Xallittino**

Nallefeena'och hanaach wotta Imirikkinaa bi qelli xallittino immi tocha shaahe kooroon elleemmo noone getiti. Aroocheenoo shemmoona waayiibit.

Imirikkichi indeeno genne Turingi Imirikkichi doyyee kexooch bi hammimmona bullee aaboon biich yefelleshooch tuneemmi maayoonaa aaconon yechiyone. Maayoon gooroo beshiyaanon kishoon macheyee bi maayemmoch boyoone. Mamo qayigaata biiyona wushoo hakkeeyaache iyone. Imirikkiiyoo bi indeeno boyoon waayoona biich icheti maayoon kishoon macha'a maahan. Xalle aaconoo uchahan. Bi ciichitoyee gubb maayi qiicon bi borisooch gedona kishoon machaa bi doyyoon doyyan. Doyyoyee gubb kexooch wottahan. Imirikkichi indeeno "beellee ta bushee " ne maayoon gooroona ne mammona ne iiwittinon quyetine getone iyone.

Ihaatiyee echeena'o

1. Imirikki indeeno doyyee kexooch bi hammemmona amoon immii daachiihone?
2. Imirikki maayoon bi mamoye aaf amoon halliyane?
3. Imirikki indeeno Imirikkinaa amayii boyoone?
4. Qelli xallittinon quyo amoyich gaacciye?

Boyo:

Bushiisheena'ot, no ashittinooch maayoonaa aacona qaawiihe. Ebich Imirikkichoommon gaawichii mamonaa qelli xallittinonon quyo biiyooche wodihe.

21^{ne} Shabaattoo



Tocha Shaahe Kooroo -20 – Gaawoogichi Kullaareena'o

Nallefeena'och , hanaach Haanninaa kullaareena'och tocha shaahe kaayon elliyeemmo noone.

Ikke aaboon Gaawoogi kexooche bara hammahan. Gaawoogichi kullaaree oogichaa shaacahan. Bi bushiisheena'oo shaaceheete. Hananichi kullaaree maaxooch maayee qaawooch hammeten. Kaataa wottiyaachen. Keejje kullaaree bushiisheena'o boono indeen quyetaa waataachen.

Ishichiibee duubbiyeete.

Taande taande no bulichi indeene

Taan amooch duppene

Hamma aallemmine inde

Halla manjimmine inde

Woci shitteyee

Wob indene

Manja'a yaginne

Maaxooche heechenne

Shacoon noon wuxaa

Shachewoo xippiita

Kone noon echeemmo

Kone nooch immeemo

Duubon wochi wochi duubeeta. Boono indee andoo kaataa waataachen. No indeen gommooch quyebone getona kexoochee kechii hammiyeete. Boono kechiti masheree maach kote aacon daneheete. Ucha boono yitta immona aaco boono shaahoon heeraawoochoommon bekkiihe. Ta aacoochi giyaabeet taanee iyan nacce giishi kullaaree.

Wonnanee wonee aa'i kullaaree bushee bi indee boyoon shalliga'a bi maneen giyaahine iyan. No indee aaco itto danegaata giyaahote iyaa noon boyiyaaneene? Nacce kullaaree bushee boyoon waayiyaache getona capphaa aacooch giyahan. Aroochee aaco biin kachiyaache immona cookaabee eppahan. Bi maneena'oo cookiibee eppiyeeete. Boono indee wohoochaa boono cookoon waaya'a woccaa shaggahan. Bi bushiisheena'on shitta'a aacooche kichiyen.

Aafi bi boyoon waayiyaache boono getona woddoon kaarahan. Bi boyoon waayeti aa'inaa ceelle kullaaree bushiisheena'och boono kaachemmon wajjiyane wone getteehe.

lihaatiyee echeena'o

1. Keejje kullaaree bushiisheena'o masheroochee kechii amoon daneheete.?
2. Boono indee waataanoo yagaa bi getaa ama iibee duubbiyeete. ?
3. Bi indee boyoon waayiyaane kullaaree aabine?
4. Kullaaree bi bushiisheena'o daggoochee aa'inaa ceelleenoch baach wajjoon bi immeto amoochiye?

Boyo:

Bushiisheena'o, shiitina'ochi boyoon waayoona ittoshin hayiboochee quyo qaawiihe.

22^{ne} Shabaattoo



Tocha Shaahee Kooroo 21- Mawooginaa bi Giyeena'o

Nallefeena'och hanaach wotta Genne Mawooginaa bo giyeena'o diggoonaa emiroona boono beemon elleemmo noone.

Genne Mawooginaa bo giyeena'ona ikke uumiiti getteebeeti gafooch tookkii beeheete. Gn. Mawooginaa bo giyeena'ona maadda tokketoche boono tiimmona tuneba xumi shuunoochee boono wottemmona daneheete. Genne Mawoogi giyeena'och haddoo uuchoone. Boono danemmona diggoona qeyitote? Diggoona heechitote? getona ikkoo ikkoon diggiihe. Tookkii boono beemona emiriyeete.

Ikk ikke kaalloon kashee goorooch Genne Mawoogi bunoon guppil bo giyeena'on ceeggiyone. Aroochaa bunoon uchiibee ucheena'ona boono shuunoon, boono bushiishee mooshoon, boono diggittinoo yibbaateheete. Bare decooba Genne Turingi wotta bunoon guppil 5che bo giyeena'on ceegona eboommon tookkii kaachiyeete. Biiyeto beegaata tookkii hammii echeheete. Qaawiimmi mooyina'onoo daammiyeete. Eboomona Genne Mawooginaa bo giyeena'o diggoonaa shuunoonona genje goorooch tookkii beeheete wone.

Iihaatiyee Echeena'o .

1. Genne Mawooginaa bo giyeena'och gafoo ama getteehe?
2. Genne Mawooginaa bo giyeena'ona amee goorooch daneheete?
3. Genne Mawoogi giyeena'o ambicheena'one?
4. Genne Mawooginaa bo giyeena'ona kashee goorooch amoon shuuneheete?
5. Genne Mawooginaa bo giyeena'ona amoochiye emiroona boono beeto?

Boyo:

Itoshiyoo itto giyeena'onaa itto nuucheena'och ga'ee gaawoona boonoshina tookki diggoonaa shunoona beemo qaawiihe.

23^{ne} Shabaattoo



Tocha Shaahee Kooroo - 22 –Shunnetinaa bi Nuucheena'ona

Nallefeena'och hanaach wotta “Shunnitinaa bi nuucheena'ona” boono kitaamitooch beeti becheena'on aabichii boono shiimeebeeto gaata elleemmo noone.

Shunniti daaddooch 3 becheena'o beeteete. Shunnitichi shiitina'o becheena'och aacon uchoo, showoon tiqqiyoonaa, shiimona qaawiimmo tunoon boyeteete. Shunnitiyoo bi waayeti boyoonaa bullee aaboon becheena'och aachi uchoonaa showoon tiqqiyoonaa shiimoon kotteten. Shuyoonoo waaxxaa duppahan. Ebina becheena'on gaawichaa shunnaabee waaten.

Ikke kaalloon Shunneti Genetinaa Accechina tookkaa kaayoch qaawa'a boono kexooch hamona ceeggahan. Arooche bi shunnaabeeti keeje bechee cammooch kotechii kaayon kottiyeete. Kaachii boonobeetaa Geneti eb becheena'o aabichii gaawoon hakkiyeete getona Shunnitin echahan. Shunnitiyoo bi nuucheech ishichiyani. Eb no daaddooch beeti becheena'o gaawee boono diccito taabbinaa taandina bullee aaboon shiimeebeetina'o tunoonaa tawoo boono immiti boyoonaa aacon uchoonaa showoon tiqqiyoonaa bullee aaboon shiimaa no beetochiyee iyan. Ta nuucheena'o Shunneti eboommon no masheree maac beeti becheena'ochommon no kitaamitooch wodge becheena'o beeteete. Becheena'o kechi hagogh, maayee kaachiyooch, yiirooch, attittinoonaa shaaheena'och gaacciyeete. Itoshiyoo noochoommon becheena'on shiimoon hakkiyoote getona boyahan. Bi nuucheena'o Shunniti gididiiti shalligoona mashaamoon boono kitaamitooch beeti becheena'on shiimooch giiheete.

Boono shiimeebeeti becheena’o gaweebee hammiyeete. Ebb bushiisheena’o shuunoon ciinni baribare kitaamitee asheena’o bushiisheena’on galleteteete

lihaatiyee echeena’o

1. Shunniti boono daaddooch beeti becheena’on aabichiyane?
2. Shunniti bi nuucheena’on ceegga’a amoon getaane?
3. Shunnitinaa bi nuucheena’ona boono kitaamitooch beeti becheena’on boono shiimo kitaamitooch bi immeemmi gaaco amoone?

Boyo:

Bushiisheena’ot, Itoshiyoo Shunnitinaa bi nuucheena’ochoommon itto kitaamitooch beeti becheena’o gaawichii shiimoo qaawiihe. Becheena’o diccimmona kitaamitooch macecikkimmo tuniiheete. Bar bare mooyina’ochoo gaacciyeeete. Ebich bullee aaboon shiimebot.

24^{ne} Shabaattoo



Tocha Shaahee Kooroo -23 – Heeyeexi Shuunoo

Heeyeexi shuunoo geto amoonee getona doyechina’o getteemmoch tuniyoo. Aroochee hiniyee deshi giddeeti tocha shaahe kooroon shemme waayiibit.

Hanaach wotta Boggaalinaa Keemeti Maaddo, Areddoo, Xumo, Yaa’o geto ama getogaata boono arichiimmona elleemmo noone.

Ikke aaboon Boggaalinaa Keemetina qayooch Booqqi xuggooch beeti ikke nallefeena’och doyee kexo woyee KG qayooch boono dojjechina’ona tookkii hammii shaggiyeete.

Aroochee ikke nallefeena’ochi kimooch giiheete. Nallefeena’o bulla koteebeeteete. Boono dojjechino, maaddo, areddoo, xumoonaa yaa’ona geto ama getogaata nallefeena’och biriibeetone. Boggaalinaa Keemetina eb miiheena’on boono waayoona emiriyeete. Nallefeena’ochi dojjechino dabbii dojjoona bushiisheena’ot, maaddoona tokketoochee timona aafoon macheyee, shaafiroon maayee, itto komadoon yeshona doyee kexooch hamiyee yefelleshee goorooch beddaahaa doyiyeemmo ittoshi toone iyone? eb gooroo maaddo getteehe.

Yefelleshooyee gubb xumi beddaahaa wotta womikkoo getteehe. Xumo getteebeeto bullee asheena'oo shuunoochee woyee dooyee kexoochee wottemmonaa manderemmonane. Bulliyona qeenooch keyona bi tokketeetoyee gubb qellayoo getteehe. Harooch beddimmona wotta yaa'oo getteehe. Keemeti kishoon tiijjii dojjechinote! xumo bi tuneemmo aatane?" Aree goorooch bekkeebeeti mooyo beeyeehe? getona echehe.

Dojjechinoo, "maaddoonaa areddoonaa tunemmona aabee bekko beete. Xumo tunemmona manderoo tunehe. Eboommonoo xume goorooch shimaayooch agenoona xojjeneena'oo bekkeheete" iyone. Boggaalinaa Keemetina boono waayetonaa boono ariiti mooyina'och emiriyeete. "Hanaach hiniichee no waayeton no nuucheena'och geto qaawiihe." iyeete. Ebina qayoon ciich'i Boono dojjechinona tookki boono kexooch wotteheete.

lihaatiyee echeena'oo

1. Itto waayeti tochoo amooniye bi biriibeeto?
2. Qayooch nallefeena'och dooyee kexooch hammito kone?
3. Nallefeena'och dooyee kexooch shaggi'i aabiixi kuxooch giiheete?
4. Maaddi maaddoon amoo halleehe?
5. Maaddoonaa areddoonoon amoon ciinnoone?
6. Xumo tunemmona aabichiye?
7. Xumoonaa qellayoo tunemmona amo tunehe?

Boyo:

Bushiisheena'ot, ittoshiyoo, Itto doyitoommon Maaddo, Areddoo, xumo, qellayoo iibeeti gooreena'on ariyoo qaawiihe. Gaawichiye boonoch bar barittinoo ariibot.

25^{ne} Shabaattoo



Tocha Shaahee Kooroo 24 – Indee Boyo

Nallefeena'ot, hanaach" indee boyo" immi tocha shaahoon elleemmo noone.

Aberaashi shiichee kote dooyee doyechine. Wodde asheena'oo biin echemmona eke qayibeebe ta indee boyoon waayeechibona iyan. Qaawiigaata taandeenaa boyeechishiye getona

arichehan. Ishichaa bi beeto cikka’an toonoon bi indeeno Gn. Hiiwoot gaaccimmi boyoon bo boyeebeetochiye.

Ikke aaboon iibbittinoon qeyiti doono Mekkonini boonoshin echoyichi iibbittinoona waa’i “oogii taan taahihe eke ikke kaalloon kishoon giijjiyee ta gubboon quce” iyone. Eb goorooch Aberaashi bi indeeno boyeti boyoon shalligiyan. Biindi getoon shalligiyan “Ta busheenee gaawichii ariyoo neech qaawiibeetona hanaach beddaaha neech ta getaani mooyo beete. Ebiyoo tahoona qereeti ashittinoon konichoona tunegaata shago qaawiyaano tunooniye.

Ebich koniyona neen echoon hakkaache. Koniyona tuneba yeshaache geto neen qaawiihe. Shaahe hinnoona neyoo bare ashi maaci ashittinoon huushoo qaawiyaache. Bekkech tiya’a woccii hamona bi indeech gettahan. Gubbee wottaa shalliga’a ayii... aakka gettetote. libeeno toonee getona taan kaaroo qayaachene iya’a shatta’a showoon ciinnaabee neexahan. Bi indeeno bi shalligitoommon tuniyaanoon beellee neenee ta boyoon ne shalligoocha iyone. Abaraashiyoo biin bo gibenetona kaaroon bo qajjitoch emira’a andoo ishichoona echahan.

“Ta indeenee ta qaawaanoon ta daaggaanoon boono yeshigaata huushigaata abichibote” iyan. Bi Indeen Gn Hiyiwooti “ebe’ee koniyona tuneba ne qaawaanoon bi yeshigaata woyee bekkiiibe bi getigaata bekkech taach woyee ne aabbich geto qaawiihe getona boyoone. Eboommonoo doyee kexoochaa tunegaatinaa bi shiitina’o katinooch aallegaata Dojjechinoch bi getteemmmoch boyoone.

Iihaatiyee echeena’o

1. Aberaashi amagetona arichaan? Amooch?
2. Aberaashichi indeeno Genne Hiyiwoot, Abaraashin ama iyii boyoone?
3. Abaraashi amoochiye bi indeeno kaareemminone getona bi shatteto?

Boyo:

Bushiisheena’ot , tahoona qereeti itto ashittinoon itto qellichonaa baroo koniyona yesho woyee huushoo woyee ciino qaawiyaanoo tunoonaa ittoshiyoo barooch bi qelli ashittinoon ciinonaa yesho qaawiyaache. Tunebaani konyona yeshigaata woyee bekkiiibote bi getigaata itto shiitina’och woyee itto dojjechina’och geto qaawiihe.

26^{ne} Shabaattoo



Tocha Shaahee Kooroo – Daaddee Bechoo

Hanaach wotta Daaddee becheena'och tocha shaah kooroon doyiyeemmo noone.

Qocechinaa bi nuucheena'o boono kashe goorooch bullee aaboon boono kitaamitooch beeti mixina'on gayoonaa shiimoona boono gooroon beshiieete. Ikke aaboon Qocechinaa Aachoogi Mallechi masheree maac kuwaasoon kaayoch yechii giiheete. Kuwaasoon duppii boono kaachiibeetaa gubb beeti becheena'o daggooch holliye. Kuwaasoon tiijjooch woceebee boono hammahaa Aachogichi qaabbe manoo Attumi bi qaaroon oogichi'i ittoshin gettaabeeti taanee becheena'on neexaahote, kuwaasoon itto qaawiibeetogaata nibboona men gashoona hamon hakkiyoote." iye.

Boonoshiyoo wocon qajji'i neexeheete. Mallechinaa Attumi boonoshiyoo "no amoonona duubiyooch toonoone" iyeete. Ne daaggigaata neen dego hakkihone getona wochoon immiyeete. Tunebaani amoon itto taan deggeemmo iyan. Aachooginaa Qocechinoo ne gettemmon degon hakkiyone iyeete. Ebinoo bechee bungee shigoon ne getteemmoch qaawiyon iyeete daakkoona.

Attumi "taan itto gaacheemmo andichi aalla, itto kuwaasoon ta tiijjiyeemmo taane" getona wochoon immiye. Keemeti boonoshiyoo bechee bungee shigo amoo getteehe iyeete? "Biyoo yaarona becheeti bechee bungee shigoonaa shaahoonon kishoona malleteebee gettiye. Eb gutte yaarona beeto kaarootoone. Eb keejje yaarona beeto, ajagaarone. Eb daggoona beeti ikke yaaroo wotta selaaxoone" iye. Kaatee shaggiibeetona qabine goorooch waacheebeetone. Hin awudde yaareena'o wotta godeebeeti shaachi buchicheena'onee getona wochoon immiye. waaxxaa ta bechito batt ikke shabaattoone. Uuche yaaroo wotta baroone.

Eb shiritte yaareena'o qoosteena'o tunemmona guttee yaaroo wotta shanonee iye. Shaano cimmito tunetoch tiishoch shaggite. Eb bulla daaddee becheena'o getteeheete. Eboshin mammo iiwittinooch gaacciyee getona biriihe. Gaawichaa ta shiimeton ittoshi ciinnibeetomon maceccikkiyeete. Aachoogi "ne eb daaddee becheena'oochee amee gaacoon danenne" iyan. "Ciinnetinee Aachooge becheena'o shagigaata kexooch gaachooyee beshii kema gijjoon daniheete." iye. Keemeti boonoshiyoo biin gallete'i boono kuwaasoon daamona kaayooch hammiyeete.

1. Keemetinaa Aachoogina Mallechichi masheree maaci akka giiheete?
2. Aachoogichi qaabbe manoo Attumi qaaroon oogichi'i ama iye ?

3. Mallechichi masheree maaci beeti daaddee becheena'o am ameena'one?
4. Bullee daaddee becheena'ooche wodde yaaroon becheeto aabine?
5. Cimmit daaddee bechoo aabine?
6. Daaddee becheena'on mamoo amooch gaacciye?
7. Attumi daaddee becheena'oochee amee gaacoon danehe?

Boyo:

Daaddee becheena'o ashi bushiishooch ooge gaacechina'one. Ebich, daaddee becheena'on gaawichii shiimo qaawiihe.

27^{ne} Shabaattoo



Tocha Shaahee Kooroo 26 – Tuushoo Koni Beete

Wonnanee wone shakkeena qaccemmena ikke kitaamitooch beeheete wone. Ikke aaboon gutteena'ona boono kexoochee wokkii maayee qaawooch boono kaatti kaattoona hammiyeete. Tunebaani qaccemmoo amoonona daneyaanon kexooch wottehe, oogichi shaacehe. Ebina, maayoon bi daneemmi yawoon shalligiye. “Shaacoona ta qitooyee aakka shakkeen maataachote” ii'i shalligiye. Aabichiyee shakkeen bi yecheemmo gaata maroon qaawiye. shakkee maayee qaawooch bi hammetoochee bi wottiyaahaa kexooch gii aasheya shalligiye. Kechi kelletoon qechaa bi giyemmona caphiyee yecheemmoch qanni'i quyehe.

Shakkee mixoochee mixooch caphaabee bi maayoon maabee heechaa xummemmona kexooch wottahan. Bi kexooch kechi kelletoon qofona ishichaa cooka ceeggahan. Hin ta kexine hin ta kexine hanaach amoon tunenne? bulli aaboon ta ceeggemmona abeeta iyaabeeti ne toone. Shakkee ebin bi gettaabeeti goorooch qaccemmo maac beechii elleebeete. Aroochee qaccemmoo “kexo iyaa bi ceeggemmona aabeet.... gettemmine getona shalligi'i abeet! abeet!” iye qaccemmoo, gutte kaalloon cookii eekkehe. Aroochee accechi shakke qaccemmoo maaci bi beemon ariyoona “tuushoo koni beete neechaa? tuushoon qaawibe” getona bi kexon duppaa wocchan. Qaccemmoo kexon qechii bi beeggaahaa shakkee aallenan. Woddoon ayini'i bi kexooch hammiye wone.

Iihaatiyee echeena'o

1. Qaccemmoo aasheto koni kexoochiye? Amoochiye bi aasheto?
2. Shakkee ceeggeto amoochiye?
3. Shakkee ceegaanoo bi giyeto gaata amoo bi toommooch shaggeeshe?
4. Qaccemmo amoochiye shakkee ceeggemmona abeeta... bi iyito?
5. Shakkee ne tuushoon qaawibe bi ito koniniye? Amoochiye?

Boyo:

Ikkikke kaalloon phuuqoonaa accecho tuno diggittinooch qaawiimmonaa gaaccimmone. Bi qelli gaacoocha geton barooch gondee shalligoo qaawiimmo toonoone.

28^{ne} Shabaattoo



Tocha Shaahee Kooroo- 27-Ageneena'ona Gooree Shaddeyoo

Nallefeena'och hanaachi no dooyoo ageneena'ona gooreena'och shaddiyoon beqqimmi tocha shaaha kooroone getiichi kooroon shemme waayiibit.

Biraaninaa Keemetina Wodiiti immi dooyee kexooch doyiyeete. Ikke qemon boono gafeexi gaddooch kotechii kaachii boono beetaa boonoshin aqqiihe. "Amiyoo woya ii'in shaahiye aqqeebeete" iye Keemeti. Biraan "showoo xumetochiyee bi aqqiito" iye. Amiyoo woddebeet gooroo aatane? getona Keemeti Biraanini echehe. Ta ebin ariyaach eke yaach maadda dojjechino Ayelechin echehone geton boono kexi kexooch hammiyeete. Yaachich maadda dooyee kexooch shagona dojjechino Ayelechin echehone. Dojjechino ishichoon wochiyone. "Aabee gooroo qaawoo getteehe. Amiyee gooroo wotta yooyo getteehe. Yooyooba aqqiihe. Qaawooba gaamiye" getona dojjechino Ayelechich Biraaninaa Keemetinoch gettiyone. Boonoshiyoo boono daneti wochoona emiri'i boono dejjechinon galletoona kimooch giiheete.

Iihatiyee echeena'o

1. Biraaninaa Keemeti gaddooch kotechii amooniye boono kaachito?
2. Biraaninaa Keemeti dojjechino Ayelechin amoon echeheete?
3. Dojjechi Ayelechi Biraaninaa Keemetinoch amee wochoon immiyone.?

4. Aabe gooroo amo getteehe?
5. Yooyoba amo woddehe?

Boyo:

Qaawee gooree tahoona yoochi gooree taheena'onon bari'i taho qaawihe.

29^{ne} Shabaattoo



Tocha Shaahee Kooroo - 28–Qeeccechi Abexo

Qeeccechi abexo mamon shunniye. Biindeena tookkii gabini becheena'o beeti budi ga'ooch beeheete. Muuzo, ajagaaroo, bechee bungoo, bar bare noocciibeeti bechee waamina'ona atere moochoon mamon qaawiye. Tunebaan bi indee bullee aaboon bi immaabeeto, becheena'ochi mullooniye. Shaafirooch waajji tuppooniye. Yefelleshoochoo waajji tuppoon gifiroochoo waajji tuppooniye. Wochi wochi tuppon mammo biin shixxiibee waahe?

Ikke Tachayee aaboon bi indeewaanee aashe'i becheena'o beetooch hamona ikke muuzoon maahe. Andoo ikke Takkayee aaboon becheena'o beetooch hamona gutte ceelle ajagareena'on maahe. Akkeroba wotta aashe'i hamona keeje keellesh bechee bungeena'on maahe. Addaamooba wotta aashe becheena'o beetooch hamona awudde noocciibeeti bechee waamina'on maahe. Michire'ooba uuche mocere atere moochoon maahe. Bushiisheena'ot. Qeeccechi abexo michito shaahiye toone? Toonoone miyaache!

Bushaashmbetooba ikke muuzo, gutte ajagaareena'on, keeje keelleshe bechee bungeena'on, awude noocciibeeti waamina'ona uuche atere moocheena'on maahe. Eb goorooch qeeccech abexoch xifo kuwaasoochomon nafiye. Yoobon mawiihe. Michi cammooch kotechii eeppiye. Abexochi indee bi bushoo eeppiibeetaa danahan. Showoochee tiijjaa aacon immahan. Tokketoo biin daammahaa tiqqahan. Oogishambetooba biich gishechoon gaawehe. Indee immeti becheena'och waajji tuppon amoonona echiyaanon maahe.

lihaatiyee echeena'o

1. Qeeccechi abexo biindiwaanee aashe'i becheena'o beetooch bi hammito amoochiye?
2. Qeeccech abexo Tachayooba amoon maahe? Takkayooboch?
3. Qeeccech abexo bushaashmbetooba amoon maahe?
4. Qeeccech abexo michi cammooch kotechii bi eepito amoochiye?
5. Qeeccech abexon showooche tiijji'i aacon immiito konini?

Boyo:

Bushiisheena'ot! Ittoshiyoo shabaatee aabeena'on ariyoona shuuneemmon yamoo qaawiihe. Bari bare maayoon baci mamoo qaawiimmo tunetaana shiitina'ochi daaggooyee maach woddii mamoo qaawiyaanoone.

30^{ne} Shabaattoo



Tocha Shaahee Kooroo 29 – Giish Ceelle Baakkee

Ikke aaboon giishi ceelle baakkee shaceti teephee yaroon ikke budi ga'oochee danahan. Bi ga'ooch beeti kunaaneen, kullaaroonaa gudinon hin teephee yaroon ta shookkemmona gaachehote? iya'a echahan.

Kunaanee ta "gaachiyaache" iyan. Kullaaroo ta "gaachiyaache" iye. Gudinoon ta "gaachiyaache" iye

Qayote gidoo aalloonee amiyoo baach dihibee gaawichi colleemone getona men teephee yaroon bi ikkeetee shokkahan.

Marahoo shaggimmona giishi ceelle baakkee sheqoon qecoch taan gaachehote iya'a kunaanee, kullaaroon ,gudinon echahan. Keemina'ona gaachiyaachone iyeete. Amona tuneba iritoo kecheemmone getona sheqoon bi ikkeetee qeccahan.

Giish ceelle baakkee bucheemmi godoon qannayoona andoo keemina'ona gaachehote iya'a bi echeta gaachiyaachone iyi wochiyeete. Amiyoo aallee, aaboonaa yongoona beegaata ta bushi, hugi qannayimmi taane iritoo aalloone iyan.

Giishi ceelle baakkee teepphoon yiikkooyich taan gaachehote iyan. Boono keemona andoo gaacheyaachone iyeete. Andoo shuu'iya'a teepphoon bi ikkeete yiikkahan.

Andoo giishi ceelle baakkee daaboon kachiyooch taan gaachehote iyan. Andoo keemina'ona gaacheyaachone iyeete. Daaboon bi ikkeetee kachiihan.

Giish ceelle baakkee daabbee mamon taan gaacheehote iyan Kunaanee ee... gaachehe iyan. Kullaarewoo ee...gaachehone iye. Gudinoon ee..ee gaachehone iye. And taan gaachemmon qaawaache shuuniyaanoon maataache. Ta keeje bushiisheena'ona tookkaa maataachote iya'a bi keeje bushiisheena'ona tookkaa maamminee wone baakkee.

Ihaatiyee echeena'o

1. Giish ceelle baakkee amiyoo dihibe bi iyito amoochiye? Amiyoo tunaayee bi itoche?
2. Giish ceelle baakkee gaawe aaboonaa yongona baach beebee bi ito amoochiye?
3. Itoshi giish ceelle baakkee nuuchoo itto tunemmo gaata amoon halliyeeshote?

Boyo:

Bari bare ayeree hinno beemmon nallefeena'och arichiibit. Eb ayeree hinno dabbi bi danegaata miixibeeto tunoono digeniibit.

'O' Kime Doyee Prograamo



Kooricoo 2: Kuxoyee Maachi Kaayo



Kichoo Hee'o

Kuxoyee Maachi Kaayo 1 — Aafi Achee Qeppeena'ochi Shigo.....	37
Kuxoyee Maachi Kaayo 2 - Gijjeena'ochi Kaayo.....	37
Kuxoyee Maachi Kaayo 3 - Ashittinee Qeppeena'on Bekkiyoo.....	38
Kuxoyee Maachi Kaayo 4 - Kechi Gijjeena'on Giddyoonaa Wokkiyoona.....	39
Kuxoyee Maachi Kaayo 5: Haddeena'onaa Guuphon Halloo	40
Kuxoyee Maachi Kaayo 6 – Mocero-mocero.....	41
Kuxoyee Maachi Kaayo 7 - Tigisti Gettetoomon.....	41
Kuxoyee Maachi Kaayo 8 - Gijjeena'on Shaahii'i Kaayo.....	42
Kuxoyee Maachi Kaayo 9 – Tachayee, Takkayee Kaayo	43
Kuxoyee Maachi Kaayo 10 - Kuwaasoon Gedderikkoo	44
Kuxoyee Maachi Kaayo 11 – Dangiyyee Kuwaasee kaayo	45
Kuxoyee Maachi Kaayo 12 – Dabbib Ne Yaabechon.....	46
Kaayo haddoo 13 — Kaattoo	47
Kuxoyee Maachi Kaayo 14-Asittinoo quyee kaachi qayona waabeeti iriteena'o.....	48
Kuxoyee Maachi Kaayo 15- Bari Bariitaa Koteti Qircaateena'o	49
Kuxoyee Maachi Kaayo 16 – Qaxaree kaayo	50
Kuxoyee Maachi Kaayo 17 — Oshijjii Kaayo	51
Kuxoyee Maachi Kaayo 18 - Kishoon Shaddiibee Kuwaasoon imo.....	52
Kuxoyee Maachi Kaayo 19 — Ceeree Waaxo	53
Kuxoyee Maachi Kaayo 20 - Oshiyoon Yechiyoo.....	54
Kuxoyee Maachi Kaayo 21 – Pateriinee shuuno.....	55
Kuxoyee Maachi Kaayo 22 - Imaa-wochoo	56
Kuxoyee Maachi Kaayo 23 – Miixiyoon neechoo	57
Kuxoyee Maachi Kaayo 24 - Gommon gawikkoo.....	58
Kuxoyee Maachi Kaayo 25 –Showee hinnee duubo.....	59
Kuxoyee Maachi Kaayo 26 – Ceello, Keellesho, Mocere Bekkeena'o.....	60
Kuxoyee Maachi Kaayo 27 - Ta Yaferoon Dabbibot	61
Kuxoyee Maachi Kaayo 28 - Turito.....	62
Kuxoyee Maachi Kaayo 29 - Attoon dano woyee daweyoo.	62
Kuxoyee Maachi Kaayo 30 - kuxiyaan xallittino	63
Kuxoyee Maachi Kaayo 31 - Baaree Decooba Gawaateebeeti Shuuneena'o	65

Gimo

Nallefe bushiisheena'o bulliyee beshoon kaayona doyyoon shunniyeete.. Hin koorico bar bare kaayina'on yechitone. Kaayina'o Shabaattooch kuxi kuxona boono doyyiti shalligoon kupphiyoo baach tuniyaanoon inde dojjee yaweena'onaa ashittinee qeppeena'o uumiyemmoch deggiye. Ebiyee baroo, baribare shalligee hinneena'onaa eengee dicon uumiyooch deggeemmonee getaa shalligeetone.

Batti batt nallefeena'o kaacheemmi xaa'oo gabinonaa boono ashittinoon miixaachemmo tunoon xiishibit. Aroochee bullee nallefeena'o kaachemmo tunoon shalligooch gedit. Ashittino miixeeti nallefeena'o beegaata bar bare hinnoona boono kaachemmoch degit. Kaayoochee boono daneti daachoon yesho, boono kaayon dabboonaa boono iiqqoommona boono qoodiyeemmoch tuniyoona , boonoshiyoo guuphi naayo boono tunoona emiribee boono kaachemmoch tuniibit.

Hin kooriceena'o daggooch ihaatiyee echeena'onaa toocci shalligeena'o koteteete.Eb ihaatiyee echeena'onaa toocci shalligeena'o timooch tunemmina'onee getaa giddeetina'o tunetoch boono hinni hinnoommona uumiyoonaa gaachoo hakkeehe.

1^{ne} Shabaattoo



Kuxoyee Maachi Kaayo 1 — Aafi Achee Qeppeena'ochi Shigo

Nallefeena'on gengee qatona neechoonaa ikke nallefoon aafiwaanaa neechiich ,bar bare aafi ahee qeppeena'on bi ceeggimmona bare nallefeena'o bi ceeggiti ahee qeppeena'on kishoona malleteyee bekkiibeeta . (shaahiyooch:- waamo,aafo,muddoo,gasho, eciyoona shaaheena'o getona) Ebinoo yaabiibeeti nallefoo waamo ichii muddoon bi bekkiigaata muddoon bekkiiti nallefoo kaayoochee keyona gubb wottee bi giyeemmoch tuniyoo.

Ihaatiyee echeena'o

1. Kaayo aabichite? Amooch?
2. Kaayoochee amoon digenetote?
3. Kaayon kaayoch amoon halloo qaawiihe?
4. Aafiwaan ahee qeppeena'o am ameena'on ?

Tooco

- Aafi ahee qeppeena'och shigoon tatoona bariyoona hajjiyoon elleyee shuunooch boono heechiyeemmoch tuniibit.



Kuxoyee Maachi Kaayo 2 - Gijjeena'ochi Kaayo

Nallefeena'ochi kaayo immon kachiyooch hiniyee desh icheti hamaa dabbommona nallefeena'on kaachiibit.

1. Kaayoch mashaamimi xaa'oon qannayoo
2. Nallefeena'on 6 woyee 6ye beshe guuphona qoodoo,
3. Keejje gijjeena'on qepphoo (kunaanoo,kullaaroo, baakkoo)
4. Shaashikkeyee qelli qelloona ikkikke nallefeena'och shaggiti gijjeena'on getiti. Hakkeegaata tatoona gijjeena'o shaggeemmoch tuniyoo
5. Hiniyee desh gidatina'on bekkiiyoo, biriyoona boono kaachemmoch tuniyoo

- Bullee nallefeena'ona boonoch shaggiti gijjeena'on konichoona boono getaachemmon tuniyoo.
- Nallefeena'o boono aafoon shishinneemoch tuniyoo
- Nallefeena'o aafoon boono shishinneti xaa'oochaa gijjee qaaron waayiibee arooche boono shuuraareemoch tuniibit.
- Nallefeena'o icheti gijjeena'och qaaroona gijjeena'och shichoon yeshiyoona kishoona malleete bekkiiyoo

Shalligichoo

Nallefeena'o gijjeena'och qaaron baach waayoona boono yeshiyeemoch tuniibit.

Iihaatiyee echeena'o

1. Kaayo aabichite?
2. Kaayoochee amoon digenoot?
3. Kaachi gooroch gijjeena'ochi qaaron aabichii bariyooch hakkiyote?
4. Eb gijjeena'och qaaron ebiyee aaf waayee arihoote?
5. Kaayon kaayoch am amoon halloo qaawiihe?

Tooco

- Gijjeena'ochi qaaron gaawichi elleechi ikkee gijjee qaaron bare gijjeechoyee bariyoo.

2^{ne} Shabaattoo



Kuxoyee Maachi Kaayo 3 - Ashittinee Qeppeena'on Bekkiyoo

"Ashittinee qeppeena'on malleete bekkiiyoo" immi kaayon kaayoch, hiniyee desh icheti hamaa dabboon dabbibit.

1. Qettooye dambee ahee qeppeena'on malletoona nallefeena'on bar bare echeena'on echoona boono ceeggemoch tuniyoo (Shaahiyooch: muddoo, noonoo, aaf, waamonaa shaaheena'onon).

2. Nallefeena'ochi qelli daagoona aafi boono kecheemmo tuniichi qettee dambe ashittinee qeppeena'on malletoona boono bekkiyeemmochdegit. Bareena'o qoodiyoon wochii wochii kaayon yaabibeeta.
3. Qettee dambe ahee qeppeena'on malletee bekkiyoona nallefeena'och geto.
4. Dabbiyoona bullee nallefeena'o neexeemmoch tuniich ahee qeppeena'ochi shigoon ceegona boono malleteemmoch tuniyoo.
5. Ahee qeppeena'on tatoona ceegaani nallefoo kaayoyee maachi tuniyoona

lihaatiyee echeena'o

1. Kaayo aabichite? Amooyich?
2. Kaayoochee amoon digenetote? Qettee dambee ahee qeppeena'o ceegi?
3. Kaayon kaayoch am amoon halloo qaawiihe?

Tooco

- Qettee damba beeti ahee qeppeena'ochi shigoon tatoona bariyoona hajjiyoon elleyee boono gawaatiyeemmoch tuniyoo.



Kuxoyee Maachi Kaayo 4 - Kechi Gijjeena'on Giddiyoonaa Wokkiyoona

“Kechi gijjeena'on katichoonaa wokkiyoona “immi kaayon kaayoch, Hiniyee desh giddeti hamaa dabbeena'on dabbibit.

- Nallefeena'on bar bare gijjeena'ochi guuphooch qoodoona kechi gijjeena'on giddiyoonaa wokkiyoo immi kaayon kaachemmo noonee getona biriyoo.
- Nallefena'o boono ariimmi kechi gijjeena'oochee uuchoon qepphiyeemmoch tuniyoo(shaahiyooch, (kunaanoo, kullaaroo, bago, emmishoonaa miimoona) getona
- Damba giddeti kechi gijjeena'oochee ikkoon qepphoona amishaahe qaaroon boono ceeggeemmo gaatinaa boono biriyeemmoch nallefeena'oochee ikkoo, ikke gijjee qaaroon bi elliyeemmoch tuniyoo (shaahiyooch Kullaaree ceegoch wure wure geto kullaareen yoohoch key ...key ...key geto.)
- Dabbiyoona nallefena'o qepphiti gijjeena'on guuphona boono shuuneemmonaa boono giddeemmi qaaroon boono waayemmona katichoonaa wokkiyee qaaroon waayiyoonaa boono katichiyeemmonaa wokkeemmoch tuniyoona kaachiyoo.

Ihaatiyee echeena'o

1. Kaayo aabichite? Amooch ?
2. Bare ittoshi ariimmi kechi gijjeena'on katichoonaa wokkiyoonoch gaaccimmi qaaroon waayiyeemmo kone?

Tooco

Gijjeena'on katichoonaa wokkiyee qaaroon gaachoona katichoonaa wokkiyoona hakkeehe.



Kuxoyee Maachi Kaayo 5: Haddeena'onaa Guuphon Halloo

"Haddeena'onaa guuphon halloo"immi kaayon kaayoch hineyee desh giddeti hamaa dabbeena'on dabbibit.

- "Haddeena'onaa guuphon halloo" immi kaayon boono kaachemmo tunoon biriyo
- Bullee nallefeena'o gengoon halli boono neexeemmoch tuniyoo
- Bullee nallefeena'o boonoshinaa boonoshina diggeebeetote?, diggeebeetee ? iibee gengoon boono guuddeemmoch tuniyoo.
- 1che -9 ch beddaahaa beeti haddeena'o daggoochee ikkoon ceegona men ceekketi haddoona shittayee guuphon boono halliyeemmoch tuniyoo.
- Guuphoyee maach tuneti nallefeena'o kaayoyee maach tuneheete. Tuneban dabbimmi kaallooch kechiti nallefeena'o wotte boono giyeemmoch tuniyoo.
- Shaahe hinnoona nallefeena'on haddoon ceekkiyoona guuphon boono halliyeemmoch tuniyoo. Eb kaayon wochi wochi boono kaachemmoch tuniyoo.

Ihaatiyee echeena'o

1. Kaayo aabichite?
2. Kaayoochee amoon digenetote?
3. Kaayon beshooch amee halloo qaawiihe?

Tooco

1che- 9ch beddaahaa beeti haddeena'on bariyoo, hajjiyoon elle'i kaatee shuunooch gimo qaawiihe.

3^{ne} Shabaattoo



Kuxoyee Maachi Kaayo 6 – Mocero-mocero

Bullee nallefeena’o gengoo halli boono neexeemmoch tuniyoona mocero – mocero immi kaayon kaachiyoo. Kaachi hamaa dabboon, dojjechino mocero-mochero immona nallefeena’o boono halliti gengoon quyee wocciyeete. Keellesho immona koteheete. Ceelli immona neexeheete. Eb sheeroon quyeyaani nallefoo kaayoyee maach tunehe. Eechiibee kaayon kaachiibit.

1. Kaayo aabichite? Amooch?
2. Mocero mocero immona amoone halliyeemmo?
3. Kaayoochee amoon digenetote?
4. Kaayon kaayoch am amoon halliyote?
5. Hajjiyoon quyo amooyich gaacemmo shaahiye?

Tooco

Ikke mooyon tatoona gawaatooch bo’oon dabboo qaawiihe.

5^{ne} Shabaattoo



Kuxoyee Maachi Kaayo 7 - Tigisti Gettetoommon

“Tigsti gettetoommon” immi kaayon kaachiyooch hiniyee desh giddeti hamaa dabboon dabbibit.

1. Tigsti gettetoommon immi emirikkimmi kaayon kaachemmo noone geto.
2. Nallefeena’o ciionaa elloon boono hakkiyeemmoch bullee nallefeena’o genee qaton halliye boono neexeemmoch tuniyoo
3. Hin kaayooch Tigist gettetoommon iya’a timmona ta geteton baach halliyote.

Tigsti gettiyaanoon amoonona halloo qaawiyaache. Hajjiyoon quyiyaan nallefoo Kaayoyee maach tunehe.

Shaahiyoo 1. Tigisti gettetoomon itto muddoon yeshote immona nallefeena'o baroon ciinaanon muddoon yechii bekkiiheete.

Shaahiyoo 2. Itto aafon bekkii bot immona Tigsit hajjiyoon imo bi qajjetoch boono aafon bekkiiyoo qaawiyaache. Muddoon yechiti nallefeena'o kaayoyee maachi tunoona koteheete.

4. Eechiibee bar bare hajjiyoon (Shaahiyooch qelloon yesho, waamon yesho, gogoon yesho) iibeetaa ciiroochaa echeti nallefoo bulliyee beshii danetee getone.

lihaatiyee echeena'o

1. Kaayo aabichite?
2. Hini kaayona beshiit nallefoo amoon halli'iniye bi beshito?
3. Kaayoochee amoon digenetote?
4. Kaayona beshii danooyich am amoon halloo qaawiihe?

Tooco

Hajjiyoon elloonaa shuunooch heechiyoo qaawiiimmona gaaccimmonane.

7^{ne} Shabaattoo



Kuxoyee Maachi Kaayo 8 - Gijjeena'on Shaahii'i Kaayo

“Gijjeena'on shaahii'i Kaayo” immi kaayon kaachiyooch hiniyee desh giddeeta'on dabbibit.

- Geppechee amittinoonaa bi shaaddoon nallefeena'och arichiyoo.
- Nallefeena'o boono qelli qelloona geppechee sha'oon shaahiyoona boonoshinaa boonoshina kaachemmoch tuniyoo.
- Nallefeena'on uuchi uuche guuphon halloona wohi wohona geppecheechi sha'oommona sha'eyee boono tophiyeemmoch tuniyoo.
- Shiichii shaggimmo nallefee topphiyoon beshetee getone.
- Shaahe hinnoona bare bare cooxina'on shaahii shaddoona boono kaachemmoch .

Iihaatiyee echeena'o

1. Kaayo aabichite?
2. Kaayooche amoon digenetote?
3. Kaayona beshii danooch am amoon halloo qaawiihe?

Tooco

Bar bare kaayina'on kaayona ashittinoo kupphiyoona shittiyoona qaawiihe

8^{ne} Shabaattoo




Kuxoyee Maachi Kaayo 9 – Tachayee, Takkayee Kaayo

Nallefeena'on maaxooch kichiichi guuphi guuphona boono kaachemmoch tuniyoo. Hiniyee desh giddetoommon kiiron Showooch boono kiiriyemmoch degiti. Giisheche muume xaqqeen dufona aafee kotiyee qeppi qeppaa kiireetooch duppii kotiyoonaa xaqqee koteti i xaa'oon qajjii caphii beshoona kiiron neexaanoo ciirooch beddaahaa boono capphemmoch tuniyoo.

Guttinee kaallich aafaa bi duppitoommon gubbe aaf dufona ciirooch beddaahaa hamon hakkoone.

Eechiibee gutte kaalloon kaayon ciichito bareena'yee beshite getone. Kiiron neexxitona muume xaqqeen duppii shalligeeti xaa'ooch kotiyaani kaachechoch bareena'ona besheeto tune'i kaayoochee keyona bare nallefoo kotteemmoch tunehe.



Iihaatiyee echeena'o

1. Kaayo aabichte?Amooyich ?
2. Kaayoochee amoon digenetote?
3. Kaayon beshii danooyich am amoon halloo qaawiihe?

Tooco

Bar bare kaayina'on kaayona ashittinooon kupphiyoona shittiyoona qaawiihe.

9^{ne} Shabaattoo



Kuxoyee Maachi Kaayo 10 - Kuwaasoon Gedderikkoo

Kuwaasoon gederikkoo immi kaayon kaachiyooch hiniyee desh beeti hamaa dabboon dabbibit.

1. Batti batti kiiree caappooch malletoon gedit.
2. Nallefeena'on 3che-6 beddimmi guuphooch qoodibit.
3. Qelli qelli guupho kaame kiirona shuuneemmona kaame kiiroyee gubb yaarona boono neexeemmoch tuniibit.
4. Guuphina'och boono qelli qelloona gumboona kuwaasoon imbit.
5. Qelli qelloona kuwaasoonaa gumboon gaachee mallee beemon getiti.
6. Kaachi gaboo gumboon gaachoona kuwaasoon showooch gederikkoona caappooch beeti kiirooch shakkiyoona wochoo tunoon getit.

Shuuneyeshoo beekiibit. Nallefeena'o gumboona kuwaasoon oogichi boono xoobaachemmoch boyebit. Baroo wotta nallefoo/fee kaayon bi kotteemmo bi aafooch beeti bushoo kuwaasoon batti batti kiirooch bi deewimmonane.

7. Kaayo tooceemmo bullee bushiisheena'o kaachi malloon boono danemmonane.

Iihaatiyee echeena'o

1. Kaayo aabichite?Amooyich?
2. Kaayon beshii danooyich am amoon halloo qaawiihe?

3. Hin Kaayo maggoonee kettoone? Amooyich?
4. No ashittinee kuppho amooch gaacciye?
5. Kupphe ashittinoo beeyeemoch amoon halloo qaawiihe?

Tooco

Bar bare kaayina'on kaachiyoonaa ashittinee qeppeena'o shitteemoch tuniyoo qaawiihe.



Kuxoyee Maachi Kaayo 11 – Dangiye Kuwaasee kaayo

“Dangiye kuwaasee kaayo” getteebeeti kaayon kaachiyooch hiniyee desh giddeti hamaa dabbeena'on dabbibit.

1. Nallefeena'on 6che- 10 ch beddimmi naayina'on yechiti guuphona qoodibit.
2. Guuphina'o boono qelli qelloona gengoon boono halliyeemoch tuniibit.

Qelli qelloona guuphi naayina'o boono baatoon cahermmonaa yoochinaa qanne badd beeti bi nuucheenaa'ona baatoon danemoch tuniyoo. Ebichi baatee gabbee daggoona kuwaasoon beshiyooch tunoon biriibit.

3. Guuphi naayo tuneti bushiisheena'o bulla boono kishoon aafi yaggoonaa yoochoonaa qanne kishoon yeshiyoonaa dangiye shiino boono shaahiyeemoch getiti.
4. Guuphin'o qelli qelloona boono halliti gengee daggooch kuwaasoon kotiibit.

Hiniyee desh beetina'on arichiyoona shuune beekiibit.

5. Eb kaachi gaboo kuwaaso bare bushoochi baatee dechaa besheemoch tuniyoonaa kuwaaso boono baatee dechaa halleeti aahona beshiyaachemmo tuniyoon.
6. Bushiisheena'o boono neexetoochee baatoon shuuraarikkoo daaggiyoo qajjitaana dangiye shiino shaahiyoona kishoon yeshiyoonaa are yesheti kishoonaa kuwaaso baatee aahoonaa beshiyaachemoch bayo hakkeemmo tunoon ,
7. Kuwaasoon bi baatee aahoonaa beshiiti bushoo gaachoo bi hakkiyeemmo ikke bi kishoonaa baach tunoon kaacha getit.
8. Gutte kaalloon kuwaaso boono baatee haahoonaa beshiiti bushiisheena'o boono aafoon gubb guudiyoonaa gengooyee maach ciinona kaayon boono hakkoon biriibit.
9. Kuwaaso gutte kaallooye damba beshiiti bushiisheena'och andre kaayon hallibit.

Iihaatiyee echeena'o

1. Kaayoochaa iritoo tuneto aabine?
2. Kuwaaso itto baatee aahoona beshemmona amoo itoshich waayeete?
3. Kuwaasoo itto baatee aahoona bi beshiyaachemmocho amooone itto halliyeesho?

Tooco

Bar bare kaayina'on kaayona ashittinooon kupphiyoona shittiyoona qaawiihe.

10^{ne} Shabaattoo



Kuxoyee Maachi Kaayo 12 – Dabbib Ne Yaabechon

“Dabbib ne yaabechon” immi kaayon kaachiyooch hiniyee desh giddeti hamaa dabboon dabbibit.

- Nallefeena'o gengoon halliyyee boon neexeemmoch tuniyoo.
- Nallefeena'o daggooche ikkeyaabiyeemmon kaaco. Barbare ashittinee shuuraareena'on bekkiiyoona (shaahiyooch, damba ,desh, dambee desh , maac ,maach ,aafiwaan, gubbiwaanaa) iibee shuuniyeemmoch tuniyoo.
- Bare nallefeena'o biin ciinibee boonoch icheti hajjiyoona shuuneemmoch tuniyoo.
- Hajjiyoon muricciti nallefeena'o kaayoyee maach tuneheete.
- Ciirooch hajjiyoon ceechoona keyaanoon echeti bushoo tophiyoona bulliyyee beshite getone.
- Kaayon wochii wochii kaachiyoonaa kaattoonaa kotee miheena'on boono ariyeemmoch degiti.

Iihaatiyee echeena'o

1. Kaayo aabichiibeete?
2. Kaayoochee amoon digenetote?
3. Kaayona beshii danoyich amoon halloo qaawiihe?

Tooco

Kaattoonaa kote miheena'on boono ariyeemoch wochii digeniyoo (shaahiyooch, damba , desh, deshee damba ,maac, maach, aafiwaanaa ,gubbiwaanaa immon bariyoo.)

12^{ne} Shabaattoo



Kaayo haddoo 13 — Kaattoo

“Kaattoo” immi kaayon kaachiyooch hiniyee desh giddeti hamaadabboon dabbibiti.

1. Bushiisheena'o kaachi gaddooch boono qelli xaa'oon qannayoona boono aafoon dojjechinowaan guudiyoon boono neexemoch tuniyoo.
2. Bushiisheena'o boono dabbiibeeti kaattoon malletoo boono hakkoon xiishooch echoon giddiyoo. Ebiyoo, yoocha, qanna, aafi, gubb getona.
3. Hiniyee desh beetina'on biriyoona shuune bekkiibit.

Nallefeena'och kaattee imona icheti kaattoona shuunoon herechebeeta. Shaahiyooch yooche badd hamb, aafiwaan hamb getonaa shaaheena'on gaacho.

Shuuraaree kaattoon itti shaddigaata boonoshiyoo boonoch getteetoommona shaddiyeete.

4. Kaattoon gaawichii herechee boono ariitoyee gubb baroon boono shuuneemoch tuniibit. Shaahiyooch (yoochebadd caphi, qannebadd wohiyee neexeb. Gubb wotteb, aaf hamb.)getona

Ihaatiyee echeena'o

1. Kaayona getteeti kaattoon kette gommona ariyooch amoon hallitote ?
2. Itto kexoo tuneba itto doyyee kexo aabiwaan danehe?
3. Kaattoon ariyoo amooch gaacciye?

Tooco

Kaattoon ariyoo timoonaa shagoon ariyooch gaacciye.

13^{ne} Shabaattoo



Kuxoyee Maachi Kaayo 14-Asittinooon quyee kaachi qayona waabeeti iriteena'o.

“Asittinooon quyee kaachi qayona waabeeti iriteena'o.”immi kaayon kaachiyooch hiniyee desh giddeti hamaa dabboon dabbibit.

1. kaamoona bekkeebeet time kiiron kiiroo.
2. Bushiisheen'on 3che – 6ch beddimmi guuphon halloo .
3. Time kiiroooyee gubb bushiisheena'o yaaron quye boono neexeemmoch tuniyoo.
4. Ikk ikke guuphoyee aafi 5 -10ch beddimmi shaaddee wohona keejje shuutechi qiiceena'on kotiyoo.
5. Guuphina'och qell qelloona kaachi madelloonaa kuwaasoon imo.
6. Hiniyee desh giddetina'on biriyoona shuunee bekkiibit.
 - Dabiyoona kaachi maddellee toommooch kotiyoon boono shaaddeemmoch malloon imo.
 - Kaachi maddellee toommooch kuwaasoon kotiyoon bushiisheena'o boono qelli qelloona kaachi madelloon dabiyaanoon nibboona boono shaaddeemmoch tuniyoo.
 - Dabaachemmoch gutte kishoona kuwaase koteti madelloon yesho.
 - Batti batti bushiisheena'o qelli qelli guuphina'ochi aaf koteti keejje shuutechi qiiceena'owaan hamona wottee guuddii time kiirooch boon shaaddeemmoch tuniyoo.
 - Kuwaaso muulle madelloochee holliiti bushee/oo ikke kaalloon malloon imaa woch bi kaachemmoch tuniyoo.
 - Ikke kaalloon kaach madellooch koteti kuwaasoon holliyaanoon time kiirooch shaggiti/eti bushoo /ee beshii barooch imo
7. Nallefeena'o giishebee getigaata ikke kaalli malloon boono danemmoch tuniyoona toocit..

Iihaatiyee echeena'o

1. kuwaasee hollaachemmoch tunii'i neexo maggoone? Amooch?
2. Ashittinooon tatoona quyoon gawaateebeeti bare shuuneena'och am ame mooyina'o beeteete?
3. Ashittinooon quyee shaaddo amooch gaacciye?

Tooco

Yoochoonaa qanne ashittinoo ikkooch ashittinoo quyee gaacho tatoona shuunoon shuunooyich gaacciye



Kuxoyee Maachi Kaayo 15-Bari Bariitaa Koteti Qircaateena'o

“Bar Bariitaa Koteti Qircaateena'o” immi kaayon kaachiyooch hiniyee deshi giddeti hamaa dabboon dabbibit. .

1. Bushiisheena'on 3che-6 ch beddimmi guuphona qoodona time kiirroyee gubb yaarona boono neexeemmoch tuniyoo.
2. Guuphina'och qell qelloona awudde qiicaalle borsoonaa bar bare qiiceena'o ceenniti ikke borisoon imbit.

3. Itti biriitoyee gubb, hiniyee desh beetina'on shuuneyee bekkiibit

- Guuphi guuphooche batt batti bushoo /ee time kiiroochee borisoo beetowaan wocciyoo
- Bushoo qircaatooch beetooch boono shaggimmona bar bare qiiceena'on yechiti borsoochee qiiceena'on kichoona bare boriseena'ooch boono shaahi shaahoomona bullee michi aafeena'on ikke borisooch gedo.
- Bullee koppeena'on bare borsooch/eechi gedo. Ebinoo shitte'i gawaatoone.
- shuunee cimo dojjechinona xiisheegaata bushoo bullee mooyina'on batti batti borsooch tebboona batti batti time kiirooch wocona wottehe.
- Kiirooch beechii quyeebeeti bushoochi kishoon yechiye. Kishoon yechii bi malleteti bushoo/ee bi qoodoon wocona qiiceena'owaan woyee batti batti bushoo shuunetoomon shuunechii bi guuphooch wottehe.

Kaayo tooceemmo bullee guuphi naayina'o boono gedditi shuuraaron ciichii batti batti xaa'ooch wottemmonane.

Shalligichoo

Bushiisheena'o shitte'i ikke qircaatoochee bar bare qiiceena'on bariyoona bar bare qiiceena'ooch boono shaahi shaahoona gedo boono hakkiyeemmoch tuniibit.

Iihaatiyee echeena'o

1. Qiiceena'on kaatee bariyoo kettehee, maggehe?
2. Ebiyee aafi doyooch ittoshi gaacheebeeti qiiceena'on aabichiiniye barii ittoshi kotiibeeto?
3. Gubbich doyee kechi qiiceena'on shittee bariyoonaa kotiyooch amoon halliyeehote?

Tooco

Bar bare qiiceena'on boono shuriyoommona kotiyooch no qaawigaata kettoona danooch gaacciye.

14^{ne} Shabaattoo



Kuxoyee Maachi Kaayo 16 – Qaxaree kaayo

“Qaxaree kaayo “immi kaayon kaachiyooch hiniyee desh beeti hamaa dabboon dabbibit.

1. Bushiisheena'on 3che-6ch beddimmi naayina'on yechiti guuphona qoodibit.
2. Guuphi guuphona yaare neexeechi gaddee daggoowaan guudi boono neexemmoch tuniibit.
3. Yaaree batt batt neexeti bushiisheena'och qaxaree shigoon imona batt battichoch ceello, guttinnooch beetoch buneeno, keejjinnooch beetoch keellesho, awuddinnooch beetoch mocero, uuchinnooch beetoch naccoo, Shirittinnooch beetoch aa'on imbit.
4. Gengee daggooch giisheche kuwaasoon kotiibit.
5. Hiniyee desh beeti biriyoommona shuunee bekkiyoo
 - Bar bare qaxareena'on ceegiti. Shaahiyooch boonoch Qaxeroon ceelloon ceegiti bushiisheena'o gengee guudoon yooche qanna wocciyeete. Ebichi hinnoona batti batti boono guuphooch boono woteyaaha wocciyeete. Ceelloo wocciibeeti goorooch bare bushiisheena'o guuphoochee gutti gutte'i kishoonaa kishoonaa qellooyee damba yeshona daggi gengooch daammemmi ya'oon halliyeete.
 - Wocciibeetina'o shuuneeti ya'ee dechaa beshoonaa gengee daggooch koteti qiicoon yesho qaawiihe.

- shiichii qiicoon yechiti guuphoch teppee haddoo ichehe. Kaayo tooceemmo ikke guupho gabeeti daachee haddooch bi shaggimmonane. Daachee teppee haddee maaco ichemmo dojjechina'onane. Shaahiyooch daachee teppoo 10 tunoon hakkiye.

lihaatiyee echeena'o

- Kaachi goorooch itto ashittinon bar bare kaattooch shaddiibee itto shuuraaremmona maggeti mooyo beeyeehe? Am amoone?
- Ebiyee aaf bar bare kaattooch shuuraarona amoon hallii ariihoote?
- Itto ashittinon bar bare kaattooch shuuraarikkooch amoon halloo qaawiihe?

Tooco

Yoochoonaa qanne ashittinon ikkochoona gaacho ashittinon quyee shuunooyich gaacciye.

15^{ne} Shabaattoo



Kuxoyee Maachi Kaayo 17 — Oshijjii Kaayo

“Oshijjii kaayo “immi kaayon kaachiyooch hiniyee desh giddeti hamaa dabboon dabbiti.

1. Woccii kaayoch mashaamimmi gabin gaddoon qannayoo.
2. Bushiisheena'och tookki boono kaachemmi guuddee xaa'oon bekkiibit.
3. Oshiyoo yechito shaahiyyee kaachemmi 1 che 2ch beddaahaa beeti bushiisheena'on boon qelli daaggoona kaaciti.
4. Hiniyee desh giddetina'on biriyoona shuune bekkiibit.
 - Oshiyoo yechito shaahiti nallefoo bareena'on yookkii yeshoch herecheba. Ebina bare kaachechi nallefeena'o oshiyoo yechito shaahiti bushoona yechiyaachone getona wococh herechebeeta.
 - Bushiisheena'och kuwaasoon bekkiyoona ,Kuwaaso attoon keriyemmo tunoon biriibit.
 - Bushiisheena'o oshiyoo yechit bushoo yechimmona kuwaasoon yechito bi tunegaata biiyoona yechiyaacheete. Eb geto atto asho oshiyona miixiyaachemmo tuniihe getone.

- Kuwaasoon bareena'och imaanon bi kishooch bi yagiyeemmo woddegaata 5 sekoon baachiye.
 - Ikke kaachecho kuwaasoon yeshaanon shokke kishoo beechi bi yechegaata oshiyona yecheti guuphona bacciyoona bare bushiisheena'on tookki yeshoch herechehe.
5. Oshiyona yecheto shaahii kaachiibeeti bushoon kaacona kaayon wochii kaachiyoo

Iihaatiyoo

1. Kaachi goorooch biiyoona itto yechiyaachemmo amoon hallitote?
2. Attoon daammi arihote? Amoochiye itto daammito?
3. Gubbichi bar bare biiyeena'ona itto yechiyaachemmo amooniye itto halliyeemmo?

Tooco

- Atto bar bare biyeena'on wodihe.

16^{ne} Shabaattoo



Kuxoyee Maachi Kaayo 18 - Kishoon Shaddiibee Kuwaasoon imo.

“Kishoon shaddiibee Kuwaasoon imo”.immi tophiyee kaayoon boono kaachemmoch tuniyoona yoochoona qanne gogoo yeshittinon shiittiyooch degiti.

Nallefeena'o shiritti shirittoo tune'i guuphon hallibeeta . Boono qelli guuphona gengoon halliyeete. Ikke nallefoo /ee/ daggooch neexechii /neexachaa kuwaasoon immiye/immahan. Bi shigoo ceekketi bushoo /ee kuwaasoon daamona wochiye /an. Kuwaasoon holliti bushoo /bushee kaayoyee maach tunehe/an. Ciirooch beddaahaa kaachiti bushoo /ee bulliye boshona arichehe/ahan.

Iihaatiyoo

1. Kaayona emeritote? Amooch?
2. Kaayooche am ame mooyon digenetote?
3. Hin kaayon kaayona kuppheemmi ashittinee qeppoo aabine?

Tooco

- Bar bare shuuneena'on kishoona shuuno kishoon kupphiyooch gaacciye.

17^{ne} Shabaattoo



Kuxoyee Maachi Kaayo 19 — Ceeree Waaxo

“Ceeree waaxo” immi kaayon kaachiyoonaa nallefeena’och ashittinoo uumiyemmoch tuniyoo. Eb kaayon kaachiyooch hiniyee desh giddeti hamaa daboon quyoona kaachiibit.

1. Kaachi xaa’ee guudoona mallettee gedo.
2. Ikkikke bushooch bi qelloona kishee hillooch cucheemmi kuxe carqoon imiichi shuree gubbi kiisooch maach bekkeyee yeendereemmo tuniyoonaa kiisooch giijjibeeta.
3. Kiisooch boono gedditi curiqqo boonoch ceero tunoon getit.
4. **Hiniyee desh giddetina’on biriyoonaa Shuune bekkiibit.**
 - Kaach gaboo bi hakkimmi wotte ceeroon bareena’owaanee daamoch herechoone.
 - Bushiisheena’o boono ceeroon baroo daamaachemmoch bayo qaawiihe. Tunebani ceeroon kishoona yesho tuneba bareena’o daamma getigaata kishoona bayo daaggiyaanoone.
 - Ikke bushooch ceeroon boono daamigaata barowaanee damona keroo hakkeehe.
5. Ceeroon waachii ciichiti guupho bareena’ona besheete getone.

Iihaatiyoo

1. Kaayo aabichite? Amooch?
2. Baroowaanee ceeroon daamma getonaa neechon baroo daamaachemmoch tuniyoo guttoon ikkooch shuunoo aabichaa hakkeehe?
3. Itto ashittinoo kuppheemmoch am amoon hallii ariihote?
4. Gubbich beshoon kuppho tunooyich amoon halloo qaawiihe?

Tooco

- Hini kaayona nallefeena'ochi ashittino, kuppheemoch bar bare ashittinee shuuraareena'on woyee kaayina'on kaayo gaacciye.

19^{ne} Shabaattoo



Kuxoyee Maachi Kaayo 20 - Oshiyoon Yechiyoo

“Oshiyoon yechiyoo” immi kaayon boono kaachemoch tuniyoon oshiyee amittinon boono biriyeemoch tuniyoo. Eb kaayon kaachiyooch hiniyee desh beeti hamaa daboon dabbibit.

1. Nallefeena'on 6che-8ch beddimmi guuphona qoodoonaa boono qelli qelli guupho gengoon halli neexeemoch tuniyoo.
2. Nallefeena'o oshijji malleteena'on boono ceeggeemoch tuniyoo /shaahiyooch hexxichiyoo, qettee maaca adefee halloo, oshijjiyoo, qelli cado, taahiyoonaa shaheena'on /
3. Qelli qelloona nallefeena'o ikke oshijji malletoon daammeemo tuniyoon bi daammiti malleetoommon hallii dano.
4. Guuphi guuphooche ikkikke bushoon bi qelli daaggoona kaaco. Kaachetina'och kuwaasoon imo
5. Dabbiyoon shuunee hamaa daboon biriyoon shuunee bekkiiyoo.
 - Kuwaaso oshiyoon keriye. Qelli daaggoona kaayon kotteemmo kuwaasoon damba dufona malletoon ceeggiye.
 - Kuwaaso bekkech duppemmona malletoon ceeggiti bushooyee maach bullee bushiisheena'o shaceheete. Bushoo duppiti kuwaasoon shitte'i bareena'o daammiyete.
 - Bushoo kuwaaso yechemmona neexebe iye. Bulliyona bi beetoch neexehe. Oshiyoo yechiti bushoo katinooch bi daneti bushoon nibbeebee kuwaasoon xooch herechehe. Kaachechina'o kuwaasoon xooppon boono hakkiyeemmo gogooyee desh baachiye. Bushoo awuree bi xoobigaata xooppeti bushoo” O” immi biroon danoon waammooch ceeggemmo tunehe. Tunebaani duppito, bi muricigaata” O” immi biroon baroo daammiye.

- Bushiisheena’o qelli qelloona kaayon kaayona oshiyo immi miho halleeti bireena’on boono ceegaachemmo qicceheete.
- Duppito dabbimmooch shigoon ceegooch giihe.

lihaatiyee echeena’o

- Oshijji malleteena’o am ameena’on?
- Ebiyee aaf ikke asho oshiyoona yechoon amoonane itto bariibeeto?
- Oshiyo biiyon bare biiyooyee amoona bariihote?

Tooco

- Bar bare biiye woyee adifee biiyonaa malleteena’on shalligee yechiyoona tooco.

20^{ne} Shabaattoo



Kuxoyee Maachi Kaayo 21 – Pateriinee shuuno

“Pateriinee shuuno” immi kaayon kaachiyooch hiniyee deshi giddeti hammaa dabboon dabbibit.

Kishoonaa baatee malletoon dengooch kotiyoonaa pateriinee halloo, mooyina’on shafiroona kotiyoonaa boono herecheemmo hiniyee desh beeti hamaa dabboon dabbibit.

1. Dengo qannayoo
2. Dengooch kishoonaa baatee malletoon shuunee bekiyoo (shaahiyooch ,kishoo, baatoo, kishaa baatoo)
3. Boono shuunee bekiitina’o daggooch beeti ciire malletooyee gubbi dabbiiyoona amoo woyeemmo gaata nallefeena’on echebit.
4. Boono ciinnitoommon bullee nallefeena’o yaaroonaa hamaa dabboon quyoonaa malleteena’on boono shuuneemmo tuniyoo.
5. Shaahe hinnoona bare malleteena’on kitaamitoоче danemmi qiiceena’oochee shuuniibit.

Iihaatiyee echeenao

1. Kaayo aabichite?Amooyich?
2. Itto shuuneti pateriineena'och shaahoo amoone?
3. Itto shuuneti pateriinoon shunnitote?Amooch ?

Tooco

- Mooyina'on shafiroona kotii'i kette gommona danoonaa hallee ariyoon uumiyooch boono gaachemmoch biriyoo.

21^{ne} Shabaattoo



Kuxoyee Maachi Kaayo 22 - Imaa-wochoo

“Imaa wochoo” immi kaayoon kaachiyoona aafoonaa kishee yeshittinoon uumiyemmoch tuniibit. Eb kaayon kaayoch hiniyee desh beeti hamaa dabboon dabboona kaachiibit.

Dojjecho /chi nallefeena'on maaxooch bi kichitoyee gubb gutti guttoo tuniyoona uuche qaceena'on gaachoonaa keejjee kaalloon boono kaacheemmi kaayone.ikki ikkoo kotteemmoch tuniyoona hiniyee desh giddetoommona boono kaachemmoch tuniibit.

- **1^{ne}kaallich** —Uuche qaceena'ooche ikkoon tukk awuroona qacoon awureti kishoonaa awudde qaceena'on kaalli kaalloona showoochee shittee tiijjoona awureeti qacoo showooch kindaan beetaa yesho.. Tukki awureeti qacoo kishoonaa yechiyaanoon showooch kindigaata woyee showeexi qacoo tiyaanoon echegaata kaachit bushoo/ ee kaayooche keyona bare guttinee kaachechona kaayo kottehe. Kaachito ikk ikke qacoon tukki awuroona kaalli kaalloona awudde qaceena'on tiijjoo bi hakkigaata kaayon beshoonaa guttinee kaalli kaayooch beshehe.
- **2^{ne} kaallich** — Ikke qacoo tukki awuroona showooch kindaan bi beetaa showooch beeti awudde qaceena'ooche ikke kaalloon guttoon, bare kaalloon wotta bare gutteena'on tiijjoona showooch kindaan beeta yesho. Ebin tuniyoo hakkito 3ne kaallich kaachiye. Awureeti qacoo holligaata woyee gutte qacoon showoochee tiijjoo hakkiyoo qayigaata kaachito kaayoochee keyona bare bushoo kaayooch giiehe.
- **3^{ne} kaallich** ikke qacoon tukk awuroona showooch kindaan bi beetaa showooch beeti awuddee qaceena'on ikke kaalloon yesho. Kaayona beshii daneti bushoo/ee keejje kaalloonona hakkitone getteehe.

Iihaatiyee echeena'o

1. Kaayon shunnitote?
2. Kaayoochee amoon digenetote?
3. Kaayon kaayoch am amoon hallitote?

Tooco

“Imaa-wochoo” immi kaayo aafoonaa kishee yeshittinooon uumiimmonaa gaaccimmi kaayone. Ebichi nallefeena'o eb kaayoon boono nuucheena'ona tuukkii bullee aaboon Kaayo qaawiihe.



Kuxoyee Maachi Kaayo 23 – Miixiyoon neechoo

“Miixiyoon neechoo” immi kaayon kaachiyoona nallefeena'o bar bare kaayon boono kaachiibeeti goorooch halliyoo hakkimmi miixoochee aabichi wodoo boono hakkiyeemmo gaata kaachiibee biriibit.

1. 15 shaadde wohona 2 kiireena'on showooch qannayibit.
2. Ikke kiiron timo guttinnee kiiron shago getona shigoon imbit.
3. Bushiisheena'on 4che-6 guuphina'ona qoodibit.
4. Guupho qelli qelloona time kiirroyee gubb boono yaariyeemmoch getit.
5. Hiniyee deshe beetina'on biriibit.
 - Gutte kiireena'o daggooch beeti gaddo aachi aayo beeti aacone.
 - Guuphina'o aacon boono achooch shakkiyaanoon aacon kimone.
 - Aacon kimo hakkiyeemmo kuxaa- kuxe woriqateena'on woyee becheena'och waamon neexxii beshoone
 - Guuphi naayina'oochee ikkooch achooch aaco shagigaata gubbi wottoona aachi timooch androona kottiye
6. Gutte guuphina'o ikke kaalloon kaayon boono kotteemmoch tuniyoo
7. Kaayon shiichii ciichiti guupho bareena'oyee beshite getone.

Ihaatiyee echeena'o

1. Kaayo aabichite? Amooch ?
2. Kaayoochee amoon digenetote?
3. Kaayon kaayoch am amoon hallitote?
4. Miixiyoochee wodooch bullee aaboon shalligoo qaawiimmi gaaccimmi mooyina'one?

Tooco

- Aacon no kimmemmona, kaameelee gommon kuxxaa no beshemmona, kaachaa no immona miixoo shagaachemmo shalligoonaa meqqeqqoona tunoo qaawiihe.

23^{ne} Shabaattoo



Kuxoyee Maachi Kaayo 24 - Gommon gawikkoo

“Gommon gawikkoo” immi kaayon kaachiyooch hiniyee desh giddeti hamaa dabbeena'on dabbibit.

1. Bullee bushiisheena'och burice shookoon imona keyaa- gimo tuniyaani showooch boono kiiriyeemmoch tuniyoo,
2. Hiniyee desh beetina'on biriibit.
 - Itti kiiriti kiiroo baatoona qaxiriibeet gommechina'on keriyee.
 - Showooch beetina'o bulla gommina'on keriyee.
3. 1che - 5 ch beddimmi bushiisheena'on boono qelli daaggoona gommooch kaameelloon boono kaachemmo woyee boon gasheemmoch echebit.
4. Bullee bushiisheena'o boono qelli xaa'oon baatoona qaxiriibeetina'och gommooch boono neexemmoch tuniibit.
5. Ikke bushooch baatechina'och gommooch kuwaasoon imbit.

Kaayon iberoo shaahiyooch tunoon bushiisheena'och getite. Bushiisheena'o kaayon boono kaachemmo bonoshinaa boonoshina ikkoo ikkooch kuwaasoon imonane. Kaayibee boono yagiyeemmo baatechina'och gommoochiye.

6. Hiniyee desh beeton biriyoona shuunoona bekkiibit.

- Kaachi gaboo bullee bushiisheena’o gommechina’och gommoochee bare gommechina’och gommooch baach shuuraareebe boono kaachemmochiye
 - Eb goorooch kaameelowaan katino qaawiyaache. Eboommon kaameelo bushiisheena’o gommooch boono wocciibeeti goorooch katinoch herechoo qaawiihe.
 - Eb goorooch kaameelowaan katino qaawiyaache. shaahoona kaameelo bushiisheena’o gommooch boono wocciibeeti goorooch katinoch herechoo qaawiihe.
7. Bushoowaani kaameeloo katinnimmona bi shuunee hinnoo shaddeehe.
 8. Kaayo 5che -15ch daqiiqooch beddaahaa kaachiyoona daggoona daakkee kaameeloonaa kuwaaseena’on bushiisheena’och niyoona daakkoona kaayon beshoon kaachemmoch tuniyoo

lihaatiyee echeena’o

- Kaameelooch ne katinnemmona amoo neech waayeehe?
- Kaameelee gommon gaachiyaanon baatechina’och gommon gaacho amooch gaacciyee? Ne nuuchoona tookkaa ne kaachaabeeti goorooch gommi hayiboochee aabichiyee ne qelloon quyeene?

Tooco

- Gommi gashoochaa Kaayo hayiboon shakkiihe. Ebich nallefeena’o traafikee sheeroon dabboo qaawiihe.



Kuxoyee Maachi Kaayo 25 –Showee hinnee duubo

“Showee hinnee duubo” immi kaayon kaachiyooch hiniyee desh giddeti hamaa dabbeena’on dabbibit.

1. Bushiisheena’on showee hinnoon duubiibeeti mooyina’o ameena’o gaata echebit.
2. Showee hinnoon duubiibeetina’o geto, guudoon kicee xaa’ooch dufooyee showooch duppiibeetina’o woyee shaciiibeetina’o getona biriibit.
3. Hin kaayooch 1che-3 ch beddimmina’on boono qelli daaggoona kitaamitoon/showoon duubiibeetina’o immon keriyee kaayeeta.
4. Echeti bushiisheena’o n 5che-8ch beddimmi naayina’o yechiti guuphon hallibit.
5. Kaach gaddee caappooch ikke baallidoon qelli qelli guuphina’och kotiyoonaa guuphina’o baallidee gubbooch boono neexemmoch tuniyoo

6. Qelli qelloona showee hinnoon duubiibeeti bushiisheena'och guudoona ceenniti kojjoon immibit.
7. Hiniyee desh beetina'on biriyoona shuunee bekkiibit.
 - Showee hinnoon duubiibeetina'o besh beshee guudoon gadddooch duppiyeete.
 - Echetina'o boono hakkimmi wotte guudoon kicoona wotte'i boono guuphi baalliddooch kicoo qaawiihe. Ikke kaalloon ikke guudoon baachiyee yesho boonoshich qaawiibeeto.
 - (Kaayo ciyeemmo bullee guudoo kicaa baalliddooch giigaatane.

lihaatiyee echeena'o

- Guudoon tuniyaani xaa'ooch itto dufigaata amoo ittoshich waayeehe?
- Itto kitaamitooch showooch duppeebeeti guudeena'on ikkooch kicoo amooch gaaccye?
- Itto kitaamitee xallittinon quyoonaa maceccikkimmo tuniyooch amooniye itto halliyeemmo?

Tooco

- Guudoon danemmooch dufo kitaamitoon duubiihe. Ebich kitaamitoon xallayii yesho qaawiihe?

24^{ne} Shabaattoo



Kuxoyee Maachi Kaayo 26 – Ceello, Keellesho, Mocere Bekkeena'o

Ceelle bekkoon, kelleshe bekkoon , mocere bekkoon kaachiyooch hiniyee desh giddeti hamaa dabboon dabibit.

1. Bushiisheena'och kaachi gaddee toommooch boono qelli xaa'oo beeyemmoch tuniyoo.
2. Hiniyee desh beetina'on biriyoona shuune bekkiibit.
 - Ceelle bekko, kelleshe bekko, woyee mocere bekko getona ceegi,
 - Ceello geto neexeb, shuuraaron neechiyee ne beetooch tatoona neexeb.
 - Keellesho geto nibboona hamb.
 - Mocero geto hamb. geto tunemmona biskileetee toommooch woyee kaameelee daggooch beetoommo tuniyoona gaddee toommooch boono shuuraareemmoch tuniyoo.

Dabimmi bekkoo hajjiyooyee aaf bushiisheena’o batti batti shuuraaron (okk hach shuuraaro, neexo, woyee xaa’ooch tatee neexon boono) shuuneemmoch tuniyoo.

lihaatiyee echeena’o

- Bekko aallemmona bekkech shuuraaro, nibboona shuuraaroonaa neexee iritoo itto toommooch shaggite?
- Ebiyee aafi getteeti bekkeena’on ariihote? Aatooba?
- Gubbich eb bekkeena’on gaachoonaa no qelloon hayiboochee quyebon.

Tooco

- Gommeexi traafike hayibooche echooyich bekke toommeexi malleteena’o gaacho qaawiihe.



Kuxoyee Maachi Kaayo 27 - Ta Yaferoon Dabbibot

“Ta yaferoon dabbibot.” immi kaayon kaachiyoona yoochoo woyee qannee shuuraaroo uummeemmoch hiniyee desh giddeti hamadaboon dabbibot.

1. Bushiisheena’o gutti gutteemmoch tuniibit.
2. Gutteena’o daggoochee ikkoo yaabibeetaa kaayon boono kotteemmoch tuniibit.
3. Gutti gutteena’oche baree nuuchoo kaayon kottiiye.
4. Hiniyee desh beetina’on biriibee bekkiibit.
 - Hambote immona bulliyona boono kishoon qachi meetree wohona yaabechoch qanne kishooch gedoch herecheheete.
 - Boono yaabecho boono qanne kishoon damba tiijjoona desh kinddiyoona kimee daggoochaa boono shunnitowaan shuuraarikkiyeete.
 - Neechibote immona bulla dabbiibeetina’o yaabiibeetochon qayona boono nuuchoo qanne kishoonaa yaabiye.
5. Ikkoo woyee gutte daqiiqee barittinoona hamiyee neexebote get.
6. Bullee goorooch bushiisheena’o boono nuucheena’on ciinniibeetina’o tunoon xiishibit.

lihaatiyee echeena’o

- Kaach goorooch bare bare kaattoowaan shuuraaroonaa itto nuucheena’och kishoon itto dabbimmona amoo ittoshich waayeete?

- Ebiyee aafi yoochinaa qanna shuuraaroonaa amoon hallii arihoote.
- Yooche kishee shuuraaree iiqqoon uumiyooch amoon halliyeehote.

26^{ne} Shabaattoo



Kuxoyee Maachi Kaayo 28 - Turito

- Nallefeena'on maach kichiichi gutti guttoo tuniyoona kaalli kaalloona ikkoo echecho tuniyee "turiti shaahe shalligoo "bi gettimmona baroo wochecho tuniyoona kaayeeta.

Turiti shaahe kaayina'o

Tur tur

Ta Manjeebeeti michi aafee yareena'ooche ikkoo taane?

Taan mamoch hucchiyeete

Ta halloo muumoone.

Ta maacaa wodde aacon yecho

Ta kon taane?

Wochoo : burittikaano

Tur tur

Ta daaddee becheena'o daggoochee ikkoo taane.

Ta ashittino nacoo ta ceero mocerone?

Ta kon taane ?

Wochoo: Nacce duqishoo

Eboommi shaahoon nallefeena'och gididiibit

28^{ne} Shabaattoo



Kuxoyee Maachi Kaayo 29 - Attoon dano woyee daweyoo.

"Attoon dano" immi kaayo kaachiyoonaa miixoo shaggimmona miixoon neechee iiqqoon uumiyooch hiniyee desh beet hamaa dabboon dabbibit.

1. Bushiisheena'on 6che-10ch beddaahaa beeti guuphooch qoodoo
2. Guuph guuphona gengoon boono halliyeemmoch tuniyoo.

3. Ikki ikke guuphooche Dokiteroochoommon kaacheemmi bushiisheena'on boono qelli daaggoona kaaco .
4. Dokitterittinoona kaachetina'och kuwaasoon imo.
5. Bushiisheena'o aabiyona tuneba biiyee malletoon boono ceeggemmoch tuniyoo.
6. Hiniyee desh beetina'on biriyoona shuunee bekkiiyoo
 - Kuwaaso keriyeemmo biiyee attooniyee.
 - Echeti bushiisheena'o biiyoona yecheti bushiisheena'on keroona kaachemmina'one.
 - Biiyoona yechetina'o shoowooch gutineheete
 - Dokitereeno bushiisheena'och qelli qelloona yoochee qanna qaaniwaan attoon duppiyone.
 - Attoon yechiti bushoo tii neexehe.
 - "Attoo holligaata bushoo gutinoona hammiye.Bar eena'oo kuwaasoowaanee yoochaa qanna beeti na'o gutineheete.

lihaatiyee echeena'o

- Kaachi goorooch kuwaasoo hollimmona amoo ittoshich waayeehe?
- Ebiyee aaf miixoo itto toommooch shaggii ariihe?Miixoochee wodooch amoon hallitote?
- Miixoo shaggiti asho kaatee maroo danoo qayigaata amoon tunehe?

Tooco

- Amona tuneba biiyoo shagigaata goorona dawiyoonaa hajjiyoo icheti attoon tatoona daamo qaawiihe.

29^{ne} Shabaattoo



Kuxoyee Maachi Kaayo 30 - kuxiyaan xallittino

“kuxiyaan xallittino “immi kaayon kaayona qelli xallittinoon boono shalligiyeemmocho tuniyooch hiniyee desh beet hamaa dabboon dabbibit.

1. Chooko woyee markeroon gaachoona time kiiron kiiroo.
2. 4che-6ch beddimmi guuphon halloo

3. Nallefeena' o batti batti kiiroroyee gubb boono neexeemmoch tuniyoo.
4. Ikk ikke guuphi aafooch 5che-10 shaadde wohona 4 qelli xallittinee quyoon keriyeeemmi gengoon halloo.
5. Xallittinee quyee qiiceena' on bekkiiimmi 5 shicheena' on qannayoo.
6. Nallefeena' o xallittinee quyee qiiceena' ochi shigoon eboomonoo amooch boono gaacciibeetogaataboono getteemmoch tuniyoo. Shaahiyooch, gasheeburuusho, gashee xallittinee quyooch gaacciye.
7. Gengee daggooch bi qelli xallittinee quyee qiice shichoon kotiyoo
8. Hiniyee desh giddeetina' on biriyoonaa shuune bekkiiibit.
 - ilkke xallittinee shuunoo ceekkemmona guuphi guuphoochee ikkikke bushiisheena' o shuunooch qaawiimmi qiico koteti gengooch shittee boono wocceemmoch geto. Shaahiyooch kishee machi immona saamunoo koteti gengooch woco
 - Gengooch woyee showooch shuuneeti shichooch boono shaggimmona ikke baatoon giijjooona 5 che sekondooch beddaahaa kishoon macheemmo, gashoon hidiibeetina' on shaahiibit.
 - Arooche boono waati xaa' ooch wochoona gubbaa yaariyoonaa dabbimmi shuunooch kaalloon quyeebeeta.
9. Shuunoonaa bekkiiyoo hakkimmi xallittinee shuuneena' o
 - Gashoon hidoo
 - Qelloon kaaco
 - Ashittinoon macho
 - Gommoon xallayoo
 - Kishoon macho

lihaatiyee echeena' o

- Bullee aaboon itto gawaatibeeti xallittinee shuuneena' o am ameena' one?
- Damba getteeti iwee shuuneena' on gawaatee gaaco amoone?
- Itto gashoon aabichiniyee itto hidiibeeto?
- Itto kishoon itto macheebeeto aatane?

Tooco

- Qelli xallittinee quyo iiwee beemoch gaacsiye.

32^{ne} Shabaattoo



Kuxoyee Maachi Kaayo 31 - Baaree Decooba Gawaateebeeti Shuuneena'o

“Baaree decooba shuuneebeeti shuuneena’ona” amooch qaawiihe immon shaahii’i boono kaachemmoch tuniyoona aree gooree daggooch waabeeti shuuneena’on boono bariyeemmoch tuniyoo.

1. Baaree decooba taheebeeti taheena’o, qeeci duubina’o, qannayoo.
2. Baaree decooba itto kexooch shuuneebeeti shuuneena’o nallefeena’o boono kimeexi nuucheena’och yibbaatemmooh ihaatiyeemmoch tuniyoo
3. 5che -6 ch beddaahaa beeti guuphon halloo
4. Boono guuphi guuphona ikke baaroon qepphoona baaree goorooch amee shuuneena’o shuuneebeeto gaata shaahiyoona boono kaachemmoch tuniyoo.

'O' Kime Doyee Prograamo

Kooricoo 3: Shuunee Bekkiyoo



Kichoo Hee'o

Shuunee Bekkiyoo 1 – Bi Qelloon Arichiyoo	72
Shuunee Bekkiyoo 2 – 1-9ch Beddaaha beeti Haddeena'on Haddiyoo	72
Shuunee Bekkiyoo 3 – 1-9ch Beddaaha beeti Haddeena'on Haddoo	72
Shuunee Bekkiyoo 4– 1-9ch Beddaaha beeti Haddeena'on Qaaroonaa Ceego	73
Shuunee Bekkiyoo 5 – Haddoonaa Haddeemina'on Xibiyoo	73
Shuunee Bekkiyoo 6 –Koppi Yeshoonaa Gaachoonaa	73
Shuunee Bekkiyoo 7 – Haddee Teppeena'on Yeshiyoo	74
Shuunee Bekkiyoo 8 – Guuphooch Kupphe'i Shuuraaro	74
Shuunee Bekkiyoo 9 – Haddeena'on Qaaroonaa Kooroo	74
Shuunee Bekkiyoo 9 – Bi Qelloon Hakkoo	75
Shuunee Bekkiyoo 11 – Shappiti Haddeena'on Ceechoo	75
Shuunee Bekkiyoo 12 – Asheena'on Degonaa Miixiyoonaa	76
Shuunee Bekkiyoo 13 – Traanspoortee Shaaheena'o	76
Shuunee Bekkiyoo 14 – Haddeena'on Shichoona Shuunee Bekkiyoo	77
Shuunee Bekkiyoo 15 – Saantimoonaa Bireewee Noottoonaa	78
Shuunee Bekkiyoo 16 – Gumbeena'on Oogiishona Kotiyoo	80
Shuunee Bekkiyoo 17– Qiiceena'on boono Qaxeroonaa Baribariyoo	81
Shuunee Bekkiyoo 17 - Mooyina'ochi Shigoonaa Gaacoonon Biriyyoo	81
Shuunee Bekkiyoo 19 – Bireena'on Baribariyoo	81
Shuunee Bekkiyoo 20 – Xibittinoonaa Shiicha Dabboona	82
Shuunee Bekkiyoo 21 – Guuphina'on Halloo	83
Shuunee Bekkiyoo 22 – Herechee Bekkiyoo	83
Shuunee Bekkiyoo 23 – Qaxareena'on Qannayoo	84
Shuunee Bekkiyoo 24 – Guuphina'on Goomiyoo	84
Shuunee Bekkiyoo 25 – Becheena'on Bechoonaa Shiimoonaa	85
Shuunee Bekkiyoo 26 – Qiiceena'ochi Xaa'ee Gaminoon Goomiyoo	85
Shuunee Bekkiyoo 27 – Miheena'on Baribariyoonaa Shemmoonaa	85
Shuunee Bekkiyoo 28 – Minnakannon Halloo	86
Shuunee Bekkiyoo 29 – Aacheroonaa Shuu'e Mooyina'on Tachoo	87
Shuunee Bekkiyoo 30 – Neexoona Goomiyoo	87
Shuunee Bekkiyoo 31 – Pazileena'on Yeshiyoo	88
Shuunee Bekkiyoo 32 – Wohoonaa Kaatee Bekkiyoon Bariyyoo	89

Shuunee Bekkiyoo 33 – Kitaamiton Ariyoo.....	89
Shuunee Bekkiyoo 34 – Qiiceena'on Magittinoona Goomiyoo	90
Shuunee Bekkiyoo 35 – Kishoonaa Aafee Yeshoon Uumiyoo	90
Shuunee Bekkiyoo 36 – Mooyina'ochi Oogishoo (Voliyuumoo).....	91
Shuunee Bekkiyoo 37– Bireena'on, Miheena'onaa Minnaakanneena'on Kooroo.....	91
Shuunee Bekkiyoo 38 – Kaatteena'on Baribariyoo	92
Shuunee Bekkiyoo 39 – Traafike Hayiboche Bi Qelloon Quyo	93
Shuunee Bekkiyoo 40 – Hayibon Shakkimmi Gijjeena'оче Bi Qelloon Quyo.....	93
Shuunee Bekkiyoo 41 – Diqqoona Shaggiibeeti Hayiboche Bi Qelloon Quyo	94
Shuunee Bekkiyoo 42 – Woraqatoche Baribare Qecaaqeeceena'on Qannayoo.....	94
Shuunee Bekkiyoo 43 – Qiiceena'o Dane Xaa'oon Baribariyoo	95
Shuunee Bekkiyoo 44 – Barittinoon Qaawoonaa Shaahiyoona.....	95
Shuunee Bekkiyoo 45 – Heeyooch Shuuneebeeti Shuuneena'o.....	97
Shuunee Bekkiyoo 46 – Bi Toommooch Shaggiti Mooyon Geto	97
Shuunee Bekkiyoo 47 – Shabaattee Aabeena'o	98
Shuunee Bekkiyoo 48 – Daadde Becheena'on Shiimo	98
Shuunee Bekkiyoo 49 – Maayo.....	98
Shuunee Bekkiyoo 50 – Nallefeena'o Shuuneena'on Kicoo	99
Shuunee Bekkiyoo 51 – Decon Haddoo	100
Shuunee Bekkiyoo 52 – Mami Goorooch Quyeya Beddimmi liwee Sheereena'o.....	100

Gimo

Hin kooricoo qelli qelli shuunoonaa guuphi shuuneena'on yechite. Eb shuuneena'o toomooch nallefeena'o heeyooch gisheebe getigaata ikke shuunoon shuunee boono bekkiyeemmooh tuniyoo qawiihe. Hin kooricooch koteti yaabon dabbi'i doyechina'o boonoch icheti shuunoon shuunee boono bekkiiyon dabbi ciino qaawiihe. Nallefeena'o iriteebeeti mooyon dabbi degonaa tachoona dojjechowaane quyeehe. Eb xeppee herecheena'o ihaatiyee gorooba baribare doyee xeppee mooyina'on nallefeena'o xishiyeemmooh dego imoch gaacciyee. Eb wotta bireena'on, miheena'onaa haddeena'on bari bari'i koorooch, shichee qeppeena'on bari bari'i huutoona boono kishoon boono biicheemmooh hereechiyoch gacciyee.

Hin kooricee dagg beeti shuuneena'on gawaatoch meeti shuunee gommina'o koteteete. Eb gommon woyee yaweena'on dojjechina'o timo tuni'i nallefeena'o doyee daqqoonaa boono kitaamitona yeshi'i tachi'i dojjooch gaacho hakkiyeete.

1^{ne} Shabaattoo

Shuunee Bekkiyoo 1 – Bi Qelloon Arichiyoo

Nallefeena'oo Mallechi bi qelloon arichitoomon kaalli kaalloona tiyesh boono nuuchena'och boono arichiyemmoch tuniibit.

Shalligibit

- Nallefeena'oo boono qelloon arichimoona boono shigoon, kechi asheen'aochi shigoon, boono shunniibeetoonaa shixxiibeeton boono geton xiishibit.

Shuunee Bekkiyoo 2 – 1-9ch Beddaaha beeti Haddeena'on Haddiyoo

1-9ch beddaaha beeti haddeena'on qaaroonaa nallefeena'oo haddiyeemmoch hiniyee desh koteti gommon dabbibit.

1. 1-9ch beddaaha beeti haddeena'on qaaroonaa oogich ceegii nallefeena'och digeniyoo.
2. Ubbe nallefeena'oo ikkooch ittin dabbi qaaroon kichiyee haddeena'on boono ceegemmoch tuniyoo.
3. Nallefeena'oo ikkooch wochi wochi boono ceegemmo tunichi boono daggooche ikkoo bi qelli daaggoona tiyee shaahe gommoonaa bi haddiyemmoch tuniyoo.
4. Shaahe gommoonaa nallefeena'on 4-6ch tunneti guuphoona guuphichi kaalli kaalloona boono haddiyemmoch tuniyoo.

Shuunee Bekkiyoo 3 – 1-9ch Beddaaha beeti Haddeena'on Haddoo

1-9ch beddaaha beeti haddeena'on nallefeena'oo haddiyemmoch hiniyee desh koteti gommon dabbibit.

1. 1-9ch beddaaha beeti haddeena'on haddooch deggemmi mooyina'on shaahiyoch mixon, qacoon giddiyoo.
2. Eb mooyina'on gaachoonaa nallefeena'oo qaaroonaa wochi wochi boono haddiyemmo tuniyoo.
3. Nallefeena'oo wochi wochi qaaroonaa haddicha boono daggooche ikkoo bi qelli daaggoona tiyee shaahe gommonaa bi haddiyeemmoch tuniyoo.

4. Shaahe gommona nallefeena'on 4-6ch tuneti guuphoona guuphiichi kaalli kaalloona boono haddiyeemmo tuniibit.

Shuunee Bekkiyoo 4– 1-9ch Beddaaha beeti Haddeena'on Qaaroon Ceege

1-9ch beddaaha beeti haddeena'on nallefeena'o qaaroon ceegeemmo hiniyee desh koteti gommon dabbibit.

1. 1-9ch beddaaha beeti haddeena'on yechiti haddee kaardon qannayoo
2. Haddee kaardon bullich bekkee xaa'och ka'it
3. 1-9ch beddaaha beeti haddeena'on genjee mixoona beekiibee qaaroon kichi ikki ikkoon ceegi arichiibit.
4. Nallefeena'o eb haddeenaon ittin dabbi boono qaaroon kichi ceeggemmo tuniibit.
5. Nallefeena'on wochi wochi qaaroon haddichi boono daggooche ikkoo bi qelli daaggoona tiyee shaahe gommoona bi haddiyeemmo tuniibit.

3^{ne} Shabaattoo

Shuunee Bekkiyoo 5 – Haddoonaa Haddeemina'on Xibiyoo

1-20ch beddaaha beeti haddeena'on qaceena'ona shaahe mooyina'on yaaroon kotiyoon nallefeena'o xibiyemmo dabbimmi gommon gaachebit.

- Nallefeena'on 4-6ch beddimmi guuphoona kotiibit.
- Guuphina'och 1-20ch beeti haddeena'on bekkimmi kucheti haddee kaardeena'ona haddeemmi mooyina'onon (shaahiyoch meeti qaceena'on, michi afeena'ona, ...dab) gididiibit.
- Nallefeena'o boono guuphoona haddeena'ona haddeemmi mooyina'onon xibiyeemmo tuniyoo.

Shuunee Bekkiyoo 6 –Koppi Yeshoonaa Gaachoon

Koppee yeshoonaa gaachoonon nallefeena'on herechiyoch 1-20ch beddaaha beeti haddeena'on boono huuttemmo hiniyee desh kotetina'on dabbibit.

- Nallefeena'on koppon yechiyoo.

- Tate koppee yechi yawoon beekiyoona 1-20ch beddaaha beeti haddeena'оче ikkoon aa'i madooch huutti beekiyoo.
- Nallefeena'och 1-20ch beddaaha beeti haddeena'on giddiyoo.
- Ubbe nallefeena'o 1-20ch beddaaha beeti haddeena'on huuton boono herecheemmoch tuniyoo.

Shuunee Bekkiyoo 7 – Haddee Teppeena'on Yeshiyoo

Teppeena'оче qanniti 1-20ch beddaaha beeti haddeena'on yeshiyoonaa kooroon nallefeena'o herecheemmoch hiniyee desh koteton dabbibit.

- 1-20ch beddaaha beeti haddeena'on teppoonaa qannayoo
- Nallefeena'o koppoon tate yawoonaa yecheemmoch tuniyoo
- • Teppoonaa qanniti haddeena'оче ikkoon aa'i madooch yeshi'i beekiyoo,
- Ubbe nallefeena'o teppoonaa qanniti 1-20ch beddaaha beeti haddeena'on kooree kiiroochen keyaanon boono yeshiyeemmoch tuniyoo.

5^{ne} Shabaattoo

Shuunee Bekkiyoo 8 – Guuphooch Kupphe'i Shuuraaro

Nallefeena'on gengee guuphoona kotichi boono shunnimmi kaayi toomooch ihaatiyoo. Eb shuunoon toocooch bechooch guuphi yaabechon kaaco, nallefeena'o gaawichi elleemmo tuniyoonaa nallefeena'o kupphe herechemmoch tuniyoo qaawiihe. Guupphi dagg nallefeena'on kupphe herechiyoch hiniyee desh beetina'on dabbibit.

- Nallefeena'on 4-6ch beddaaha gengee guuphoona boono koteemmo tuniyoo.
- Nallefeena'o boono guuphi yaabechon kaacceemmo tuniyoo.
- Nallefeena'on boono shunnimm kaayon kaachiyoo, arooche wotta aakka boono shunnitogaata boono getteemmoch tuniyoo.
- Nallefeena'o gaawiihi boono elleemmo tuniyoonaa kupphe boono shuuraareemmoch dabboo.

Shuunee Bekkiyoo 9 – Haddeena'on Qaaroonaa Kooroo

1-20ch beddaaha beeti haddeena'on qaaroonaa kooree yawoon nallefeena'o herecheemmoch hiniyee desh koteti gommon dabbibit.

- Ikkikke haddeena'on ceegona nallefeena'o boono daaggoona tiye aa'i madooch kooriyemmo tuniibit.
- Ubbe nallefeena'on koppon boono yechemmoch tuniibit.
- 1-20ch beddaaha beeti haddeena'on itti qaaroona ceega nallefeena'o kooriyeemmoch tuniibit.

Shuunee Bekkiyoo 9 – Bi Qelloon Hakkoo

Nallefeena'o genga guudi boono koteemmon tuniichi "Bi qelloon hakkee gaacee" toomooch ihaatiyoona boono ariyoon uummiyoch dabbimmi gommona giddibit.

1. Nallefeena'ochi heechi shuuneena'on (kishee macho, maayi mammo, qelli kaaco, qoreddee taho) bekkimmi shicheena'on shichi duuhooch ka'it.
2. Doyee deggi qiiceena'on (shaahiyooch: kaphoo, immiccoo) kuchi dagg deewi nalleefoo bi qelloon quyoon dooyee kuxoocha bi herecheemmo tuniibit.
3. Bi qelloon quye gaacoon nallefeena'och biriibit.
4. Nallefeena'o boono qellee hakkee shuunoon (kische machon, qelli kaacon, maayi mammon, qoreddee tahon, qashee kechi gaachon) herecheemmo kupphiyoo.
5. Qelli kaacon nallefeena'o kuchi maac herecheemmo ashangulitoon gaache'i beekiyoona eb gommona herechiyoo.
6. Nallefeena'o boono iiqqoona boono herechemmoch kupphiyoo.

6^{ne} Shabaattoo

Shuunee Bekkiyoo 11 – Shappiti Haddeena'on Ceechoo

Nallefeena'o shappiti haddeena'on boono ceechiyemmo hiniyee deshi koteton dabbibit.

- Herechee kooricooch shappit haddeena'on ceechooch gaaccibeeti kiiraakiiron qannayoo. (shaahiyoch hiniyee desh koteti kiiraakiiron gaachebit).
- Nallefeena'on shappiton ceechoon boono herechemmo tuniyoo.
- Shaahee gommona bare kiiraakiiron qannayoona 1-20ch beddaaha beeti haddeena'on kooroon boono herechemmoch tuniyoo

1		3		5
	7			10
11		13		15
		18		20

7^{ne} Shabaattoo

Shuunee Bekkiyoo 12 – Asheena'on Degonaa Miixiyoona

Dabbimmi dojee hamaa dabbon gaacheyee ikke asho bare ashoon aabichi degonaa miixoonaa bi hakkimogaata nallefeena'o ihaateeye kuchi maac boono nuucheena'och boono gididiyeemmo tuniibit.

- 4-6ch beddimmi nallefeena'on yechiti guuphoon halloo.
- Ashoon miixoonaa degona toomooch qaminoona biriyoo (shahiyoocha ashoon miixibeetina'o: naago, qaawiyaanoon ashittinee huusho, xoobo, iiqqooyee dambee shuunoonaa shaaheena'one. Ashoon dego, biyemoona echo, ariqqiyoonaa shaaheena'one getti biriyoo).
- Guuphiina'оче qato ashon miixibeeti mooyina'o toomooch, echetina'o wotta ashon degi toomooch ihaatiibit.
- Nallefeena'o boono ihaateeye toooon kuchi maac boono gididiyeemmo tuniibit.
- Ciirocha ashoon mixibeeti shalligeena'onaa doyeeti shuunee'onon biriyoonaa nallefeena'o boonon tuneba bare asheena'on miixibeeti mooyina'оче boono quyeyeemmo xiihiyoo qaawiihe. Ebiyee baroo wotta eboommi miiximmi doyeeti shuunee shuuraaro beegaata dojjechoch woyee shiitina'och boono arichiyeemmo xiihiyoonaa toocit.

8^{ne} Shabaattoo

Shuunee Bekkiyoo 13 – Traanspoortee Shaaheena'o


Nallefeena'o traanspoortee shaaheena'on boono shaahi shaahoonaa baribariyeemmo hiniyee desh koteton dabbi dojjibit.


- Nallefeena'on guuphi guuphoona kotiyoo
- Traanspoortee shaaheena'on qamini gommona biriyoo.
- Qamini ihaatiyee teppeena'on (shaahiyooch kaameelo, gaari, maco, biceroo, kuro, awuroopilaano) guuphina'och qoodoona ikke guupho ikke ihaatiyee teppee toomooch ihaatiyeemmooh tuniyoona dabbi dego imo.
- Guuphina'ochi yaabechina'o eb icheti traanspoortee shaaheena'o amee gaacoo boono immibeetogaata, amoonaa boono ikke xaa'och bare xaa'och hammibeetogaata boono gididiyeemmooh tuniibit.
- Ciirocha nallefeena'och traanspoortee shaaheena'o tukkoona yoobbibeetina'o, showoona gengerebeetina'o, aacoona hammibeetina'o geta keeje xaa'och boono qoodeeyon biriibit. Ebiyee wotta gaminoona andi gooree tekinoloojjina yesheti traanspoortee shaahoonaa wonnee gooree traanspoortee shaaheena'o geta gutta bi qoodeeyoon nallefeena'och biriyoo qaawiihe.

Shuunee Bekkiyoo 14 – Haddeena'on Shichoona Shuunee Bekkiyoo

Nallefeena'o haddeena'on shichoona boono shuuneemmooh hiniyee desh koteti gommon dabbibit.

- Haddeena'ona qanniti shichoon nallefeena'och gididiyoo.
- Nallefeena'o haddeena'o gaa'och koteti teppeena'on gaacheyee shichoon boono shuuneemmo tuniyoo.
- Bari bare qaxereena'on gaachoon nallefeena'o shichoon huuttemoch dege imo.








11^{ne} Shabaattoo

Shuunee Bekkiyoo 15 – Saantimoona Bireewee Noottoona

Nallefeena’o Saantimoona Bireewee noottoonon giishooche oogooch hamaa dabbi boono kotiyeeemmoch dego imoch dabbimmi gommona dojjibit.

- Dabbimmi Santimeena’onaa Bireewee nootteena’on koppi geddi giddibit.
- 5, 10, 25 naa 50 Saantimeena’onaa 1, 5, 10, 50 naa 100 Bireewee nootteena’onon giddi’i nallefeena’o baribariyeemmoch tuniyoo.
- Koppi gedaa qanniti Saantimeena’ona Bireewee nootteena’on nallefeena’ochi guuphooch qodi’i giishooche oogooch hamaa dabboona boono kotiyeeemmo tuniyoo.







13^{ne} Shabaattoo

Shuunee Bekkiyoo 16 – Gumbeena'on Ooggiishona Kotiyoo

Nallefeena'o gumbeena'on baribariyoona boono kotiyeemmoch hiniyee desh koteton dabbibit.

1. Baribare genjaa – qamini gumbeena'onaa baribare ooggiishech gumbeena'on qannayoo
2. Nallefeena'on guuphi guuphoona qoodi'i kotiyoo.
3. Baribare genjaa– qamini gumbeena'onaa baribare ooggiishech gumbeena'on guuphina'och imo.
4. Nallefeena'o gumbeena'on neexoona qamino, dagg tatoonaa genjoo getoona boono baribariyeemmoch tuniyoo. Eboommi gommona gumbeena'on boono ooggiishoona cicoo, dagg tatoonaa oogee gumboo geti boono kotiyeemmo tuniyoo.

Shuunee Bekkiyoo 17– Qiiceena’ on boono Qaxeroona Baribariyoo

Baribare qaxerechi qiiceena’ on nallefeena’ och imona nallefeena’ o eb qiiceena’ on boono Qaxeroona baribari boono gettemmoch hiniyee desh koteti gommon dabbi shuuniibit.

1. Baribare qaxerechi qiiceena’ on qannayoo.
2. Nallefeena’ on guuphi guuphoona kotiyoo.
3. Baribare qaxerechi qiiceena’ on guuphina’ ochi imo.
4. Eb qiiceena’ on boono qaxeroona ceello, kellesho, diibeeno ... dab geti shaahee qaxerechina’ on ikkoch kici nallefeena’ o kotiyeemmoch tuniyoo.

Shuunee Bekkiyoo 17 - Mooyina’ ochi Shigoonaa Gaacoonon Biriyyoo

Kitaamitoch beeti mooyina’ on (shaahiyooch kekoo, qeeno, kunaano, kullaaroo, doolloo,... dab) yechiti shichoon gididiyoona boono shigoonaa gaacoonon nallefeena’ o ariyeemmoch dabbimmi yawoona dojjibit.

1. Kitaamitoch beeti mooyina’ on yechiti shichoon qannayoo.
2. Shichoon bekkeemmi duuhooch ka’o.
3. Gumboona bekkiyoona eb mooyina’ o shigoonaa gaacoonon nallefeena’ o gettemmo tuniyoo. .

Shuunee Bekkiyoo 19 – Bireena’ on Baribariyoo

Gishiishoonaa ogooge biree madeena’ on bekkiyoona nallefeena’ o biree shaahoon boono bariyeemmo tunibit. Dojjechi kooricooch qooda kotetoommona baribare shabaatti shabaattee doyee kaalloona bireena’ on nallefeena’ och dojjibit.

Sha. Gishiishi bireena’ oche: “a,b,c,d” naa ogooge bireena’ onche “A,B,C,D” n nallefeena’ och ikkee shabaattooch dojjibit. Eboommon bareena’ on dojjechi inde yaabee kooricooch qooda kotetoommona bireena’ on qoodi qoodii dojjoona toocooch bechiibit.

Ebin toocooch bechooch dabbimmi gommona gaachebit.

1. Inde dojjechi yaabee kooricooch koteti hinnoommona shabaattee bireena’ on koori nallefeena’ och gididiibit.
2. Kooreeti bireena’ on yechiti woraqaton nallefena’ och imona gaawichi boono huuttemmo tuniibit.

3. Boono huuttito amo gaata xiishoona boono nuucheena'och boono giddiyeemmoch tuniibit.
4. Teppeena'ona kooreeti bireena'on yechiti woreqaton nallefeena'och imona kaallikaalloona teppeena'on boono yeshiyeemmoch tuniibit.
5. Xappoona kooreeti bireena'on nallefena'och imona nallefeena'o kiirooche keyaanon boono huutteemmo tuniibit.
6. Baribare biree qeceena'on baribare mooyooche shuunoonaa kooroon boono herecheemmoch tuniyoo (shaahiyooch: michi aafoochen, qacoochen, qorikoochen).
7. Nallefeena'o battibatt boono bariiti bireena'on wochi wochi boono kooriyeemmoch tuniyoo.
8. Nallefeena'o biree qaaronaa qeconoona baribariyoona kaallikaalloona tiyee biree madooche boono shemmeemmo tuniyoo.
9. Nallefeena'o boono dooyit bireena'ochi qecoon woraqatee toommooch boono kooriyeemmoch kuphiyoo.
10. Nallefeena'o bireena'on wochi wochi boono kooriyeemmo tuniyoo.

14^{ne} Shabaattoo

Shuunee Bekkiyoo 20 – Xibittinoona Shiicha Dabboona

Mooyina'o dagg beeti xibittinoona shiicha dabboon nallefeena'o xiishiyemmoch dabbimmi dojee yawoon gaachebit.

- Meeti baribare qaxerechi qiiceena'on shaahiyooch kuuwaasoo, michi aafoo, qorikoo, qacoo, tahee xoggoo (teendoo), gijjee aafoo ... dab kuchi maac giddiyoo.
- Nallefeena'on guuphi guuphoona qoodi'i kotiyoo.
- Dabboona baribare haddeemmi mooyina'on bacci guuphoona koteti nallefeena'och qoodoo.
- Aree hillooch haddemmi mooyina'on boono xibiyeemmoch kuphiyoo (shaahiyooch – qarisho, naallo, gishiisho, ogoogo geti shaahee hinnechina'on ikkoch kicoona).
- Amoonna boono shaahiito gaata nallefeena'on echebit, wochoon boono immemmoch kuphiibit.

- Arooche baritti woyee shaahaani mooyina'on kichi boono bekkiyeemmoch nallefeena'on kupphiibit.
- Amoonaa boono shaahaano gaata echebit, wochoo boono immemmoch kupphiibit.
- Dabbiyoona baribare gommoonaa shaahii'i boono xibiiti mooyina'on shiicha dabboona nallefeena'o kotiyeemmoch degit. Amoommi hinnoonaa shiicha dabbi boono kotiito gaata echebit. (Shaahiyooch – giishecho, oogeto, dagg tato...dab) immi wochoon imo hakkiyeete.)
- Ciirocha haddeemmi mooyina'o dagg beeti xibittinooonaa shiicha dabboo imi ind inde shalligeena'on giddiyona toocit.

15^{ne} Shabaattoo

Shuunee Bekkiyoo 21 – Guuphina'on Halloo

Haddeemi mooyina'onaa yommonon woyee baribare cuyee qiiceena'on gaacheyee guuphi inde shalligoon toocooch shakkiyoch hiniye desh beeti boyoon dabbibit.

1. Haddeemmi mooyina'onaa yommonon woyee baribare cuyoch gaacimmi mooyina'on qannayoo.
2. Guupho geto ama geto gaata nallefeena'och biriibit.
3. Yommona uxero halli qacee guuphon shuuneyee nallefeena'och bekkiibit.
4. Qanniti yommon woyee cuchemmi qiiceena'on nallefeena'och imbit.
5. Boono beqqiti gommona nallefeena'o guuphon halli boono bekkiiyemmoch tuniibit.

Shuunee Bekkiyoo 22 – Herechee Bekkiyoo

Kubbi waamonaa phaayoonon gaachoona guuddiibeeti mooyina'on woyee yechi wocaa guudoo hakkimmi mooyon shuunoon, woraqate markaabon shuunoon herechiyoch hiniyee desh koteti dojjee boyoon dabbibit.

1. Kubbi waamonaa woraqaton qannayoo.
2. Kubbi waamona yofiyofa woyee yechi wocaa guudeemmi mooyon shuunee bekkiiyoo. Woraqatoche markaboon, jeetoon shuunee bekkiiyoo.
3. Nallefeena'o boono ciinniti gommona shuunee boono bekkiyeemo tuniiyoo.

16^{ne} Shabaattoo

Shuunee Bekkiyoo 23 – Qaxareena'on Qannayoo

Ceelle showoonaa kubbi waamonooche qaxere qannayon nallefeena'on herechiyooch ebiyee wotta meeti baribare herecheena'on kupphee boono shuuneemmoch hiniyee desh koteti boyoon gaachoona dojjibit.

1. Showoo, kubbi waamo, beche bungo, aaco, gafetoonaa hiiccetoon qannayoo.
2. Hiniyee damba kooreti mooyina'on gaachoona aabicha qaxeroo qannibeetogaata nallefeena'och bekkiiyoo.
3. Tookk koteti mooyina'on hiicci baccoona qaxeroon qannayi nallefeena'o herecheemmoch bekkiiyoo.

Shuunee Bekkiyoo 24 – Guuphina'on Goomiyoo

Nallefeena'o baribare qiiceena'on beshiyee, shappiyee, tatehee geti boono goomiyeemmoch dego imoch dabbimmi gommon gaachebit.

1. Gumbeena'on, joomeetri qeceena'onaa yommon nallefeena'o guuphoch imbit.
2. Nallefeena'o icheti yommonaa guttee uxereena'on woyee guuphi gengeena'on boono halliyeemmoch tuniibit.
3. Dabbiyee joomeetri qeceena'o daggooche ikke shuut keemon, ikke gengoon, ikke shuut awuddoon uxere (gengee) maac boono kotiyeemmo tuniibit.
4. Guttinne uxeree woyee gengee maac uuchee gumbeena'on woyee qaceena'on boono kotiyeemmoch tuniibit.
5. Aree hillooch guttee hullee uxereen'aon woyee gengeena'on boono kotiyeemmo tuniibit.
6. Dabbiyee aabi uxeroo woyee gengoo meeti woyee giisheche haddiyeemmi mooyina'on bi yechitogaata nallefeena'on echebit.
7. Daakkoona aabi guuphoo meeti haddiyeemmi mooyina'on bi yechitogaata echebit. Aroochen aabi guupho meetoona beshibeetogaata woyee giishebeetogaata boono getteemmoch echebit.
8. Eb herechon wochi wochi shuunoona guuphina'on halloonaa goomiyee inde shalligoon boono yechemmoch tuniibit.

17^{ne} Shabaattoo

Shuunee Bekkiyoo 25 – Becheena’on Bechoonaa Shiimoona

Showoon, aaconaa aaboon gaache’i plaastikkee qiicoch woyee qondee tiishooch becheena’on bechi shakkiyoch dabbimmi gommoona nallefeena’on degiye shuunee boono bekkiyeemo tunibit.

1. Showon, plaastikkee qiico woyee qondee tiishoonaa aaconon qannayoo.
2. Showon plaastikkee qiicoch woyee qondooch boono geddeemmoch degit.
3. Maayi aafoon plaastikkee qiice maac woyee qondee maac beeti showee maac bechichi aaboo beeti xaa’och kotiyoo.
4. Qemi qemoona aacon uchoona boono dabbi shiimeemmoch tuniyoo.
5. Ciiroocha ubbe nallefeena’o boono bechiti becheena’on dabbi ciinneemmo woyee shiimeemmo tuniyoo.

Shuunee Bekkiyoo 26 – Qiiceena’ochi Xaa’ee Gaminon Goomiyoo

Baribare oogishech qiiceena’on nallefeena’och giddiyoona oogisho goomiyee aabi qiico gamini xaa’oon bi yechibeetogaata nallefeena’o getteemmoch tuniibit. Ebin shuuniyoch dabbimmi gommoona dojjibit.

1. Baribare oogishech qiiceena’on nallefeena’o guuphooch giddiyoo.
2. Qiiceena’on xarappheezee toomooch kotiyoo.
3. Xarappheezee toomooch koteti qiiceena’o yechiti xaa’oon goomiyoonaa aabi gamini xaa’oon bi yechitogaata nallefeena’o getteemmoch tuniyoo.

Shuunee Bekkiyoo 27 – Miheena’on Baribariyoonaa Shemmoona

Nallefeena’o ariibeeti bireena’on gaacheyesh nallefeena’o miheena’on boono shemmeemmoch degit. Dabbimmii gommona boono shuunee bekkiyeemmo tuniibit.

1. Nallefeena’on ebiyee aaf boono dooyiti bireena’on (sha. A,B, C,D) wochi shalligichibit.
2. Boono dooyit bireena’ona halleeti miheena’on qeconda, shichoonaa qiiceena’ona yeshii bi biishoon getti shemmiyoo.

3. Bireena'on (Sha.: A,B,C,D) dengichinaa dugillina koorichi nallefeena'o tiyeesh ikki ikkona boono shemmeemoch tuniyoo (Aaco, Bago, Ceello, Deco,....dab).
4. Ikki ikke bireena'on nallefeena'o yeshiiyee miheena'on boono halliyeemoch degit.
5. Nallefeena'o boono hallit miheena'on woch wochi boono shemmeemoch, kooriyeemoch tuniibit, dego imbit.
6. Dabbiyee baribare bireena'on dengichinaa dugilliwaan kooroona nallefeena'o tiyee boono shemmeemoch tuniibit.
7. Baribare bireena'ona miheena'on boono halliyeemoch tuniibit.
8. Boono halliti miheena'on qiiconaa woyee shichoona yeshiyesh boono xiishiyeemoch tuniibit.
9. Nallefeena'o boono hallit miheena'on kaalli kaalloona tiyee boono nuucheena'och shemmeemoch kuphiibit.

Shuunee Bekkiyoo 28 – Minnakannon Halloo

Ebiyee aaf nallefeena'o baribariiti bireena'onaa miheena'on gaachoonaa qamini minnaakanneena'on nallefeena'o halliyeemoch, shemmeemoch dego imbit. Guttee woyee keeje miheechi minnaakanneena'on halliye boono shemmeemoch dabbimmi gommoona shuunee boono bekkiyeemmo tuniibit.

1. Nallefeena'on ebiyee aaf boono halliti miheena'on shalligiye qaaroonaa boono getteemoch tuniibit.
2. Nallefeena'o ebi miheena'ona qamini minnakannena'on boono halliyeemoch tuniyoo. Sha. Shakko waate.
3. Nallefeena'o boono kooriti minnaakanneena'on wochi wochi boono shemmeemoch tuniyoo.
4. Nallefeena'o boono halliti minnaakanneena'on boono nuucheena'o afooch keyiyee shemmee boono waayeemoch kuphiibit.

18^{ne} Shabaattoo

Shuunee Bekkiyoo 29 – Aacheroonaa Shuu'e Mooyina'on Tachoo

Aacheroonaa shuu'e mooyina'on tachee inde shalligoon nallefeena'o shuunee bekkiyeemmoch dabbimmi gommona dego imbit.

1. Kubaayoo, xaasoo woyee tiinjaano, aachi yechi doolloonaa qacoon qannayoo.
2. Nallefeena'on guuphi guuphoona kotiyoo.
3. Nallefeena'o aafoch guttee tate kubbaayeena'o woyee xaaseena'o woyee tiinjaaneena'on aacoon ceechiyee kotiibit.
4. Arooche ikke kubbaayooch woyee xaasooch woyee tinjaanooch aaco kitti ceechibit. Guttinne kubaayoon woyee xaasoon woyee tinjaanon aachaallo tuniibit.
5. Dabbiyoona kubbaayooch woyee xaasooch woyee tinjaanooch beeti aacoon aachaalli kubaayooch woyee xaasooch woyee tinjaanooch wochibit.
6. Ikke kubbaayooche woyee xaasooche woyee tinjaanooch bare kubaayooch woyee xaasooch woyee tinjaanooch aacoon itti wochimmoona kubbaayeena'o woyee xaaseena'o woyee tiinjaaneena'o tate aacoon boono yeshon nallefeena'och biriibit.
7. Aree hillooch ikke kubbaayooche woyee xaasooche woyee tinjaanooch tato tuneyaani kubbaayooch woyee xaasooch woyee tinjaanooch aacoon wochiyee ikko barooyee beshoo woyee giisho tunoon biriibit.
8. Tookk Y.H 1ch koteti mooyina'on nallefeena'och gid-diyoona itti bekkiiti gommon gaachoonaa nallefeena'o aacherena'onaa shuu'e mooyina'on tachee inde shalligeena'on boono xiishiyeemmoch tuniibit. Ebinoo wochi wochi shuunebeeta.
9. Eb shuunee hamaa dabboona tachee qiiceena'och beshaa-shappoonaa ikke qiicoche barooch wochoon boono xiishiyeemmoch tuniibit.

Shuunee Bekkiyoo 30 – Neexoona Goomiyoo


Neexoona goomiyoon nallefeena'o shuunee boono bekkiyeemmoch dabbimmi gommon gaachebit.

1. Nallefeena'on keejje guuphoona kotiibit.
2. Meeti baribare neexeechi mixina'on qannayiibit.

3. Ikkinne guuphooch genjee mixon, guttinnee guuphooch dagg tate neexechina'on, keejjinnee guuphooch qamini mixina'on imbit.
4. Aree hilloch ikke guuphooche ikke nallefoon ceegi genjee mixon bi kotiyeemmoch tuniyoo.
5. Guttinnee guuphooche ikke nallefoon ceegi, ikke mixon genjee michi ga'och bi kotiyeemmoch tuniyoo.
6. Ciirochaa keejjinnee guuphooche ikke nallefoon ceegi, ikke mixon deewi battibatti nallefeena'o kotiiti mixina'o ga'och bi kotiyeemmo tuniyoo.

Eb gommona ubbe guuphooch beeti nallefeena'on giijji shuuniyoo. Ebinoo genjoo, dagg tato, qamino immi inde shalligeena'on xiishiyoo.

Shaahiyoo:



Dojjecho: Keejje guuphina'ochee nallefeena'o hamaa dabboona mixina'on boono kotiyeemmo eb gommona tuneba.

19^{ne} Shabaattoo

Shuunee Bekkiyoo 31 – Pazileena'on Yeshiyoo

Nallefeena'o baribare pazileena'on yeshiyoona xaa'oonaa oogiishee dagg beeti barittinooon boono xiishiyeemmoch dabbimmi gommona shuuniibit.

1. Nallefeena'on guuphoona kotiibit.
2. Qannit pazileena'on nallefeena'och qoodibit. (hin doyooch ariyee shuunee kooricooch y.h.5ch kotetono gaacho hakkihit)
3. Battibatt qecee tiisheena'on ubbe nallefeena'ochi guuphina'och imbit. Arooche eb qecee tiisheena'on boono yeshiyeemmoch degit. Shiichi yeshi'i ciichito barena'oye besho bi tunoon arichiyoo, kuphiyoo, koppiyoo qaawiihe.
4. Nallefeena'o guuphoona boono yeshiiti pazileena'on kuchi maac beeti nallefeena'och boono bekkiyeemmo tuniyoo.

Shuunee Bekkiyoo 32 – Wohoonaa Kaattee Bekkiyoon Bariyoo

Xaa'oon, wohoonaa kaattoonon bekkimmi miheena'on (katino, wohoo, dagg, gaxoo, maac, maach...dab) nallefeena'o baribariyeemmoch dabbimmi gommona degit woyee shuuniibit.

1. Shichoo, xarapphezoo, kuwaasoonaa xarmuusoonon qannayoo.
2. Xarapphezee gutte dag bekkee xaa'och kuwaasoon kotiibit. Arooche xarapphezee dagg amo kotete geti nallefeena'on echebit. Nallefeena'o wochoon toocit.
3. Xarapphezee gaxooch xarmuusoon kotiibit. Arooche xarapphezee gaxooch amo kotete geti nallefeena'on echebit. Nallefeena'o wochoon toocit.
4. Xarapphezee dagg kuwaasoo, xarapphezee gaxooch xarmuusoo kotete geti nallefeena'och xiishiibit.
5. Dabbiyoona guttee kuwaaseena'оче ikkoon nallefeena'o katinooch, guttinoon nallefeena'owaane wohooch kotichi aabi ittoshich katiniye geti echebit. Aree hillooch wochoon xiishiibit.
6. Wochi wochi baribare qiiceena'on baribare xaa'ooch kotichi boono kotee hinnoonaa wohoonon echebit.

20^{ne} Shabaattoo

Shuunee Bekkiyoo 33 – Kitaamiton Ariyoo

Halloonaa ashi halloona immona baribare mooyina'on nallefeena'o baribariyeemmoch dabbimmi gommona shuuniibit.

1. Nallefeena'o boono kitaamite inde shalligoon boono yechemmoch tuniyoo.
2. Kitaamitoch hallee mooyina'ona ashi hallee mooyina'o beemon xiishiyoo.
3. Hallee mooyina'o kashechoonaa kashaalleena'ona tunemoona becheena'on, gijjeena'on, aacoon, showoon, xaqqoon, aaboon, agenoon, xojjeenoon, ayeroon, yongoon, ...dab yechibeeto bi tunon xiishi'i nallefeena'och biriyoo.
4. Nallefeena'on toommo tunet xaa'och daammi boono kitaamitoon boono ariyeemmoch tuniyoo.
5. Nallefeena'o ebi xaa'ooche boono qayet mooyina'on tiijj boono ihaatiyeemmoch tuniyoo.

6. Becheena'o geto mixon, mocoona baribare hallee becheena'on bi yeshon nallefeena'och xiishiyoo.
7. Cooxina'o geto kechi gijjeena'o, kubbi cooxina'o, yobereena'onaa gishiishi kashechi mooyina'o, aachi maaci cooxina'on bi yeshon xiishi'i biriyoo. Ebicho shaahiyoon giddiyoo. Shaahiyoo: Kechi gijjeena'o: kunaanoo, kullaaroo,...dab. Kubbi Cooxina'o: qaccemo, maaho, daaheroo, ...dab tunon bekkiiyoo.
8. Ashi halleena'o shaahiyoo: kexo, gommo, ya'oo, xuppillo, dab tunoon bekki'i nallefeena'o boono kitaamitoch beeti bari bare ashi hallee mooyina'on boono giddiyeemmoch kuphiyoo.

Shuunee Bekkiyoo 34 – Qiiceena'on Magittinoona Goomiyoo

Nallefeena'o kuchi maac beeti qiiceena'on kettoo, maggoo, dagg tato geti boono goomiyeemmoch hiniyee deshi koteti yawoon dabbi shuuniibit.

1. Nallefeena'o gengaa guudi guuphoona boono koteemmo tuniibit.
2. Nallefeena'o guuphi geengee dagg baribare maggittinechi qiiceena'on kotiibit.
3. Guuphi naayina'o hamaa dabbona qiiceena'o magittinoon boono kishoona goomiyeemmoch tuniibit.
4. Aree hillooch aabi maggoo, aabi kettoo gaata baribariyee boono getteemmoch tuniibit.
5. Dabbiyoona shaahee qaxerechi tate maggittinechi kojjoon woyee pestaloon qannayiibit.
6. Arooche baribare maggittinechi mooyina'on boono maac gedit.
7. Ciirocha nallefeena'o boono kishoona yeshi maggittinoon tachi boono goomiyeemmoch tuniibit.
8. Ebina kettoonaa maggoonon baribariyee boono getteemmoch tuniibit.

21^{ne} Shabaattoo

Shuunee Bekkiyoo 35 – Kishoona Aafee Yeshoon Uumiyoo

Nallefeena'o baribare shuuneena'on boono shuuneemmoch hiniyee desh koteti dojee hamaa dabboon gaachebit.

1. Qacoo, dengo, mixoona woraqatoonon qannayibit.

2. Qacoon gaachoona kishee yaferoona gengoon, kexon, keyaa gime kiiron nallefeena'on shuuniibit.
3. Dengoon gaachoona midaadon, woshenon, gaaree gijjee qecoon nallefeena'o shuuneemoch tuniibit.
4. Mixon yeshiyoona kexon, gommon nallefeena'o shuuneemmo tuniibit.
5. Woraqatoon gaachoona joomeetri qeshaaheena'on, gommon, kexon, poostee kaardoon, ... dab nallefeena'o shuunee bekkiyeemoch tuniibit.

Shuunee Bekkiyoo 36 – Mooyina'ochi Oogishoo (Voliyuumoo)

Baribare mooyina'on hulloo, ceenoo, qato, giishecho, oogeto geti nallefeena'o goomiyeemoch degoo imoch hiniyee desh koteton dabbibit.

1. Awudde shaahere woyee tate buriciqqon woyee aachi plastikkoon qannayoo.
2. Ikkooch ceeni aacon, guttinooch qachi aacon, keejjinooch heece aacon gedit. Awuddinnoo hulloo tuneba.
3. Nallefeena'on guuphoona kotiibit.
4. Tookk y.h 2ch kotetoommon qanniti qiiceena'on guuphina'och shakkiibit.
5. Nallefeena'o hullooch ceenooch hamaa dabboona boono kotiyeemoch degit.
6. Ciirocha nallefeena'och mooyina'ochi oogishoon woyee voliyuumee goomiyee gommon biriibit.

22^{ne} Shabaattoo

Shuunee Bekkiyoo 37– Bireena'on, Miheena'onaa Minnaakanneena'on Kooroo

Shabaattee bireena'on, miheena'onaa minnaakanneena'on nallefeena'o koori boono bekkiyeemoch dabbimmi yawoona dojjibit.

1. Bireena'on koorooch teppeena'on yeshiyoona wochi wochi boono kooriyemoch tuniyoo.

A



B



2. Bireena'on gaachoona dabbimmi shaahiyoomon nallefeena'o kooriyeemmoch bekkiiyoo. Shaahoyoo – A- Aaco, B-Bago, C- Cano, D- Deco,....dab. Ebiyee wotta miheena'o daggooche shappiti bireena'on nallefeena'o cechiyeemmo tuniibit. Shaahiyoo:
Ashi shigo (_ushi (Bushi), __aaqqi (Xaaqqi),....dab).
Gijjeena'o (__ago (Bago), __mmisho (Emmisho),dab).
3. Nallefeena'o baribaritti miheena'on gaache'i qamini minnakannon boono kooriyeemmo tuniibit. Shaahiyooch: Akkee wocahan. Shakke waatan.
4. Nallefeena'o boono shigoon kooriyoona boono shigee dag beeti bireena'on boono shalligiyeemmoch tuniibit. Eb shuunoon wochi wochi herechiyoona nallefeena'o boono shigon kooriyeemmo boono digeneemmoch tuniibit.

Shuunee Bekkiyoo 38 – Kaatteena'on Baribariyoo

Nallefeena'och beemi xaa'oon, qiicee xaa'oon xiishiyooch dabbimmi gommona dojjibit.

1. Baribare qiiceena xarapphezee toomooch kotiibit.
2. Ebxarapphezee toommooch koteti qiiceena'o beeti xaa'oon nallefeena'o bekkiyeemmoch tuniibit.
3. Ikke mashaammii nallefoon ceegi bi aafoon kuchi maaci nallefeena'oye gub wochi neechibit.

4. Koteti nallefeena'oo daggoochi ikkoo neexeti nallefoochi shigoon ceeggemmo tuniyoo. Aree hillooch aabiwaanee bi ceekketogaata echebit.
5. Kaattoon bekkimmi shicheena'on duuhooch xejjiibit. Aree hillooch nallefeena'on ceegi amo abiwaan beetogaata echo, boono wochiyeemmoch kupphiyoo.
6. Guttee nallefeena'on ceegi kichi gabbere daggooch neecho. Aree hillooch boono yoocha, qanna, aaf, gubb amo beetogaata echoon bare nallefeena'och gididiyoo, boono wochoon dego, kupphiyoo.
7. Dabbiyoona ikke nallefoon gabberooche woyee kotoochi wokkiyoona, guttinnoon kotooch katichi neechoona aabi gabberooche woyee kotooch wokkiyee, aabi katiniyee iibee echoon gididiyoo, kupphiyoona nallefeena'oo kaattoon bariyeemmo tuniyoo.

Shuunee Bekkiyoo 39 – Traafike Hayiboche Bi Qelloon Quyo

Nallefeena'oo Traafike sheeroon boono ariyeemmoch hiniye desh koteti kaattoon dabbiyee dojjibit.

1. Nallefeena'oo traafike hayiboche boonoshin aabichi quyo boono hakkiyemmo gaata boono shiitina'on echeyeshi kuchi maac boono gididiyeemmoch tuniyoo.
2. Nallefeena'oo gommon boono kuxximmona traafike sheeroon quyeyesh boono besheemmoch arichyoo woyee boyo.
3. Ceelle traafike malletoo bekkemmona kaameelo neexeehe, keelleshoonaa mocero aaxxemmona kaameelo hammiyee immi inde shalligoon nallefeena'och xiishiyoo. Ebina yeshiita, kaameelo nexxemmona asho gommon kuxo woyee beshon bi hakkoon biriibit.
4. Kaameele gommooch kuwaasoon kaayo traafiikee hayiboon bi shakkiibeeto tunoon nallefeena'och xiishiibit.

23^{ne} Shabaattoo

Shuunee Bekkiyoo 40 – Hayibon Shakkimmi Gijjeena'ooche Bi Qelloon Quyo

Nallefeena'oo hayiboon shakkimmi gijjeena'oonaa kashingixeenaa'ooche boono qelloon quyeemmoch hiniye desh beeti gommona dojjibit.

1. Nallefeena'oo boonoshin shiitina'owaane hayibo shakkiibeeti gijjeena'oonaa kashingixeenaa'ooche aabichi boono qelloon quyo hakkiyeemogaata echeyesh kuchi maac boono gididiyeemmoch degit.

2. Shaacciibeetina'owaane, kochiibeetina'owaane aabich boono qelloon boono quyeemmogaata arichiibit (shaahiyoo: kunaano, gattoo,...dab).
3. Kuppiibeetina'onaa biyyoon beshiibeetina'оче nallefeena'o boonoshin aabichi quyo boono hakkiyeemmogaata ihaatiyoo (shaahiyoo: maxi, gooppiyee shunnee, dingero, yingi maxo....dab).

Shuunee Bekkiyoo 41 – Diqqoona Shaggiibeeti Hayibooche Bi Qelloon Quyo

Nallefeena'o qaaqqee hayiboochen, elektriikee hayiboochen, aachi hayiboochen boono qelle quyoon ariyooch dabbimmi gommona dojjibit.

1. Nallefeena'o diqqoona shaggibeeti hayibeena'o ameena'o gaata, aabich boono qelloon quyo boono hakkiyeemmogaata shiitina'on echeyee kuchi maac boono giddiyemmo tuniibit.
2. Nallefeena'och qaaqqoona kaayo diqqoona shaggibeeti hayiboon dewiibeeto tunetooch boono kaayaacheemmoch boyebit.
3. Huceti elektriikee shiboo diqqoona shaggibeeti hayiboon deewiibeeto tunoon nallefeena'och kupphi archiibit.
4. Aacona kaayo diqqoona shaggibeeti hayiboon deewiibeeto tunoon xiishiyooch nallefeena'on kuchi maac ihaatiibit. Ebiyee gubb wotta toocoon imichi ebiye aaf shaggiti hayibeena'o beegaata nallefeena'och getit.

Shuunee Bekkiyoo 42 – Woraqatoche Baribare Qecaaqeeceena'on Qannayoo

Nallefeena'o kishee shuunoon kupphiyoch woraqatoche baribare shaahee qecaaqeeceena'on qannayon boono digeneemmoch hiniyee desh koteti gommona dojjibit.

1. Woraqaato, gachee ejjo woyee baribare woraqate yeshiyoch gaaccimmi mooyina'on, maqaso woyee appoonaa kiiree qiicon qannayoo.
2. Woraqaton kiirona kuxo.
3. Kiira kucheti woraqaton gengee shaahoona qodo, ikke gengoon bare gengoon yeshiyoo.
4. Itti shuunooche nallefeena'o ciinniti gommona woraqate qecaaqeeceena'on boono qannayeemmo tuniibit.



Shuunee Bekkiyoo 43 – Qiiceena’o Dane Xaa’oon Baribariyoo






Kuchi maac beeti qiiceena’on nallefeena’o tate xaa’ooch kotichi qiiceena’o beeti xaa’oon boono baribariyeemmo hiniyee desh beeti gommon dabbibit.

1. Kuchi maac beeti qiiceena’on tachi kotiyoo.
2. Eb qiiceena’o itti neexeeti xaa’ooche aaf, gubb, yoocha, qanna...dab geti nallefeena’och biriibit.
3. Itti beekiiti gommona nallefeena’o qiiceena’o beeti xaa’oon beekiyeemmo tuniibit.
4. Ciirocha ikke qiico bare qiicoche bi beeti xaa’oon nallefeena’o baribariyee boono gettemmo tuniibit.

Shuunee Bekkiyoo 44 – Barittinon Qaawoonaa Shaahiyoona

Shaaheena’o tuneetaan ikki ikke barittinon yechiti shicheena’on gaachoonaa nallefeena’o shappiton woyee bariton boono beekiyeemmo hiniyee desh koteti shicheena’on shaahimmina’on gaachoonaa dojjibit.





Shuunee Bekkiyoo 45 – Heeyooch Shuuneebeeti Shuuneena’o

Heechi gooreena’onaa heeyochi nallefeena’o shuuneebeeti shuuneena’on boono bekkiyeemmoch dabbimmi gommona nallefena’on dojjibit.

1. Maadda, aredda, xumoonaa yaa’oonooch shuuneemmi shuuneena’on shichoona bekkibe nallefeena’on ihaatiibit.
2. Heeyoch doyyee kexoocha wooyee magena amoon boono shuuneebeetogaata nallefeena’on echebit.
3. Shichoon shichiyee shichoo bekkibeeti shuunoona boono xibiyeemmoch tuniibit.
4. Areddoon bekkimmi gengoon halli arooch burtukuanee qaxeroon huuti heechi gooreena’oche aabin bi shaahibeetogaata nallefeena’on echebit.
5. Xumoon bekkimmi gengee qaton halli arooch aa’i qaxeroon huuti bi guudooch xojjeenoon shichichi heechi gooreena’oche aabin bi shaahibeetogaata nallefeena’on echebit.
6. Gooree malleteena’onaa eb goorooch shuuneemmi shuuneena’o shichoon nallefeena’o xibiyeemmoch kuchi shuunoona tophiyee herechoonon imbit.

26^{ne} Shabaattoo

Shuunee Bekkiyoo 46 – Bi Toommooch Shaggiti Mooyon Geto

Nallefeena’o boono toommooch shaggiti imirikkimmi, ayinikkimmi, keqqichimmi, worganiimmi batteyaani moyina’on wooyee shuuneena’on boono gettemmoch tuniibit. Ebicho dabbimmi gommona gididiibit.

1. Nallefeena’o doyyee kechi daggon boono qayeemmo tuniibit. Eb goorooch doyyee kechi maac beet mooyina’on boono shalligiyeemmoch degit.
2. Dabbimmi decooba yiich amooch hametone? amoon ciinnetone? geti echeyee nallefeena’o biriyemmo tuniibit.
3. Aree hillooch ubbe nallefeena’o boono kexooch, doyyee kexooch, kitaamitooch boono shalligibeeti imirikkimmi, ayinikkimmi, keqqichimmi wooyee worganimmi mooyina’on boono gididiyeemmo tuniibit.

27^{ne} Shabaattoo

Shuunee Bekkiyoo 47 – Shabaattee Aabeena'o

Shabaattee aabeena'on nallefeena'o baribariyeemmooh dabbimmi gommona giddibit.

1. Shabaattee aabeena'on yechiti deci madoon qannayoo (shaahiyoo: T – Tachayoo, T-Takkayoo,, O – oogshanbeto).
2. Eb deci madoon bekkeemmi xaa'och ka'ichi nallefeena'och biriibit.
3. Shabaattee aabeena'on nallefeena'och xishiichi shabaattee 1ne aabo – Tachayoo, 2ne aabo – Takkayoo,dab geti biriibit.
4. Shabaattoo 7 aabeena'o yechito tunemmoona 5 aabeena'o shuunee decina'one, 2 aabeena'o kashe decina'one geti nallefeena'och toocoo imbit.

Shuunee Bekkiyoo 48 – Daadde Becheena'on Shiimo

Daadde becheena'on nallefeena'o bechi shiimee bekkiyeemmooh dabbimmi yawoona giddiibit.

1. Daadde becheena'ochi yaroonaa bechee qiiceena'on qannayoo.
2. Bechee showoon qannayoo.
3. Aabicha becheebeetogaata bekkiyoona ubbe nallefeena'o bechiyeemmooh tuniibit.
4. Dabbiyoona ubbe decooba nallefeena'o becheena'on boono shiimee yecheemmi shuuneena'on arichiibit.
5. Qemi qemoona becheena'o dicoon dabboona boono nuucheena'och boono bekkiyeemmooh kupphiibit.

28^{ne} Shabaattoo

Shuunee Bekkiyoo 49 – Maayo

Nallefeena'och ashittinooon uumiibeeti maayeena'on baribariyee boono gettemmooh hiniyee desh beeti gommona giddiibit.

1. Ashittinooon uumiibeeti maayeena'on qamini gommona nallefeena'och biriibit. Hiniyee desh koteti kooroon gaachebit.

2. Ashittinon uumiibeeti maayeena'ona yesheti echoon nallefeena'och giddibit. Ubbe nallefeena'o echeena'on wochiyemmoch tuniibit.

Ashittinee uumiyee maayeena'o

Ashittinon uumiimmi tate maayo iiwee beemooch gaaciyee. No ahee qeppoon tato tuniyooch, no ashittinon uumiyooch degoon immiyeete. Kaarboohayidreeto ashittinon qeechooch, prootiino achoolaa no ahee shaawushoon uumiyooch woyee kuphiyooch deggiye. Awuyittinon yechiti maayeena'o vaayitaaminoonaa maa'idineena'o ashittinee iiwittinooch gaaciiibeeti maayeena'one. Ebich maayeena'o achoolch boono immiibeeti gaacoona keeje beera qooddeheete. Eboshiyoo giidoonaa qeeconon immiibeetina'o, ashittinon aaribeetina'onaa biiyoon wushibeetina'one.

Giidoonaa qeeconon immiibeetina'o

Wocooch, shuunooch, doyooch qaawiibeeti giidoon immiibeeti maayeena'o kica giidoonaa qeeconon immiibeetina'o getteheete. Eboshiyoo: baarooche, teepphooche, eeyooche, qefooche,...dab danebeetina'one.

Aashittinon aaribeetina'o

Achoon uumiibeeti maayeena'o no dicceemmoch, no ashittinoo oogeemmoch gaaciiibeeti maayeena'one. Eboshiyoo meeno, gabexoo, aatoo,...dab tuneheete.

Biiyoon wushiibeeti maayeena'o

Biyoon wushiibeeti maayeena'o no ahee shaawushoo, gasho, ache gooqqa iiweemmoch gaaciyee. Eb maayeena'o shaanooche, buqqooche, muuzooche, papayooche,dab daneheete.

29^{ne} Shabaattoo

Shuunee Bekkiyoo 50 – Nallefeena'o Shuuneena'on Kicoo

Nallefeena'o meeti goorooch boono shuuneeti shuuneena'on kici ikke shichee kooricoon boono qannayeemmoch degoon imoch hiniyee desh koteti yawoon dabbbibit.

1. Nallefeena'o baribare goorooch boono shichiton, kooriton, kuxi xejjiton kicoo.
2. Ubbee nallefeena'ochi shuuneena'on ikke doosooch kici cuyo.
3. Kicaa cucheti nallefeena'ochi portifooliyoon boono nuucheena'ona shaddeeyee boono ciinneemmoch tuniyoo.

4. Ciirocha eb shuuneena'on yechiti portifooliyoon ikke xaa'ooch kici kotiyoo.

Shuunee Bekkiyoo 51 – Decon Haddoo

Dukkeeti nati deci haddee kaalaanderoon gididi'ii agenoona deconon baribari'ii kichon nallefeena'o uumiyeemmoch dabbimmi gommona degit.

1. Nati 13 ageneena'on hamaa dabboona boono bariyeemmoch tuniibit.
2. Ikke agenooch ambiche decina'o beetogaata nallefeena'och biriibit.
3. Dukkeeti nati deci haddee kaalaanderoon gididiyee agenoona deconon baribari boono bekkiyeemmoch tuniibit.

30^{ne} Shabaattoo

Shuunee Bekkiyoo 52 – Mami Goorooch Quyeya Beddimmi Iiwee Sheereena'o

Nallefeena'o iiwee sheereena'on (maamooye aaf kishee macho, maayi qiicee mayo...dab) shuunee boono herecheemmoch dabbimmi gommona nallefeena'on degit.

1. Aaconaa saamunoon qannayoo.
2. Nallefeena'on kuchi maach kicho.
3. Itti kishon aaconaa saamunoon gaachoon mache bekkiibit.
4. Batti batt machooch mashaamimmi nallefoo mache bekkiyeemmoch tuniibit. Aree hillooch kaalli kaalloona ubbe nallefeena'o kishee machoon herecheemmoch degit.
5. Ciirocha nallefeena'o maamooye aaf tuneba maamooye gubb kishoon aaconaa saamunoon macho, boono maayi qiiceena'on mamoyee aaf tuneba gubb machii kotiyoo iiwee sheeroo tunoon xiishiyee nallefeena'o herechona toocit.

'O' Kime Doyee Prograamo



Kooricoo 4: Ariyee Shuuno



Kichoo Hee'o

Ariyee Shuunoo 1 – Shicheena'on Xejjoo	105
Ariyee Shuunoo 2 – Shicheena'on Yeshiyoo	105
Ariyee Shuunoo 3 – Shicheena'on Huuto	107
Ariyee Shuunoo 4 – Achee Qeppee Shicheena'on Huuto	108
Ariyee Shuunoo 5 – Kechi Gijjeena'ochi Shicheena'on Huuto	109
Ariyee Shuunoo 6 – Kechi Shuunoon Bekkimmi Shicheena'och Qaxeree Huuto.....	111
Ariyee Shuunoo 7 – Kubbi Cooxina'o Shichoon Qaxeree Huuto	112
Ariyee Shuunoo 8 – Bari bare Bechee Shicheena'on Qaxeree Huuto.....	113
Ariyee Shuunoo 9 – Kechi Gijjeena'onchi shaahon Dengoche Shuunoo.....	114
Ariyee Shuunoo 10 – Teppeena'on Gaachoon Bireena'on Kooroo.....	115
Ariyee Shuunoo 11 – Qeceena'ochi Shaahon Dengoche Halloo.....	116
Ariyee Shuunoo 12 – Woraqaton Kuxo	116
Ariyee Shuunoo 13 – Dengoche Bireena'on Halloo.....	116
Ariyee Shuunoo 14 – Qecaaqeeceena'on Kuxxi Yeshiyoo	117
Ariyee Shuunoo 15 – Tangraamoon Kechi Qiiceena'on Yeshiyoo.....	117
Ariyee Shuunoo 16 – Doosooche Qecaaqeeceena'on Shuuno.....	118
Ariyee Shuunoo 17 – Bireena'on Kuxxi Yeshiyoo.....	118
Ariyee Shuunoo 18 – Joometri Qeshaaheena'on Shuunoo	119
Ariyee Shuunoo 19 – Haddeena'ona Shichoo Shuuno	119
Ariyee Shuunoo 20 –Iicceenaa bi bushiisheena'ona	120
Ariyee Shuunoo 21 – Bechee Dicci Kiino	121

Gimo

Ariyee shuunee gooroo nallefeena'o bar bare qeceena'on qeci, shicheena'on shichii, Ariyee shuunee gooroo nallefeena'o bari bare qeceena'on qeci, shicheena'on shichii, qaxereena'on huuti, moodeleena'on shuunee boono bekkiyeemi gooroone. Ebiyoo nallefeena'o halli shuunoon uumiyooch qannitone.

Hini kooricee dagg bari bare ariyee shuunee uumiyee yaweena'o kotetete. Eb yaweena'o dojjechina'och timo tuniyooch kotetina'o tunetoch hini koricee maac beetina'oyee bare ariyee shuunee uumiyee yaweena'on dojjecho gaacho hakkiyee.

3^{ne} Shabaattoo

Ariyee Shuunoo 1 – Shicheena'on Xejjoo

Shicheena'on xejjoon nallefeena'o shuuneemmoch dabbimmi gommon gaachebit.

- Bari bare shicheena'on bari bare xaa'ooche kici woyee kuxi deewii qannayoo.
- Nallefeena'o boono guuphoona shicheena'on kechi duuhooch xejjiyeemmoch degit.

4^{ne} Shabaattoo





Ariyee Shuunoo 2 – Shicheena'on Yeshiyoo

Nallefeena'ochi shicheena'on yeshiyee ariyoon boono uumiyooch hiniyee desh koteti hamaa dabbon ciiniyee dojjibit.

- Bari bare shicheena'on bari bare xaa'ooche kici woyee kuxi deewi qannayoo.
- Eb kuxa kiceeti shicheena'on battibat nallefeena'och bekkiiyoo.
- Dabbiyoona nallefeena'o eb kiceeti shicheena'on tate qeconoona boono yeshiyemmoch dego.
- Kaate yeshiti guupho beshoo tunehe woyee wojjeehe.


Shaahiyoo:

Hiniyee desh beeti guttee shicheena'o daggoon kuxo hakkeehe. Nallefeena'o beemi qoconoona yesheti woyee nallefeena'o ariibeeti shichoon giddi'i dojjoo hakkeehe.



Ariyee Shuunoo 3 – Shicheena'on Huuto


Nallefeena'o shicheena'on huuton boono ariyeemoch hiniyee desh kotet shicheena'on boono herecheemoch tuniibit. Eb shicheena'o huuton herechiichi bari bare kexina'ochi shichoon imi boono huuttemoch tuniibit.




5^{ne} Shabaattoo

Ariyee Shuunoo 4 – Achee Qeppee Shicheena'on Huuto

Nallefeena'o achee qeppee shicheena'on boono huuti bekkiyeemmoch tuniibit. Sha. Dabbimmi achee qeppeena'on nallefeena'o huuttemmoch tuniibit.




Aafo




Eciyoo



Kishoo



Muddoo




Waamo

9^{ne} Shabaattoo

Ariyee Shuunoo 5 – Kechi Gijjeena’ochi Shicheena’on Huuto

Nallefeena’o kechi gijjeena’o shichooch bari bare qaxereena’on huuttemmoch tuniibit. Shaahiyooch hiniyee desh koteton ciiniyee nallefeena’o herecheemmoch tuniibit.




Kunaanoo




Kulaaroo




Baakkee




Miimi




Kuro



Hareshoo



Bago



Emmisho

10^{ne} Shabaattoo

Ariyee Shuunoo 6 – Kechi Shuunoon Bekkimmi Shicheena'och Qaxeree Huuto

Nallefeena'o boono kechi asheena'o shuunoon bekkimmi shicheena'och qaxero huuti boono bekkiyemmoch hiniyee desh beeti dojee hamaa dabboon gaachoonna nallefeena'on herechiibit.



Nihoo



Indee







Manoo




Manee


Ariyee Shuunoo 7 – Kubbi Cooxina'o Shichoon Qaxeree Huuto

Nallefeena'o Bari bare gijjeena'ochi shicheena'on qaxeroo huuti bekkiyeemmoch dabbimmi shichoon gaachoon herechiibit.


	
Daaheroo Daaheroo	Dangiyo
	
Maahoo	Qaccemmoo




Sheexxo



Qeccine



Gallee




Awuraariso

11^{ne} Shabaattoo

Ariyee Shuunoo 8 – Bari bare Bechee Shicheena'on Qaxeree Huuto

Nallefeena'o bari bare bechee shicheena'on qaxeroo huuti boono bekkiyeemmoch dabbimmi shichoon gaachoon herechiibit. Nallefeena'o becheena'ochi tuppoon, waamon, bungoon, aafoon bari bare shaaheechi qaxereena'on boono huuttemmoch tuniibit.



Ariyee Shuunoo 9 – Kechi Gijjeena'onchi shaahon Dengoche Shuunoo

Nallefeena'o dengoona gaachoonaa ikke kechi gijjeena'o shaahon qeci boono shuuneemmoch herechiibit. Eb shuunooyich hiniye desh koteti hamaa dabbon gaachebit.

- Kitaamitooch beeti dengoche qecee shuunooch tuno hakkimmon bari'i qannayoo.
- Dengoche kechi gijjee shaahon qeci shuunee nallefeena'och bekkiiyoo.
- Nallefeena'o boono shunnibeeti kechi gijjee shaahon dengoona boono shuuneemmoch tuniibit.
- Ciiroocha eb boono shuuneti kechi gijjee shaahon kuchi maac beeti boono nuucheena'och boono bekkiyeemmoch mallo imbit.

13^{ne} Shabaattoo

Ariyee Shuunoo 10 – Teppeena'on Gaachoona Bireena'on Kooroo

- Hiniyee desh koteti gommona nallefeena'o teppeena'on gaachoona bireena'on koriyeemmooh, baribariyeemmooh degit. Dabbimmi shaahiyooh gaachebit.

A



B



C



D



Ariyee Shuunoo 11 – Qeceena'ochi Shaahon Dengoche Halloo

Neecheti dengon nallefeena'och giddiyoona boono qaawiimmi kechi qiiceena'on boono wochi wochi shuuneemmo tuniibit. Bi gaacoono boono getteemmoch degit. Hiniyee desh icheti shuuniyee yawoon gaacho hakkiihit.

1. Neecheti dengon giddiyoo.
2. Neecheti dengon nallefeena'och qoodoo.
3. Ikke kechi qiicoon nallefeena'och shuunee bekkiiyoo.
4. Nallefeena'o boono ciinniti gommona boono qaawimmi kechi qiiccoon shuunee boono bekkiyeemmoch tuniibit. Herechiichi eb boono shuuneti qiice gaacoon boono getteemmoch kupphiibit.
5. Ciirocha eb boono shuuneti kechi qiiceena'o shaahon kuchi maac beeti boono nuucheena'och boono bekkiyeemmoch mallo imbit.

15^{ne} Shabaattoo

Ariyee Shuunoo 12 – Woraqaton Kuxo

Bar bare qaxerechi woraqateena'on nallefeena'och qoodichi eb woraqateena'on kuxi nacce woraqatee toommooch boono xejjiyeemmoch tuniibit. Eb shuunooch dabbimmi hamaa dabbon quyeyesh giddibit.

1. Qaxerechi woraqaton, nacce woraqatoonaa maqaasoonon qannayoo.
2. Eb qiiceena'on nallefeena'och qoodibit.
3. Qaxerechi woraqaton maqasoona kuxi nacce woraqate toommooch xejji nallefeena'och bekkiiibit.
4. Itti bekkiti gommoona nallefeena'on qaxerechi woraqaton maqasoona kuxi nacce woraqatee toommooch xejji boono bekkiyeemmoch herechiibit.

Ariyee Shuunoo 13 – Dengoche Bireena'on Halloo

Neecheti dengoona gaachoon nallefeena'o bireena'on halliyeemmoch tuniibit. Hiniyee desh icheti shuuniyee yawon gaacho hakkiihit.


1. Neecheti dengon giddiyoo.
2. Neecheti dengon nallefeena'och qoodoo.

3. Dengochen ikke biroon nallefeena'och shuunee bekkiibit.
4. Nallefeena'o boono ciinniti gommona bireena'on shuunee boono bekkiyeemmoch tuniibit.
5. Ciirocha eb boono shuuneti bireena'on kuchi maac beeti boono nuucheena'och boono bekkiyeemmoch mallo imbit.

Ariyee Shuunoo 14 – Qecaaqecceena'on Kuxxi Yeshiyoo

Bar bare qecaaqecceena'on kaartoone toomooch shuuneechi eb shichoon kiiron dabi'i kuxoona kuchetina'on wochi boono yeshiyeemmoch hiniyee desh beeti hamaa dabbona giddibit.

1. Kartoonoonaa maqasoonon giddiyoo.
2. Hiniye desh koteti shaahiyoomon kaartoonooche bari bare qiiccena'on shuunee bekkiiyoo. Aree hillooch eb qecaa qecceena'o kiiron quye'i kaartoonon kuxo.
3. Dabbiyoona kucheti qecaaqecceena'on nallefeena'och yeshiyesh bekkiibit.
4. Nallefeena'o boono ciinniit gommoona shuunee boono bekkiyeemmoch tuniibit.
5. Nallefeena'o boono shuuneti qecaaqecceena'on kuchi maac boono nuucheena'och biriyeemmoch degit woyee kuphiibit.




Ariyee Shuunoo 15 – Tangraamoona Kechi Qiiceena'on Yeshiyoo

Nallefeena'o tangraamon gaachoona kechi qiiceena'on boono yeshiyeemmoch degit. Eb doyoon dabbimi gommona giddibit.

1. Tangraame kuxaakuxon qannayoo.
2. Eb kuxaakuxon nallefeena'och qoodoo.
3. Desh shaahiyoona bekketoommon tangraame kuxaakuxooche bari bare qecceena'on nallefeena'och shuunee bekkiibit.

4. Nallefeena'o boono ciinniit gommoona boono shunniti qeceena'on shuuneemmoch tuniibit.
5. Nallefeena'o boono shuuneti qeceena'on kuchi maac boono nuucheena'och bekkiyeemmoch kupphiibit.



17^{ne} Shabaattoo

Ariyee Shuunoo 16 – Doosooche Qeaaqeeceena'on Shuuno

Doosoonaa woraqaton yeshiyemmi mooyina'on (sha. Meelle ejjoon, koolloon, ...dab) gaachoonaa kucheti woraqateena'on doosee toomooch xejji'i qeaaqeeceena'on shuuniiyoch hiniye desh koteti gommoona nallefeena'on herechiibit.

1. Doosoonaa woraqaate yeshiyooch gaaccimmi mooyoon qannayoo.
2. Tookk y.h 1ch koteti qiiceena'on nallefeena'och shakkiibit.
3. Tookk koteti qiiceena'on gaachoonaa kucheti woraqaaton woyee qeaaqeeceena'on doosee toomooch xejjiyesh nallefeena'och bekkiibit.
4. Eb itti bekkiti gommona nallefeena'o shuunoon herecheemmoch tuniibit.
5. Nallefeena'o boono shuuneti qeaaqeeceena'on kuchi maac boono nuucheena'och bekkiyeemmoch kupphiibit.

18^{ne} Shabaattoo

Ariyee Shuunoo 17 – Bireena'on Kuxxi Yeshiyoo

Kaarddee toommooch kooreeti bireena'on kuxxichi yeshi'i qamini miheena'on nallefeena'o halliyeemmoch dabbimmi gommona degit.

1. Kaarddee toommooch kooreeti bireena'on, maqaasoonaa yeshiyee mooyina'o (sha. Meele ejjoon, kolloon, ...dab) qannayoo.

2. Eb took y.h 1ch koteti mooyina'on nallefeena'och gididiibit.
3. Tookk koteti qiiceena'on gaachoonaa bireena'on kuxi yeshiyesh qamini miheena'on halli nallefeena'och bekkiibit.
4. Eb itti bekkiiti gommoonaa nallefeena'o bireena'on kuxi yeshiyesh qamini miheena'on halli boono bekkiyeemmooh tuniibit. Shuunee gommono herechiibit

27^{ne} Shabaattoo

Ariyee Shuunoo 18 – Joomeetri Qeshaaheena'on Shuunoo

Woraqaton qoodi'i kuxona bari bare joomeetri qeshaaheena'o shuunoonaa joomeetri inde shalligoon nallefeena'o uumiyeemmooh degit.

1. Joomeetri shichee qiiceena'on (woraqato, kiiroo, maqasoo, koppoo,dab) qannayoo.
2. Woraqaaton gaachoonaa joomeetri qeshaaqeceena'on qoodi'i kuxona nallefeena'och shuunee bekkiibit. Shaahiyooh: Gengoo, Shuutkeemmo, shuutawuuddoo, ...dab.
3. Eb itti bekkiiti gommonaa nallefeena'o joomeetri qeshaaheena'o qoodi'i kuxona boono shuunee bekkiyeemmooh tuniibit.

30^{ne} Shabaattoo

Ariyee Shuunoo 19 – Haddeena'ona Shichoo Shuuno


Haddeena'on gaachoonaa shichoon nallefeena'o shuunee bekkiyeemmooh dabbimmi gommonaa nallefeena'on yaabibit.

1. Ubbe nallefeena'o '3'naa '8'n oogiichi boono koomadooch kooriyeemmooh tuniibit.
2. '3'n gaachoonaa ashi waamoon, '8'n gaachoonaa kulaaroon nallefeena'o shuunee bekkiibit degit.
3. Nallefeena'o eb shicheena'on wochi wochi boono shuunee bekkiibit tuniibit.
4. Nallefeena'o boono shichee toommooch qaxeroon boono huuttemmooh kuphiibit.
5. Ciirocha nallefeena'o boono kitaamitoocha boono ciinnimmi mooyina'on shichoonaa woyee qeaaqecoona boono kotiyeemmooh kuphiibit.
6. Nallefeena'o amoommi gooroochoona boono shalligoon shichoonaa boono bekkiyeemmooh degit.

31^{ne} Shabaattoo


Ariyee Shuunoo 20 –licceenaa bi bushiisheena'ona

Dabbimmi shirtee (6) shicheena'on nallefeena'och shakkiichi eb shicheena'on boono huuttemmo tuniibit. Dabbiyoona eb shichooche tochoon woyee kiinon boono gettemmoch degit.



Ariyee Shuunoo 21 – Bechee Dicci Kiino

Dabbimmi bechee dicci kiinooon nallefeena'och imona qaxeroon boono huuttemmoch tuniibit. Aree hillooch bechee dicci kiinooon boono gettemmoch tuniibit.



'O' Kime Doyee Prograamo



Kooricoo 5: Kuchi Maaci Kaayo



Kichoo Hee 'o

Kuchi Maaci Kaayo 1 - Amo Ittoshich Waayeete?	127
Kuchi Maaci Kaayo 2 : Loottee Kaayo.....	127
Kuchi Maaci Kaayo 3 - Bar bare Asheena'o Qaaroo.....	128
Kuchi Maaci Kaayo 4 - Gofiyee Kaayo	128
Kuchi Maaci Kaayo 5 - Guuphina'on Goomiyoo.....	129
Kuchi Maaci Kaayo 6 - Miixeeiti Asheena'on Dego	130
Kuchi Maaci Kaayo 7 - Kechi Asheena'ochi Heeno.	131
Kuchi Maaci Kaayo 8 - Gabiyee Kaayo	131
Kuchi Maaci Kaayo 9 - Bireena'och Woxo	132
Kuchi Maaci Kaayo 10 - Qiicee Haddee kiireena'o	133
Kuchi Maaci Kaayo 11 - Biree Capphi Kaayo	134
Kuchi Maaci Kaayo 12 - Dominoona Haddeena'on Yeshiyoo.....	134
Kuchi Maaci Kaayo 13 - Qeceeena'onaa Qaxereena'on Xibiyoo	135
Kuchi Maaci Kaayo 13 - Bireena'on Qaawi Dano	135
Kuchi Maaci Kaayo 14 - Qeceeena'on Tate Xaa'ooch Kotiyoo	136
Kuchi Maaci Kaayo 15 - Keemee Sandiiqo.....	137
Kuchi Maaci Kaayo 16 - No Kitaamiton Uumiibon.....	138
Kuchi Maaci Kaayo 17 - Ashi Halloo.....	139
Kuchi Maaci Kaayo 18 - Showee Ama Iyaane?	139
Kuchi Maaci Kaayo 19 - Ta Shigooch Beeti Bireena'o.....	140
Kuchi Maaci Kaayo 20 - Yaferee Kaayo	141
Kuchi Maaci Kaayo 21 - Ta Yaferoon Dabbibot.....	141
Kuchi Maaci Kaayo 22 - Keye Gommon Qaawoo	142
Kuchi Maaci Kaayo 23 - Bireena'on Yeshiyee Kaayo	143
Kuchi Maaci Kaayo 24 - Michi Aafeena'ochi Baccoo	144
Kuchi Maaci Kaayo 25 - Bulliyona "Takayoon" Shunniyeete	145
Kuchi Maaci Kaayo 26 – Toch - asheena'on Keroona Kaayo	146

Gimo

Hin koorico kimee daggoochi gawaatooch hakkiimmi yaweena'ona kaayina'on yechite. Eb kimee daggeexi kaayo shabaattooch boono doyiimmi doyee ariyoon kupphiyoo baach tuniyaanoon inde dojee yawo tune'i gaacciye. Daakkoona kaayina'o guuphi guuphona gawaatiyeemmo tunetoch nallefeena'o guuphona doyoona shuunee ariyoon, shalligoon uumiyeemmo deggiye.

Ebich, dojjechina'o batti batt qelli qelloona kaachiyoona kaachi sheeroon nallefeena'on digeniyoo boonowaane quyeehe. Eb 'O' kimee dojjecho/chi kaayon tatoona kaayo bi immiibet gaacoon nallefeena'och arichiyoo, kaachi sheeroon bekkiyoo biwaanen quyeehe. Arooche kaachi goorooch katinoona dabboona qaawiimmi qoyiton imbit. Kaayina'o boono qelli qelli biriyoon yechitina'o tunetoch itti kaachiye goorooch kaachi biriyoon woyee hajjiyoon dabbiibit.

Hin koorico shuunee bekkiyee yaweena'on yechite. Eb yaweena'o dojjechina'och timo tune degeete getaa giddeetina'one. Ebich, dojjechina'o boono doyechi beemi qoconaa iiqqoonon yeshii'i bi hinni hinnoomona gaacho hakkeehe.

1^{ne} Shabaattoo



Kuchi Maaci Kaayo 1 - Amo Ittoshich Waayeete?

Nallefeena’o emiroonaa woriganoona boono baribariyeemmoch hiniyee desh giddeti hamaa daboon quyebit.

1. Kaachi amittinooon nallefeena’och biriyoo.
2. Nallefeena’o gengee qaton shuunoona boono aafon aa’i madoowaan wochi boono koteemmoch echo.
3. Bar bare boonoch waayeebeeti hinneena’on nallefeena’o getteemmoch echo. (Sha.: kaaro, ayinoo, shato, emiroo)
4. Hiniyee desh giddetina’on biriyoonaa shuunee bekkiiyoo.
 - Ashi toommooch shago hakkimmi hinneena’on shichoona bekkiiyoo. Shaahiyooch: emiroo, kaaro, ayinoo, shatoonaa shaaheena’o.
 - Bushiisheena’o shichee toommooch bekkeebeeti hinnoo amoon shaahiibeeto gaata boono qoppeemmoch tuniyoo.
5. Bullee nallefeena’o kaalli kaalloona ayinee, emiree, shuutoonaa shaaheena’on shaahiyoona bekkiiyeemmoch tuniibit.

Iihaatiyee echeena’o

- Kaayo aabichite?
- Kaayoochee amoon digenetote?
- Kaayon kaayoch am amoon halloo qaawiihe?
- Am amoone ittoshin emrikkiibeeto?



Kuchi Maaci Kaayo 2 : Loottee Kaayo

“Haddeena’on xibiyoon nallefeena’och kaayoona dojjooch hiniyee desh giddet loottee kaayi hamaa daboon quyebit .

1. Nallefeena’on 4che-6ch beddimmi guuphona kotiyoo
2. Lootteena’on guuphi guuphona qoodoo
3. Kuxaa kuxoonaa qanniti haddeena’on kiiraakiirooch beeti haddeena’ona xibiyoo

4. Nallefeena'oo boono beeggitoommon ceekkemmi haddeena'on ceegi xibiyoona boono bariyeemmoch tuniyoo

lihaatiyee echeena'oo

1. Kaayon shunnitote? Amooch?
2. Kaayon kaachiyooch am amoon halloo qaawiihe?

4^{ne} Shabaattoo



Kuchi Maaci Kaayo 3 - Bar bare Asheena'oo Qaaroo

Bar bare eeni daqqooch beeti asheena'och qaaroon bariyoo immi kaayon kaachiyooch hiniyee desh beeti hamaa dabboon quyebit .

1. Batti batti bar bare eeni daqqooch beeti asheena'och qaaroon waayiyoona boono bariyeemmoch echo. (Shaahiyooch: eeno xuqqito, Gurimaashoo, nallefoo, anaamo, maache)
2. Eboommon bar bare eeni daqqooch beeti asheena'on boono keriyemmoch tuniyoo
3. Nallefeena'oo boono keriti asheena'och qaaroon kaalli kaalloona boono elliyeemmoch tuniyoona bareena'oo ame eeni daqqe beeti ashi qaaroo gaata boono getteemmoch tuniyoo.

lihaatiyee echeena'oo

1. Kaayo aabichite? Amooch?
2. Kaayoochee amoon digenetote?
3. Kaayona beshi'i danooyich am amoon halloo qaawiihe?

7^{ne} Shabaattoo



Kuchi Maaci Kaayo 4 - Gofiyee Kaayo

Gofiyee kaayo immi kaayon kaachiyoch hiniyee desh beeti hamaa dabboon quyebit.

- Nallefeena'on 3che - 4 ch guuphona tuneyee boono koteemmoch tuniyoo,

- Gofiyooch gaacceemmi bar bare qiiceena'on shaahiyooch yesheemmi pilaasitikeena'on, ikkoo ikkoo toommooch koteemmi madelloo, cice gumbeena'onaa shaaheena'on guuphoch imo.
- Nallefeena'o guuphona tunoona bar bare gofiyeena'on boono shuuneemmoch tuniyoo.
- Boono shuuneton boono kuchi nuucheena'och bekkiyeemmoch tuniyoo.

lihaatiyee eecheena'o

1. Kaayo aabichite? Amooch ?
2. Kaayona beshii danooch amoon halloo qaawiihe?
- 3.

8^{ne} Shabaattoo



Kuchi Maaci Kaayo 5 - Guuphina'on Goomiyoo

Guuphina'on goomiyoo immi kaayon kaachiyooch hiniyee desh beeti hamaa dabbeena'on quyebit.

- Joomeetri qeshaaheena'on, qacena'on, michi aafeena'onaa shaaheena'on gutti gutte cice woderoon woyee yommon guuphona kotiyoonaa nallefeena'och qoodoo.
- Nallefeena'o boonoch icheti woderoon woyee yommon gaachoonaa gutte uxereena'on woyee guuphon boono shuunemmoch tuniyoo.
- Dabbiyoona gutte uxereena'och boono qaawiti meeti joomeetri qeshaahena'on qaceena'on, michi aafena'onaa shaaheena'on boono kotiyeemmoch tuniyoo.
- Arooche gutte boono shuuneti uxereena'on katinooch kotiyoonaa uxeree daggooch beeti haddiyeemmi mooyina'on boono haddiyeemmoch tuniyoo.
- Aroochee aabi uxeroo woddee haddiyeemmi mooyina'on bi yechitogaata, aabi uxeroo gisheche haddiyeemmi mooyina'on bi yechitogaata echebit.
- Aroochee aabi guupho beshoo, aabi gishecho gaata woyee tate tunoon boono ihaatiyeemmoch tuniyoo. Guuphina'on goomiyoonaa boono kuchi nuucheena'och boono getteemmoch kuphiibot.
- Nallefeena'o hin doyichoon wochi wochi shuunoona guuphina'on goomiyee shalligoon boono digeneemmoch tuniibit.

Ihaatiyee echeena'o

1. Kaayo aabichite?Amooch?
2. Kaayoochee amoon digenetote?
3. Kaayona beshii danooyich am amoon halloo qaawiihe?

9^{ne} Shabaattoo



Kuchi Maaci Kaayo 6 - Miixeeti Asheena'on Dego

Miixeeti asheena'on dego immi kaayon kaachiyoch hiniyee desh giddetina'on dabbibit.

1. Nallefeena'oochee ikkoo miixeeti asho tuniyoona shaahiyooch buricciqee tiisho kishoon maaccitoommon, maacoon biyetoommon tuneba...dab tuneyee boono shuuneemmoch tuniyoo.
2. Bare bi nuucheena'o gommon beshocha miixeetaa ciinnito shaahiyoona
 - batti battich katinona amoo boono tuneto gaata boono echemmoch
 - aree hillooch degoon boono immeemmoch tuniyoo
3. Qaawiigaata boono shiitina'och boono getteemmoch tuniyoo

Miixeeti nallefeena'ochi shiitina'o boono bushiishoon deggeemmoch tunii'i giddiyoo.

Ihaatiyee echeena'o

1. Kaayo aabichite?Amooch?
2. Kaayoochee amoon digenetote?
3. Kaayona beshii danooyich am amoon halloo qaawiihe?

11^{ne} Shabaattoo



Kuchi Maaci Kaayo 7 - Kechi Asheena'ochi Heeno.

Kechi asheena'och heeno immi kaayon kaachiyoch hiniyee desh giddeti hamaa dabboon quyebit.

1. Nallefeena'on guuphi guuphona tunoona bar bare kechi asheena'och shuunoommona qoodiibit. (Sha.: Indee, nihoo, bushiisheena'o, ...dab)
2. Boono yechit kechi ashee shuunoommona shaahiyee kaayona herechibit.
3. Boono herechetoommon boono kuchi nuucheena'och kechi asheena'och shuunoommona shaahii'i kaayona boono bekkiyeemmoch tuniyoo.

Iihaatiyee echeena'o

1. Kaayo aabichite?Amooch?
2. Kaayoochee amoon digenetote?
3. Kaayona beshii danooyich am amoon halloo qaawiihe?



Kuchi Maaci Kaayo 8 - Gabiyee Kaayo

Gabiyee kaayo immi kaayon kaachiyooch hiniyee desh giddeti hamaa daboon gaachebit.

1. Nallefeena'on guuphi guuphona kemmechina'onaa kemechina'o getona gutta qoodoo.
2. Kemmechina'ochoo tuneba kemechina'och bar bare birwee noottoon imo.
3. Kemmechina'o bar bare shaahie qiiceena'on yeshi boono giddeemmoch tuniyoo.
(shaahiyooch: Koppoo, Feennoo, Kibriite kexo, bar bare shaahie becheena'ochi waamon, Qaconaa eboomina'on)
4. Nallefeena'o boono qaawimmi qiicee shaahieena'on eche boono kemeemmoch tuniyoo.

Iihaatiyee echeena'o

1. Kaayo aabichite?Amooch?
2. Kaayoochee amoon digenetote?
3. Kaayona beshii danooyich am amoon halloo qaawiihe?

14^{ne} Shabaattoo



Kuchi Maaci Kaayo 9 - Bireena'och Woxo

“Bireena'och woxo” immi kaayon kaachiyooch hiniyee desh giddeti hamaa dabboon quyebit.

1. “Ciinot “ ikke shaatee woxo taach beete. Itto daggoochee ambicheena'one woxoona itteto. Eb bire woxoone. And woxoon shuurikkiyeemmo/i taane. Arooche ta aafoon shishinneechi ikke biroon tiijjiyeemmo/i taane. Ekee ittoshiyoo woxoon shurikkibeeto shaahibot. Aroochee woxoon napphebot. Maccaafitoon woxooch geddeemmo shaahibot. Dabbiyoona itti woxoochee bire kaaridoon kichoona (filaashoon) kishoona yeshit.
2. Kaardooch ami shaahee biro beeto gaata nallefeena'on echebit. Dabbiyoona nallefeena'o biroon ariyeemmo are biroona kotteemmi mihoon kone getteemmo? geti echebit.
3. Nallefeena'o shaahee bireena'ona kotteemmone getona boono shalligiti miheena'on ceegeeta. Itti wotta eb bireena'on aa'i madooch kooroona bireena'owaan malletebit. Nallefeena'o iriteegaata bar bare shaaiyeena'on imona degit.
4. Nallefeena'o boono beeggitoomon kaalli kaalloona shaatooch beeti bare bireena'on tiijjiyeete.
5. Nallefeena'o dooyee kuchi daggooch boono guuddeemmo tuniyoona boono tiijjiti bireena'ona kottimmi shigechi qiiceena'on qaawi boono daneemmo tuniibit.
6. Nallefeena'o biroon doyoo boono kottimmona “mihee woxoon” qannayibeeta dooyee kuchi daggooch beeti doyechina'och shigoon gaacho hakkeehe.

Iihaatiyee echeena'o

Nallefeena'on bire woxee kaayon kaachiyoona bar bare bire shaaheena'on bar bariyoo. Arooche bireena'on kotteemmi miheena'o boono ceeggommch tuniibit.



Kuchi Maaci Kaayo 10 - Qiicee Haddee kiireena'o

Qiicee haddee kiireena'o immi kaayon kaachiyoon nallefeena'o bar bare qiiceena'on shaahi shaahoon kotiyoon boono herecheemmoch tuniibit.

Qiicee haddee kiireena'o immi kaayon kaachiyooch hiniyee desh beeti hamaa daboon quyebit.

Nallefeena'o kaardooch beeti haddoon shaahaa meeti qiiceena'on kicoona haddee kiiron shuunebit.

1. ikke kaayon kaacheemmo noone. Bi toommooch haddoon yechiti kaaridoo immeemmo/ immeemmi taane. Kaardoo bekkibeeti mooyina'och meetoomona qiiceena'on kicoo qaawiihe. Shaahiyooch kaardee toommooch ikke mooyo beegaata ikke qiiccoon, gutte mooyo beegaata gutte qiiccoon kiciyeemmo ittoshine. Xiishitote?
2. Haddee kaardeena'on nallefeena'och wochichi qiiceena'on boono kiciyeemmoch tuniyoo.
3. Ikke kaalloon ebin boono tunigaata kaardoonaa qiiceena'och haddee kiiron boono halliyeemmoch degit. Shiichiyeemmi kiiron aabine? Haddeena'o daggoochee bulliyee giishech aabine? Qiiceena'ooche giisheche haddechi qiiccoon kicito kone?
4. Ikke haddee kaardoon yechiti nallefeena'on aaf deewona ciiree yooche baddaa qiicee ga'ooch boono haddoon showooch kotiibeeta.
5. Dabbiyoon gutte qiiccoon boono kicitonaa boono kaardoon batti batti qiiceena'ooche qanne badd boono kotiyeemmoch tuniiba.
6. Ubbe kaardeena'o showeexi kiiree daggooch boono woyaahaa wochi wochi shuuniibit.
7. Kaardoonaa qiiceena'owaan malletebee nallefeena'on haddibit. Shaahiyooch haddee 1 kaardoowaan malletebee. Ikkoo getiti, aroochee nallefeena'o kiciti qiiceena'ooch malletebee qiicee shigoon ceegit. Arooche haddee kaardoo 2ch malletebee gutte qiiceena'ooch bekkibee gutte qiiceena'ochi shigoon ceegit.
8. Ebin itti tuniitoyee gubb, nallefeena'o qiiceena'on boono daneti xaa'ooch wochoona boono kotiyeemmonaa haddee kaardeena'on boono wochiyeemmoch echebit.

lihaatiyee echeena'o

Nallefeena'o boono kaardooch beet haddoomona kuchi maaci beeti qiiceena'on kicoona haddee kiiron boono shuuneemmoch echebit.



Kuchi Maaci Kaayo 11 - Biree Capphi Kaayo

“Capphi kaayo” immi kaayon kaachiyooch hiniyee desh giddeti hamaa quyebit. Nallefeena’o capphi kaayon kaayibee bireena’onaa bireena’ochi qaaroon ceegemmooh tuniibit.

1. Keejje 4 shuutechi xaraapheezone showee toommooch shichibit.
Ikkikke awudde shuutee daggooch ikke bireen kotiibit. Shaahiyooch,

A	B	C
---	---	---

2. Dabbiyoona kaachi bo’eenan nallefeena’och biriibit. And kaayon kaachemmo noone ittoshi caphhimmona time gashoochee ikke biroon caphhiyote. Ikkikke bireena’o toommooch itto caphhimmona men itto caphhiti biroon qaaro kichoona ceeggiyote.
3. Batt batt 4 shuutooch neexxi beekiyoona biree “A” iyote. Aree hilleexi 4 shuutooch caphhona biree “B”hin ceegona ciireexi biree “C”n ceegone.
4. Bullee nallefeena’ona eb kaayon qoodiyeemmooh tuniibit. Ebin halloo hakkiti nallefeena’on gaalleteechi muriccitina’on wochi boono herecheemmooh kuphiibit.

Iihaatiyee echeena’o

Nallefeena’on capphi kaayon kaachiyooch bireena’onaa bireena’och qaaroon ceegibee boono kaachemmooh echebit.

14^{ne} Shabaattoo



Kuchi Maaci Kaayo 12 - Dominoona Haddeena’on Yeshiyoo

Dominoon haddeena’on yeshiyoo immi kaayon kaachiyooch haddeena’o daggooch beeti xibittinooch boono digeneemmooh tuniibit.

Dojjechino, nallefeena’on 5 guuphona kotiyoona haddee domineena’on nallefeena’och boono xaraapheeze toommooch shakkiyoo. Aroochee kaachi yawoon beekiyoona dego. Ebichi hinnoona kaayibee bar bare shicheena’on boon beekiyeemmooh mallee imo.

Iihaatiyoo

Haddee doomineena’on kaachiyooch haddeena’on boono baribariyeemmooh echebit.

Tooco

Haddee doomineena'on kaachiyoon haddoon boono bariyoon xiishoo.



Kuchi Maaci Kaayo 13 - Qeceena'onaa Qaxereena'on Xibiyoo

“Qeceena'onaa qaxereena'on xibiyoo” immi kaayon kaachiyoon mooyina'o daggooch beeti xibittinoo boono digeneemmoch tuniyoo.

Qeceena'onaa qaxereena'on xibiyoo immi kaayoon kaachiyoch hiniyee desh giddeti hamaa dabboon dabibit.

Nallefeena'on shiritti shirittoo tuni guuphiyoon qelli qelli guuphina'och baribare qaxereech shaahe qeceena'on shakkibit. Arooche shaahe qaxereechi baribare qeaaqeeceena'on guuphina'och shakkibit. Ebiyee gubb

1. Shaahe qeceena'onaa qaxereena'on xibiyoo
2. Bar bare qeceena'o tunechii ikke shaahe qaxerechina'on xibiyoo.
3. Bar bare qaxereena'o tunebani ikke shaahe qechechina'on xibiyoo boono hakkiyeemmoch dego. Shiichii xibiyoo hakkiti bushoo topphiyoon beshitee getone.

Iihaatiyee echeena'o

Qeceena'onaa qaxereena'on xibiyoon kaayon kaachiyoon mooyina'o daggooch beeti xibittinoo echebit.

15^{ne} Shabaattoo



Kuchi Maaci Kaayo 13 - Bireena'on Qaawi Dano

Bireena'on qaawi dano immi kaayon kaachiyoon biree shaaheena'on boono bariyeemmoch tuniibit.

Eb kaayon kaachiyoch hiniyee desh beeti hamaadabboon quyebit. Nallefeena'o boono qelli qelloona biro beeti kaaridoo tiijjoo shaahe biroon yechit bare nallefoo beegaata yecheton qaawii danoona xibiibit.

- Kotoyee aaf qelli qelli bireena'och gutte kaaridtoon qannayoo.
- Qelli qelloona nallefeena'och ikke kaardoon imbit. (bireena'oyee beshiti nallefeena'o beegaata bede kaardoon daakkoona qannayoona boon qelli qelli kaardoo beeyeemmooh tuniibit.
- Nallefeena'o neexoona boono qelli qelloona ikke biroon yechitete. And kuchi daggooch guudona ittoshina shaahe bireena'on yechiti nallefeena'ona danebot. Shaahe kaardee beemon xiishooch kaardeena'on gaawichi ciinot. Itto nuuchoon itto danegaata genge guuddii koteti nallefeena'owaan wottoona ikkooch kotebot. Itto nuucheena'on amoommi shittoona itto danoo hakkiyeemo gaata xiishibot.
- Shiichi guuphoon shuunee daneti nallefeena'on galletoona 1no, 2no,3no,4no, 5no ,... dab waammi nallefeena'o shigoon getit. Bulle nallefeena'on galletebit. Nallefeena'o boono qelli qelloona baribare iiqqoona doyee niyee beemon shalligooch gedit.
- Guuphina'o boono qelloona kaardoon boono bekkiyeemmonaa boonoch beet biroon woyee dojjecho dojjit biree shigoon geto hakkiyeete.
- Kaardeena'on bacciichi wochiyee 15che-20ch daqiiqooch beddaahaa nallefeen'och niyoo beegaata kuxxaahit.

Iihaatiyee echeena'o

Bireena'on qaawi dano immi kaayoon kaachiyoon bireena'och shaahoon baribariyoon boono hakkoon echebit.

17^{ne} Shabaattoo



Kuchi Maaci Kaayo 14 - Qeceena'on Tate Xaa'ooch Kotiyoo

Bar bare pazileena'on yeshiyoon qecoon tate xaa'ooch kotiyee kaayon kaachiyoon xaa'oonaa oogishee barittinon boono herecheemmooh tuniyoo. Eb kaayon kaachiyooch hiniyee desh giddeeti hamaa dabboon quyebit.

1. Bar bare pazileena'on shaahiyooch: kullaaree shaahe qecoo, kunaanee shaahe qecoo, kechi shaahe qecoo, ...dab.
2. Pazileena'on yeshii bekkiiyoo.
3. Nallefeena'o boono beeggitoommon shuuneemmooh tuniyoo.

Iihaatiyee echeena'o

Am am shaahe pazileena'on ariihote?

18^{ne} Shabaattoo



Kuchi Maaci Kaayo 15 - Keemee Sandiiqo

Keemee sanduuq immi kaayon boono kaachemmoch tuniyoona boono ariimmi bireena'ona miheena'on boono halliyeemmoch degit. Eb kaayon kaachiyooch hiniyee desh giddeti hamaa dabboon gaachebit.

1. 6che-10ch beddimmi bar bare qiiceena'on qannayoona kici'i sanduuqooch woyee sanduuqee daggooch kotiyoo.
2. Nallefeena'on itti aafoochi gengoona woyee hamaa dabboona kotiyoo.
3. Keemee sanduuqe kaayon kaachemmo noonee getit. sanduuqe guudoona besheemmo noone. Ikke qaaro ta gettemmona keemee saanduuqooch eb qaaroona kottimmi shigechi mooyon daambot (Shaahiyooch qaaroona kottebeeti miheena'on qaawii kichii getone..) Keemee miho geto qaaroona ceega sanduuqooche ittoshi tijjiti mooyo tunoon shalligibit. Saanduuqooch 'bago' ta getigaata ittoshi 'baakkoo'n daamiyote. Shaahe qaaroona kottii beeti miheena'on qaawii kichoo getone.) Keemee miho 'bago'naa 'baakkoo'na tunehe getone.
4. Sanduuqoon batt batti bushoowaan beshiibit. Aroochee saanduuqee maac beet qiiceena'oochee ikkoona kotteemmi keemee mihoon ceegit.
5. Nallefeena'o itti ceeggeti mihoona kotteemmi qiiccoon boono daammemmoch echebit.
6. Tatoona boono qepphigaata galleteechi saanduuqee daggooch beeti qiiccoon bi keriyemmoch tuniibit. Aroochee bare nallefooch beshiibit. Tatoona qepphoo bi qayigaata qiicee shigoonaa qaaron wochi ceegit. Shaahe qaareena'o tunoon xiishibit. Nallefoo bare qaaron bi qepphiyeemmonaa qiice shigoona qaaron wochi bi ceeggemmoch tuniibit. Ebinoo nallefoo qiiccoon qepphiyaahaa wochi wochi bekkiibit.
7. Qiiceena'ochi woddittinooyee bushiishee meeto beshigaata ikke keemee mihoon (guttinnoonaa keejjinnoona shaahe goorooch qiiceena'on boono qepphiyeemmoch tuniibit) gaachebit.

Iihaatiyee echeena'o

Kaayoochee am am shaahee miheena'on halloon hakkitote. ?Halloom itton maggeti mihoo aabine?

19^{ne} Shabaattoo



Kuchi Maaci Kaayo 16 - No Kitaamiton Uumiibon

“No kitaamiton uumiibon” immi shuunee bekkiiyee kaayon kaachiyoonaa kitaamito ama getogaata boono digeneemmoch degit. Eb kaayon kaachiyooch hiniyee desh giddeti hamaa dabboon gaachebit .

Nallefeena'ona tookki kitaamitee uumiyyoo, tati beddiyee itto immi moosheena'o toommooch iihaatiyoch hiniyee desh giddeti hamaa dabbeena'on quyeyee kaayo kottemmoch tuniibit.

1. Filiippee chaartoon qannayoona nallefeena'on 5che-6ch beddaahaa beeti guuphon halloo woyee dojjechino maaxooch keyona xalle xaa'oo qepphoo. Aree xaa'oon macecikkimmi kitaamito tuniyoo.
2. Dojjechino and macecikkimmi kitaamiton halliyeemmo noone getona guuphina'och geto. Dabbiyoona nallefeena'o boono kitaamitoch beeti mooyina'on (shaahiyooch: doyyee kexo, gommo, becheena'o, gijjeena'o, hoospitaalo, gabiyoona,....dab) boono baribariyeemmoch tuniyoo.
3. Kitaamitoch beeti qiiceena'on (dengo, woraaqato, michi waamo, mixo, koppoo, feenno,...dab) nallefeena'och imona damba boono qepphiti kitaamiteena'on boono qepphitoomona boono shuuneemmoch tuniyoo
4. Woraaqatochee boono shuuneti kitaamiteena'o daggooch beddimmi wotte woho beeyeemmoch tuniyoo.
5. Kitaamite shuuneena'o shuunetaa boono ciigaata boono shuuneti shuuneena'o toommooch nallefeena'on iihaatiyoo.

Iihaatiyee echeena'o

1. Kaayooche woddii itto shunnito amooniye?Amooch?
2. Tati beddimmina'o aboshinee?

20^{ne} Shabaattoo



Kuchi Maaci Kaayo 17 - Ashi Halloo

Nallefeena'on "Ashi halloo" immi kaayon kaachiyoon boono kitaamito boono digeneemmoch tuniyoo

1. Kechi, dooyee kechi, iwee goroonaa bar bareena'on bekkimmi shichoon gididiyoon nallefeena'o boono kitaamitch ashoon shuuneeti shuuneena'on boono ariyeemmoch tuniyoo.
2. Dabbiyoon ashii kishoon shuuneetonaa shuuniyaaneena'on nallefeena'o baribariyeemmoch tuniyoo.

lihaatiyee echo

- Ashi kishoon shuuneeti mooyina'o ama iyaane?

22^{ne} Shabaattoo



Kuchi Maaci Kaayo 18 - Showee Ama Iyaane?

Nallefeena'on "Showee amayaane " immi kaayon kaachiyoon boono kiitaamiton shiimoon boono ariyeemmoch degit. Eb kaayon kaachiyoch hiniyee desh beeti hamaa dabboon quyebit.

1. Nallefeena'o genga guudiyee boono kotemmo tuniyoo.
2. Showee maayo, aacoonaa shaahe gaaceena'on immahan. Shiimoo no qayigaata and getteeti gaacoon imaachene getona nallefeena'och biriibit.
3. Showee yibbaatoon bi hakkimmo gaata noon ama bi geteesho gaata arihoote? Eke qoppebot. getona boono shalligoon boono getteemmoch tuniibit. Shaahiyooch: doogena taan shiimebote, guudoo dufiyee taan duubiyaaahote, ta daggooch beeti becheena'onaa gijjeena'on miixiyaahote.
4. Gengoon guuddii koteti nallefeena'on ubba showee noonechi gaata ashii bushooch amoon geto bi hakkiiyeesho gaata, showoon aabichii shiimoo hakkiiyeeshe gaata echo.

Iihaatiyee echeena'o

1. Shoween itto kerimmogaata bi iritoon aabichi bariyeeshote?
2. Showee ashoomi noonechigaata biich qaawiimmon ama getteeshote?
3. Kitaamiton aabichii shiimo hakkiyeehone?



Kuchi Maaci Kaayo 19 - Ta Shigooch Beeti Bireena'o

Ta shigooch beeti bireena'o immi kaayon kaachiyoona boono qelloonaa bare nallefeena'och shigee kaardoon gaachoonaa bireena'on doyoo boono hakkiyeemmoch tuniyoo.

1. Nallefeena'och boono qelli qelli shigooch beeti biree kaardoo, kuxe woraqaatoonaa koppin imbit.
2. Nallefeena'o boono shigoon gaawichi ciinneemmoch echebit.
3. Ikke shigee kaardoon yeshiti (wodde bireena'o yeshani shigo, Keri, Aachi, Aatti, Attumi, Kalliti). Echeti nallefeena'o bushoo yechiton boono ciinneemmoch echebit. Shigee biroon herecheechi bireena'on aree shigoona ceego.
4. Dabbiyoona nallefeena'o ikko ikkochi shaahere bireena'o beemon (batti batti biro woyee bare biro tunoon hakkiye) bushoo kaardoon yeshona bi woyeemmoch echebit. Eb bushoo shaahoo tuneti bireena'on bi malleteemmoch gaachebit. Bare nallefeena'o ebin boono ciinon xiishibit.
5. Eboommi hinnoona bare nallefeena'on shuuniibit. Bushooch shigooch beeti bireena'ooche ikkoochona kottimmi shigeena'ona beeti biroon echoona dabbiibit. Wotta kuxooch koteebeeti doyechina'o bireena'on gaawichii boono ciinon xiishibit. Bireena'on aa'i madooch kooroona biriibit.
6. Dabbiyoona nallefeena'o boono shigoon kuxe woraqaatooch boon kooriyeemmoch echebit. Kuchi daggooch guudoona iriteeti bushiisheena'o beegaata degit. Dabbimmi decoobo bare nallefeena'ochi shigoona wochi wochii shuuniibit.

Iihaatiyee echeena'o

1. Boono shigee mihee daggooch beeti bireena'on echo?

23^{ne} Shabaattoo



Kuchi Maaci Kaayo 20 - Yaferee Kaayo

Kootee teendoonaa ziipoon qechoonaa hiconaa yafereena'on daniyee qaaroon waayiibee "Yaferee kaayon" boono kaachemmoch tuniyoona kishoonaa aafee yeshoon boono uumiyeemmoch degit. Eb kaayooch

1. Teendechonaa taheena'on qannayoo.
2. Tendeena'onaa ziipoon aabichii hiconaa qechoona hakkeebeeto gaataa yafereena'on gaachoonaa qaaroon kichii geto boono hakkiyeemmoch wochi wochii biriyo.
3. Nallefeena'o boono beeggitoommon teendoonaa ziipoon hiconaa qechoonon yafereena'on gaachoonaa qaaree kichoon wochi wochi boono doyiyeemmoch tuniyoo

Iihaatiyee echeena'o

1. Itto daggooshee koni yafereena'on qaadiyoo hakkiyeehe? Amooch?
2. Shitte'i teendoo qechoonaa hicoch amoon halloo qaawiihe?

24^{ne} Shabaattoo



Kuchi Maaci Kaayo 21 - Ta Yaferoon Dabbibot.

"Ta yaferoon dabbibot immi kaayon kaachiyoona yoocha woyee qannaa shuuraaron nallefeena'o uumiyeemmoch hiniyee desh giddeti hamaa dabboon quyebit.

1. Bushiisheena'o gutti gutte qaremmon tuniibit.
2. Gutteena'o daggooshee ikkoo yaabibeetaa kaayon boono kotteemmoch tuniibit.
3. Qaretina'oyee baroo kaayon kottiye.
4. Hiniyee desh beetina'on biriibee bekkiiibit.
 - Hambote immona bulliyona boono kishoon ikke hiroommi wohona yaabechoch qanne kishooch gedoch herecheheete.

- Boono yaabecho qanne kishoon damba tiijjoona desh kinddiyoona kuchi daggoocha boono shunnitowaan shuuraarikkiyeete.
 - Neechibote immona bulla dabbiibeetina'o yaabiibeetochi heenon shaddoona boono nuuchoon qanne kishoona yaabiye.
5. Ikkoo woyee gutte daqiiqee barittinoona hamiyee neexebote getit.
 6. Bullee goorooch bushiisheena'o boono nuucheena'on ciinniibeetina'o tunoon xiishibit.


lihaatiyee echeena'o

- Kaach goorooch bari bare kaattoowaan shuuraaroonaa itto nuucheena'och kishoon itto dabbimmona amoo ittoshich waayeete?
- Ebiyee aafi yoocha - qanna shuuraaroonaa amoon hallii arihoote?
- Yooche kishee shuuraaree iiqqoon uumiyooch amoon halliyote?



Kuchi Maaci Kaayo 22 - Keye Gommon Qaawoo

Nallefeena'och hiniyee desh beeti shicheena'on imona gimee kelloona baach gimona aahe xaa'oona baach beshoona daggooch shagonaa aroochee keyooch boono shaggeemmoch tuniyoona ciinonaa shalligee iiqqoon boono uumiyeemmoch degit. Ebina shiichi shaggito kaayon beshitee getteehe.



Iihaatiyee echeena'o

1. Kaayon shunnitote? Amooch?
2. Eb kaayo maggete? Amooch?

25^{ne} Shabaattoo**Kuchi Maaci Kaayo 23 - Bireena'on Yeshiyee Kaayo**

Bireena'on yeshiyoo immi kaayon kaachiyoona miheena'onaa minnakkanneena'on boono shuuneemmoch tuniyooch hiniyee desh giddeti hamaa dabboon gaachebit.

1. Bushiisheena'on 5che-7ch beddimmi naayina'ona qoodii guuphiyoo .
2. Bullee bireena'o kooreeti kuxaa kuxe woraqateena'on aafi bekkemmi kaachi gaddooch shacit. (Ikke nallefoo giishebee getigaata ikke biroon beego qaawiihe).
3. Guuphina'o boono qelli qelloona 5 shaaddee wohona kaame kiirooch boono neexeemmoch tuniibit.
4. Hiniyee desh beetina'on biriyoona shuune bekkiibit.
 - Guuphina'o boono qelli qelloona batt batti bushoo baach neexemmona bareena'o gubb koteheete.
 - Itti hajjiyoon immemmona neexeti bushiisheena'o bireena'on tiijjooch kaachi xaa'ooch wocciyeete.
5. Arooche ando hajjiyoo ichemmona aafi neexeti bare bushiisheena'o boono kaalloona bare bireena'on woci boono daammeemmoch tuniibit.
6. Bullee guuphi naayina'och kaayo shaggitoyee gubb boono guuphona tunoona boon kiciti bireena'on gaachoon boono hakkimmi wottoon mihoon boono halliyeemmoch tuniibit.
7. Guuphina'o qelli qelloona boono halliti mihoon gogoona boono beeggeemmoch tuniibit.

Iihaatiyee echeena'o

1. Itto guupho am amee miheena'on hallitte?
2. Eb miheena'o daggoochee itto ariyaani miheena'o beeyeeheete?
3. Eb bireena'on gaachoon am amee minnaakanneena'on halloo hakkiiyoote.

26^{ne} Shabaattoo



Kuchi Maaci Kaayo 24 - Michi Aafeena'ochi Baccoo

Michi aafeena'och baccoo immi kaayon kaachiyooch hiniyee desh beeti hamaa dabboon quyebit.

1. Bushiisheena'on 6che-10ch beddimmi guuphona qoodibit.
2. Gutte kisheena'on naaba yaggiich yeshiyaanon boono kishee genjoomona genga guudii neexo
3. Bushiisheena'och boono qelli qelloona michi aafeena'ochi shigoon imbit. (Shaahiyooch: muuzo, paappayoo, burtukuwaanoo,...dab). Ikkiikke michi aafee shigeena'o wodde bushiisheena'och ichoon xiishibit.
4. Itto gaacheemmi michi aafee haddee kaayon kaachiibeeti bushiisheena'ochi woddittinoona qepphibit. (Shaahiyooch: ikke guuphooch bushiisheena'o kaachemmo tunegaata gutte michi aafeena'ochi shigoon imi qepphibit. 10 bushiisheena'o guuphooch beegaata 3 michi aafeena'och shigoon immi qepphibit.)
5. Ikk ikke guuphoochee ikke bushoon kaacoona gengee dagg gimona bi ceegeemmoch tuniibit.
6. Gengoon hallii neexeti bushiisheena'och chookoon woyee maarikeroon imbit.
7. Ubbe bushiisheena'o showooch boono halliti gengee toommooch boono kiiritoyee gubb gengee daggooch boono neexeemmoch tuniyoo.
8. Hiniyee desh beetina'on biriyoona shuunee bekkiibit.
 - Yaabecho michi aafeena'on kaalli kaalloona ceeggiye. Bi ceeggiti michi aafona shigeti bushoo gengoochee keyona bi neexeemmi bare genggooch giyemmoch herecheheete.
 - Ikke kaalloon ikke gengee daggooch neexoo hakkiyeemmo ikke bushoo baachiye.
 - Boono guupho danei bacceyaane doyechina'o kaayooche kechiyeete.

Iihaatiyee echeena'o

1. Ceekketi michi aafeena'o daggoochee oogii itto shunniibeeto aabiniye? Itto shixxiibeetoche?
2. Eb michi aafeena'on mamoo amooch bi gaacciibeeto gaata ariihote?
3. Michi aafeena'o immiibeeti gaacoochee danooyich amoon halloo qaawiihe?

28^{ne} Shabaattoo



Kuchi Maaci Kaayo 25 - Bulliyona “Takayoon” Shunniyeete

Bulliyona TakKaayoon shunniyeete immi kaayoon kaayoch hiniyee desh giddeti hamaa dabboon quyebit.

1. Shabbatee aabe duubon (Takkayee duubon) nallefeena’och degoon imibee duuppiibit.
2. Tachayoo Tachayoon keriye. Tachayoo shabaattee batti batti aaboone.
3. Nallefeena’o duubon dojjechinona tookki duubbeemmi na’o tunoon geto.
4. Ebinoo bare shabaattee aabeena’on sheqqo woyee duuboona giddiyoo. Shahiyooch:
Tachayoo, Tachayoo, Takkayoon keriye,
Takkayoo emirikkimmi aaboone,
Takkayoo shabaattee guttinee aaboone.
5. Bullee shabaattee aabeena’o eboomon nallefeena’o duubbeemmoch tuniyoo.
6. Dabbiyoona bullee nallefeena’o gengoon shuunee boono neexeemmoch tuniyoo. Ikke bushoon kaacona kuwaasoon biyecheemmoch tuniyoona batti batti aabo tachayoo iibee bi ceeggimmona bareena’o Tachayee duubon boono duubbeemmoch tuniyoo.
7. Bareena’o duubon boono ciichimmona kuwaasoon yechiti nallefoo kuwaasoon bi shunnimmi nallefoowaan awarehee. Kuwaasoon yechiti bushoo Tachayoo bi immona bareena’o Tachayoo immi duubon boono duubbeemmoch tuniyoo.
8. Ebina bullee nallefeena’o oogishambetooch beddaahaa boono duubbeemmoch mashaamiyoone.

Iihaatiyee echeena’o

1. Shabaattee aabeena’o decina’o konoshine?
2. Shabaattee batti batti aabo koni getteehe?
3. Shabaattee ciire aabo kone?

30^{ne} Shabaattoo



Kuchi Maaci Kaayo 26 – Toch - asheena'on Keroona Kaayo

Nallefeena'o boono ariimmi tochoon qepphoona tochee ashoon keroona tochii boono bekkiyeemmoch hiniyee desh kotetei hamaa dabbona gididiibit.

1. Ebiyee aaf boono ariibeeti tochoon boono shalligiyeemmonaa boono daggoochee tochiyeemmon boono kaacceemmoch degit.
2. Kaacheti tochoochee boonoch mashaamimmi toch-ashoon boono daammeemmoch shalligichibit.
3. Tochee toch-ashoon kerii boono kaachimmona tochoon boono digeneti hinnoon ariyoona tachoo beegaata nallefeena'o baribariyeemmoch degit.

lihhatiyee echeena'o

1. Tochoo aabichite ?shunnitote? Amooch?
2. Beshoon itto shunniti tochoo aabine?

'O' Kime Doyee Prograamo



Kooricoo 6: Duubbo



Kichoo Hee'o

Duubbi Gooroo	151
Duubo 1-Hambone Doyee Kexooch	151
Duubo 2 - Ashittinee Qeexxeena'o	151
Duubo 3 - Gishiishi Kafeena'o	152
Duubo 4 -Kechi Gijjeena'och Duubo	152
Duubo 5- Wooho Emiritone	152
Duubo 6- Qaxaree Shaaheena'on.....	153
Duubo 7–Xallittinee Deewo Eecheda...Eechedanee.....	153
Duubo 8- Ta Manoo Immito	154
Duubo 9- Ikkoochi No Bulli	155
Duubo 10–Ikkooch Ikkoo Daakkaa	155
Duubo 11 - Shiitina'o.....	156
Duubo 12 - Aa'i Kooraaneena'o Duuhooch	156
Duubo 13- keyi gattooch	157
Duubo 14 - Doyiidabee.....	157
Duubo 15- No Xallittinoon Quyebon	158
Duubo 16- Cundich Kunaanee.....	158
Duubo 17 - Biree Doyoo Shunno.....	158
Duubo 18 - Giish Emmishe.....	159
Duubbi 19- Tuushoo Echeba.....	159
Duubo 20- Saayinso Saayinso	160
Duubo 21-Yoobeeroon Tunoo.....	160
Duubo 22- Belle doyecho.....	161
Duubo 23- Kaaye Kaayone.....	161
Duubo 24 -No Duubbi Qiiceena'o	162
Duubo 25- Shabaatee Duubo	162
Duubo 26 - Arooba qaawooba	163
Duubo 27- Waama Emritote	163
Duubo 28 - Harite Haraache	164

Gimo

“Duubbi kaallooch” hin yaaboonaa yeshiitaa icheti duubina’o shabaatteexi doyyoon kupphiiyeemmina’one. Batti batt duubbi qiinoona, keeme kiiron shuyiimoona gutta qoodoona woch wochi elliiibit. Dabbiyoona nallefeena’o ittin dabbiyee boono duubbemmooh tuniibit. Aaroochee duubbi qiinoonaa yawoon waayiyoone. Beddimmi wottoon shalligee boono hakkoon itti xiishitoye gubb duubon siidiiche elliiyoona woyee qaaroona tookkii duubona doyyoon kuphiibit. Boono duubbitoyee gubb duuboochee boono elleti miheena’onaa boono digeneti shalligoonaa aaf boono doyyiti doyyee shaahoona boono yeshiyeemmooh echoona ihaatiibit.

Hin kooricee daggooch bari bare shaahе duubina’o giddeteete. Eb duubina’on timoocha getaa giddetina’o tunetoch kitaamitee hinnoommona uumiyoonaa bari bare qocee duubina’on, qocee kaayina’onaa bari bare shuuraareena’ona kette duubbi qiiceena’on degiyoona daakkii gaacho hakkeehе.

1^{ne} Shabaattoo



Duubbi Gooroo

Duubo 1-Hambone Doyee Kexooch



Hamboon doyee kexooch !
 Hamboon doyee kexooch (2)
 Hammi'i ariyeedanooch(2)
 Hamboon doyee kexooch (2)
 Hammi'i ariyee danooch2)

Beellee tuneemmi taane

B, C doyiyemmi tane

Beegi ariyeemmi taane

Beshone gaciyemtaane

} x2

Hamboon doyee kexooch (2)

Hammi'i ariyee danooch (2)

Duubo 2 - Ashittinee Qeexxeena'o

Haddaa uucheena'o ahee qeexxeena'o
 Hallii'i shuunooyich nooch beete kishoo
 Nooch beete waamo ellee'i waayemmo
 Noocoon napphee bariyooch gaachehone eciyoon
 Beeton bulla ciinoyich afoon gaachehone
 Beehee gaawaa gondoon xiishiyon muddoona
 Kishoo beete nooch shafe'i bariyooyich
 Kiikka noocoon bariyooyich nooch beete eciyoo
 Shiiqqe'i bariyooch gaachehone muddoon
 Shiicha dabbi ciinooyich nooch beete aafoo
 Shitte'i waayooyich gaachehone waamon

Duubo 3 - Gishiishi Kafeena'o

Gishiishi kafeena'o 1, 2, 3

Gishiishi kafeena'o 4, 5, 6

Gishiishi kafeena'o 7, 8, 9

Gishiishi kafeena'o 9(3)

2^{ne} Shabaattoo

Duubo 4 -Kechi Gijjeena'och Duubo



Kechi gijjeena'oduubon hakkiyeete
Kaayon am am iyeete } x2

Kullaaree duubbahan shuuriyan

Kuubbahan miyawu miyawu iyan (2x)

Kechi gijjeena'oduubon hakkiyeete
Kaayon am am iyeete } x2

Kunaano'oche aabichiyaane?

Kupphiya cappahan wu...wu.....iye.

Kukilla kaachahan, kaachiihan

Duubo 5- Wooho Emiritone

1 2 3 getisha Wooho Emiriton

Ikkotte kaayisha Wooho Emiriton

4 5 6 'toona Wooho Emiriton

Arooche dabbiyesha Wooho Emiriton

7 8 ceegishaWooho Emiriton

Shaadde beshe hamishaWooho Emiriton

Shappimmon ceechishWooho Emiriton

9 10ch shagishaWooho Emiriton

Yibbaate eche kaayishaWooho Emiriton

Hami doyoon doyiWooho Emiriton
 Haddoon haddiboneWooho Emiriton
 Ariyoon uumiibon Wooho Emiriton
 Aageton wodiibon Wooho Emiriton

Duubo 6- Qaxaree Shaaheena'on



Mocere mooyo,
 Moca shaahoone.
 Keelleshee shaahoo,
 Keellee bungoomone. (2x)
 Ceello wotta,
 Ceechoon shaahoone.
 Diibeenoo geto ,
 Diiboon shaahiyee, (2x)
 Qaxeroo aa'o ,
 Qaaqqee cicinoomone,

4^{ne} Shabaattoo

Duubo 7–Xallittinee Deewo Eecheda...Eechedanee.

Macho kishoon eecheda...eechedanee
 Maadda aafee xallo eecheda...eechedanee
 Kaaco qelloon eecheda...eechedanee
 Kaphoon gaacho eecheda...eechedanee

5^{ne} Shabaattoo

Duubo 8- Ta Manoo Immito

Ta manoo Immito, Ta manoo Immito
Taaha, tokketetene, taaha tokketene.
Shittee tibbe hambon tilliite...indifoo
Shiichi keye hambon echaayon gubba.
Gaawiichi aafoon macheyee
Gashoono hidiyee.
Hambone doyee kexooch
Hammiyee doyibon.
A, B, C, D doyi
Ariyoon uumibon.
Ta manee Aaxxooge Ta manee Aaxxooge
Taaha, tokketetene, taaha tokketene.
Shittee tibbe hambon tilliite...indifoo
Shiichi keye hambon echaayon gubba.
Gaawiichi aafoon macheyee
Gashoono hidiyee.
Hambone doyee kexooch
Hammiyee doyibon.
A, B, C, D doyi
Ariyoon uumibon
Ariyoon uumibon.

6^{ne} Shabaattoo

Duubo 9- Ikkoochi No Bulli

Ikkotte kaachehone, kaacheechone

Imiri wotteehone, wotteehone.

Kishikishoona yesheyee yesheyee

Kicee ikkotteyee, ikkootteyee.

Ne nuuchoo ta nuuchoo

Neena waatto taacho.

Kishikishoona yesheyee yesheyee

Kicee ikkotteyee ikkootteyee.

Ikkotte kaachehone, kaacheechone

Imiri wotteehone, wotteehone.

8^{ne} Shabaattoo

Duubo 10–Ikkooch Ikkoo Daakkaa

Ikkooch ikkoon daakkaa 2 tuniihonikkooch daakkaa

Ikkooch guttoo daakkaa 3 tuniihon.....ikkooch daakkaa

Ikkooch keemo daakkaa 4 tuniihon.....ikkooch daakkaa

Ikkooch awudoo daakkaa 5 tuniihon.....ikkooch daakkaa

Ikkooch uuchoo daakkaa 6 tuniihonikkooch daakkaa

Ikkooch shirttoo daakkaa 7 tuniihon.....ikkooch daakkaa

Ikkooch shabaato daakkaa 8 tuniihon.....ikkooch daakkaa

Ikkooch shimittoo daakkaa 9 tuniihon.....ikkooch daakkaa

Ikkooch yiixiyoo daakkaa 10 tuniihon.....ikkooch daakkaa(2x)

9^{ne} Shabaattoo

Duubo 11 - Shiitina'o



x2 {
Ta indeen, ta nihoon shunnooyaani
Ta manee, ta manoon shunnooyaani
Taan shiime yesheno beeyeehani. (2x)

Shiitina'o ta manjiyeete

Shiitina'o ta tajjiyeete

Shiitina'o ta dojjiiyeete

Shiitina'o ta shunniyeete

x2 {
Ta indeenaa nihoonoon shunooyee
Ta maneena manoonoon shunooyee
Taan shiime yesheno beeyeehani. (2x)

Duubo 12 - Aa'i Kooraaneena'o Duuhooch

Uuche aa'i kooraaneena'o duukki toommooch

Uuroo ikkoo tiishegaata 4 echehe.

Awuddee aa'i kooraaneena'o duukki toommooch

Aroochee ikkoo tiishegaata 3 echehe.

Keejje aa'i kooraaneena'o duukki toommooch

Kayi yexona ikkoo tiishegaata 2 echehe.

Guttoo aa'i kooraaneena'o duukki toommooch

Geechii kuxaa ikkoo tiishegaata 1 echehe(2x)

11^{ne} Shabaattoo

Duubo 13- keyi gattooch

Keyi...gattooch keyi
 Keyi...gattooch keyi.
 Keyi...keyi....naccooch keye
 Key...iyoooye...Keyee
 Keye... Keye ...gattooch keyi
 Keye ...keyi... gattooch keyi
 Kechi ayaano buneeno keye
 Keyi keyi aa'i gattooch keyee
 Bulliye beshoocho keyi
 Bure achechocho keyee.
 Ceeri genjoocho keye
 Ceelle gattooch keyee.

12^{ne} Shabaattoo

Duubo 14 - Doyiidabbee



Nibb nibboona doйдidabbe
 Nihoon dabba'a tookk kecheten.
 Yongo yongehee
 Yongo shaggi qeerihee
 Amiyoo dihiyee
 Amiyoo shaggiyee
 Dugillaa dugillaa
 Dugillaa duppiyee

Duubo 15- No Xallittinon Quayebon



2 X { Bulli aaboon maadda no tiyemmona
Batibat xalleemmoonooone.
Aafooni kishooni
Aacoona macheeyee
Samuunoona xalleeyee
Saatoon gaacheeyee
Gashon hidiyee
Gaachechi shaafiroon.
Doyee kexooch hambon
Dookaayi ebin hallibon

2 X { Bulli aaboon maadda no tiyemmona
Batibat xalleemmoonooone

13^{ne} Shabaattoo

Duubo 16- Cundich Kunaanee

Cundichi kunaanee guudooch wotteyaachen
Cudditon naphahan, caachooche keyaachen.
Biya'a iriteten beeyeemmon mucceten
Biich bulla gondeta echemmon mucceten.
Xuuxaa du'aa yagga
Xumoonaa qititen.

Duubo 17 - Biree Doyoo Shunno



Nallefeena'ot doyibon phireboon
Naadon danooyich kuppheye doyibon.
Bireena'on bariibon
Biishiyesho ceegon.

Qecciye bekkiibon
 Qeechiye archiibom.
 “C”agenoomine
 Ceegochoo kaameene.
 “A”gaafoomine
 Ariyooch ketteene.
 “M” keejje baatechine
 Meeto shunnitine.

Duubo 18 - Giish Emmishe

Giishi emmishe qeecchane
 Giyee shaanon tiichahaane.
 Holli hollon quyaa
 Horicha maahane.
 Micha cappa giyacha
 Miii miii... iyaa qadahaane.
 Giishi emmishe qeecchane
 Giyee shaanon tiichahaane.

15^{ne} Shabaattoo

Duubbi 19- Tuushoo Echeba



(a,u,i,o (2x) tuushoo echeba (2x))(2x)
 a, u, ariite bulla.
 a,e, bulliyoona ariibee
 a,o, maneene ariib.
 a,a, tushoo echeba (2x)
 (a,u,i,o (2x) tuushoo echeba. (2x))(2x)

16^{ne} Shabaattoo

Duubo 20- Saayinso Saayinso

Saayinso.....saayinso
Saayinso..... attoocho.
Maadda tiyaa ciixaa
Mamoch kishoon machaa
Madoon machaa xallayaa.
Shaacoo yeshaachemmoch
Shaafiroon shittaa shaaccaa.
Beeti ta achoon aariya'a
Beeho iiwoo tunaa.
Saayinso.....saayinso
Saayinso..... attoocho.
Maroo qaawaa kaattoon
Maacaa biijjii beeton.
Phixaashe yawoona
Phiree shafee beegaa.
Birii'i bekkiihe
Biiyoon wodihe.
Saayinso.....saayinso
Saayinso..... attoocho.

18^{ne} Shabaattoo

Duubo 21-Yoobeeroon Tunoo



1 2 3
Yoobeereoon tunehee
Yoobi tookkaa hammeehee
4 5 6
Tookkena bechooyee damba
Tookkena tookkena

7 8 9 10

Yofi yofoon tunehehe
 Yoob shimaayona hammeehe.
 Awuroppilaanoono tunehee.
 Awuree tookkaa hammeehe.
 Tookkena tookkena bechee damba
 Tokkena tookkena

22^{ne} Shabaattoo

Duubo 22- Beelle doyecho

Beelle doyecho beshon ariimmo
 Beeggii ciinni gommon kuxiyee.
 Baatee gommo yechi yoochenoo hamiyee
 Biin quyehee baroono deggiye
 Bi doyii ariyo meeton wodiite.
 Haa'iyoon woddii'i
 Hayiboo wokkiihe.

Duubo 23- Kaaye Kaayone

Kaaye kaayone wooha (4)
 Kambooni yeshishaawooha
 Kaayi kaachiibonewooha
 Kaama kuuribone.....wooha
 kokkellooni yexonewooha
 Koppeeye kaayonwooha
 Shametoo huggonewooha
 Shaaddeyee baaroch hammishaawooha
 Shalligiyesho shuunebone wooha
 Shappiton ceechibon.....wooha

26^{ne} Shabaattoo

Duubo 24 -No Duubbi Qiiceena'o

No duubbi qiice	wobuwani (2)
Noonna bekkeemmoch	wobuwani
Aashaa aalleti	wobuwani
Aagetooch aricheya	wobuwani
Hugono shametoon	wobuwani
Huuchi kaachiyeemmi	wobuwani
Kambee kalletaa	wobuwani
Kaayo qeecemmooh	wobuwani
Bulli kaacheemmoch	wobuwani
Buuchoon yookkeemmoch	wobuwani
Xoobone ximboon	wobuwani
Xolloo tunaayi	wobuwani
Kokkellee wottee	wobuwani
Kote no yexeemmoch	wobuwani
No duubbi qiice	wobuwani
Noonna aricheemmoch	wobuwani

27^{ne} Shabaattoo

Duubo 25- Shabaatee Duubo

1 , 2 , 3, 4 , 5,

lkkootteye kaayon.

6, 7,

Shittee bariibon 7 qemina'on.

Tachayoo takkaayoo, Akkeroo, Addaamoo Mich de'o 5che qemina'o

Taajjaa shaggeton doya'a ariiton.

Bushaashambetoonaa oogi shambeetoon kexooch kashehon.

Bulla ikkota'a doyee kexooch dana'a
Biree hamaa dabbon
Biichaa ceegeton.

29^{ne} Shabaattoo

Duubo 26 - Arooba qaawooba

Arooba qaawooba
Aaco aalleyooba
Naawoon shalligaa woyeemmon gabaa
Nateexon yarimmooch yamoon kichaa
Marahoon kotta'a ikkoo guttoon haddaa
Manjeemmon kica'a bullin ikkochaa
 Kaataa hamma'a kaattoon beega'a
 Katinooch qeyaa kaataa shagga'a
 Yooyo qufee guutii yongee shaggi'i
 Yoochi amiyoo aacon wunnayaa
 Woddoon emiraa'a miiccaa nuucinuucaa
 Wottehone kexooch gommon kaattoo yechaa .

31^{ne} Shabaattoo

Duubo 27- Waama Emritote



Waama emritote iibbeena'ot shiitina'o,
Waama emiritote bullee dojjichina'ot .
 Uumiitone ariyoon oogiyaa emiritone
 Uura ooga dicca woddoon geecitone.
Besheti gooroobano yagoo keejjich
Beelloo no tuneto bullichi aayonane.
 Shiimee dichenane no ebich shaggeto
 Shiicha galletehone no dojjechina'on

Duubo 28 - Harite Haraache

Harite, haraache

Hammite, hamaache

Harite, haraache

Hammite, hamaache.

Bushoo gaggeroocho kaayone gaawichi

Bulla ikkoteyee emiri beemocha

Bushittinee gooroo besheye hamaahana

Busho duddiqoocho buuchayi kaayone. (2)

'O' Kime Doyee Prograamee Shiritte Kooriceena'o

(Tochoo, Kuxoyee Maachi Kaayo, Kuchi Maaci Kaayo, Shuunee
Bekkiyoo, Ariyee Shuunoonaa Duubona)

ISBN: 978-99944-2-849-6



Toppiyee Federaale Repibiliikee Taatee
Doyee Ministeero



Qa'ab Shooddeena'o, Shiisheena'ona
Macceena'ochi Woraafe Taatee Doyee Beeroo

Gatiyoo: 100.00